



05120

序

牖北角時聞人誦桃華扇傳奇

後序

輒從傳錄既而得傳奇讀

之喜其所隸明事多與乎四所

聞於父師者言合則益喜誦是

叙及長讀明史乃知傳奇之纂

組浩博雖於勝國掌故舊聞不
爲無據而其批比牽合之際則
言不能盡繩以事實者是在傳
奇之體固然無足怪也因取鏡
菴之序覆讀則其依文起議固
不能盡脫傳奇所緣起而其間


不無左袒寧南或致微辭於史
太傅則尤言未當乎是非之公
者蓋其時史館之寶書未出而
野史裨乘言人人殊又故明門
戶積習茲未能以遽革則作者
叙者採摭之偶疎固亦言不足

怪者也等庭間客近乃取是叙
而註之博徵載籍詳引史傳既
極談洽矣而於其書法文義之
未協者咸一一考訂而潤色寫
不遠數千里郵以示予予秉燭
發緘讀之澈曙凡予夙所未安

者莫不肩以發予覆而表太傅
之孤忠斥寧南之跋扈尤三致
意爲甚矣是註之先得我心其
所裨於操觚家而肩補於名教
者不少也夫操觚家得遍讀明
史者蓋亦鮮矣其竄聞之憾如

余注固者當矣豈少則是註之
位又惡可已哉嘉慶己卯陽月
之吉惕園居士撰

弁言



予年十六始學駢體讀吳鏡菴桃花扇傳奇後序悅之思援筆為注而家無藏書弗能從事者經三十四年乙亥春仲間庭無事簾靜花酣友人忽谈及之因思邇來蓄書頗

一

多易酬宿願爰為釋之均按原書詳細採錄不敢杜撰一字且於序中三立言失體援引不切措詞無據在皆更

易焉注版付诸剞劂以公同好云

嘉慶丙子夏至前三日花庭間客自

識於浣蘭軒



恭引

聖祖仁皇帝
高宗純皇帝 御定書目

御定淵鑒類函

御定分類字錦

御定子史精華

御定佩文韻府

御纂朱子全書

御批歷代通鑑輯覽

桃花扇傳奇

後序詳註引用書目

桃花扇傳奇後序詳註

引用書目

易經

書經

詩經

周禮

左傳

禮記

論語

孟子

爾雅

公羊傳

山海經

焦贛易林

桃花扇傳奇

後序詳註引用書目

申培詩說

詩大序

春秋感精符

衛湜禮記集說

程子周易著傳

朱子詩經集傳

張揖博雅

陸佃埤雅

孔氏家語

呂氏春秋

楚辭

吳越春秋

老子道德經

莊子南華經

關尹子

淮南鴻烈解

司馬遷史記

班固前漢書

范蔚宗後漢書

陳壽三國志

房喬等晉書

沈約宋書

姚思廉梁書

姚思廉陳書

魏收魏書

李百藥北齊書

魏徵等隋書

李延壽南史

李延壽北史

劉昫等舊唐書

宋祁等新唐書

歐陽修新五代史

桃花扇傳奇

後序詳註引用書目

三

托克托等宋史

托克托等金史

宋濂等元史

張廷玉等明史

史記正義

史記索隱

荀悅漢紀

漢武故事

伶元飛燕外傳

韋昭吳錄

吳均西京雜記

常璩華陽國志

李肇國史補

羅泌路史

陸游南唐書

錢士升南宋書

宋季三朝政要

朱子資治通鑑綱目

王幼學資治通鑑綱目集覽

二十一史約編

楊陸榮三藩紀事本末

張三異明史彈詞

陸賈新語

楊雄方言

劉向說苑

劉向列仙傳

班固白虎通義

應劭風俗通義

孔鮒孔叢子

許慎說文

劉熙釋名

鍾嶸詩品

桃花扇傳奇

後序詳註引用書目

四

葛洪抱朴子

葛洪神仙傳

張華博物志

王嘉拾遺記

劉義慶世說新語

劉義慶幽明錄

崔豹古今注

馬縞中華古今注

吳均續齊諧記

任昉述異記

宗懔荆楚歲時記

酈道元水經注

三輔黃圖

樂府古題要解

周興嗣千字文

彤管集

昭明文選

昭明文選六臣註

王通元經

王通中說

李靖衛公問對

杜佑通典

唐百官志

朝野僉載

張說虬髯客傳

曹鄴梅妃傳

蔣防霍小玉傳

白居易六帖

王仁裕開元天寶遺事

孟棻本事詩

蔣一葵堯山堂外紀

歐陽修歸田錄

桃花扇傳奇

後序詳註引用書目

五

李昌齡樂善錄

趙合時候鯖錄

李復言續幽明錄

孟元老東京夢華錄

陳標負暄雜錄

孫光憲北夢瑣言

蔡條鐵圍山叢談

沈括夢溪筆談

張君房雲笈七籤

陸游老學菴筆記

吳處厚青箱雜記

賈似道蟋蟀經

王直方詩話

誠齋詩話

青瑣高議

陳曜文天中記

焦林大斗記

辛氏三秦記

伊席夫娜嬾記

何良俊語林

陶宗儀輟耕錄

陶宗儀書史會要

屠隆考槃餘事

張東海集

劉元卿賢奕篇

春風堂隨筆

郎瑛七修類稿

六朝叢話

慎微篇

異聞錄

異錄

瑣語

桃花扇傳奇

後序詳註引用書目

六

古史考

綬冠未刻編

陸圻真報錄

通史志

格物志

統要

錦繡萬花谷

細素雜記

王士禎分甘餘話

查爲仁蓮坡詩話

麗情集

感舊集

天地全圖注

遣愁集

一統志

步二八歌

陸應陽廣輿記

孔繼汾闕里文獻考

名勝志

徐筠水志

南畿志

江南常州府志

金陵圖考

郝城紀勝

余懷板橋雜記

唐詩紀事

仙佛奇踪

釋道宣高僧傳

釋普濟五燈會元

僧觀肇維摩詰經註

法華經

楞嚴經

桃花扇傳奇

後序詳註引用書目

七

羯摩經

涅槃經

度人經

玉京經

隱丹經

靈寶本元經

太上天霄琅書經

天隱子

玉篇

正誤

正韻

集韻

增韻

韻會

古今樂錄

古詩鏡

賈誼長沙集

司馬相如長卿集

董仲舒膠西集

劉向中壘集

揚雄子雲集

班彪叔皮集

班固孟堅集

張衡平子集

蔡邕中郎集

魏文帝集

魏陳思王集

阮瑀元瑜集

阮籍步兵集

嵇康中散集

鍾會司徒集

杜預征南集

桃花扇傳奇

後序詳註引用書目

八

潘岳安仁集

左思太冲集

陸機平原集

陸雲清河集

成公綬子安集

張協景陽集

陶潛靖節集

鮑照叅軍集

謝惠連法曹集

王融寧明集

梁武帝集

梁簡文帝集

梁元帝集

江淹醴陵集

徐陵僕射集

魏收特進集

庾信開府集

王褒司空集

唐明皇帝集

則天皇后金輪集

徐賢妃集

虞世南文懿集

楊炯盈川集

王勃子安集

盧照隣昇之集

駱賓王駱丞集

崔湜澄瀾集

杜審言必簡集

李適侍郎集

陳子昂拾遺集

張說燕公集

王維右丞集

桃花扇傳奇

後序詳註引用書目

九

祖詠洛陽集

李頎東川集

王昌齡江寧集

劉長卿隨州集

顏真卿魯公集

孟浩然襄陽集

李白供奉集

岑參嘉州集

杜甫少陵集

賈至幼隣集

元結次山集

獨孤及至之集

戴叔倫幼公集

王建仲初集

權德輿文公集

楊巨源景山集

韓愈昌黎集

劉禹錫賓客集

孟郊東野集

張籍司業集

元稹微之集

白居易香山集

杜牧樊川集

溫庭筠飛卿集

許渾丁卯集

李商隱義山集

薛逢陶臣集

趙嘏渭南集

馬戴虞臣集

賈島長江集

劉滄蘊靈集

曹鄴桂州集

桃花扇傳奇

後序詳註引用書目

十

許棠文化集

陸龜蒙魯望集

司空圖表聖集

方干元英集

韓偓冬郎集

吳融唐英集

歐陽修文忠集

梅堯臣宛陵集

秦觀淮海集

王令廣陵集

蘇軾東坡集

蘇轍樂城集

晁冲之具茨集

黃庭堅山谷集

程俱北山集

范成大石湖集

陸游劍南集

楊萬里誠齋集

趙師秀清苑集

徐璣二薇亭集

真德秀西山集

劉克莊後村集

戴復古石屏集

黃庚月屋漫稿

文天祥文山集

劉因靜修集

袁桷清容居士集

馬祖常石田集

宋无翠寒集

柳貫待制集

陳高不繫舟漁集

陳基夷白齋稿

桃花扇傳奇

後序詳註引用書目

十二

吳澄草廬集

陳旅安雅堂集

劉基誠意伯集

高啟青邱集

冒襄辟疆園集

毛奇齡西河集

吳偉業梅村集

侯方域壯悔堂集

邵長蘅青門集

孫元晏咏古詩

褚載詩句

文苑英華

明詩綜

晏殊珠玉詞

歐陽修六一詞

蘇軾東坡詞

引用書目終

桃花扇傳奇後序

過客衣冠依稀優孟。郵亭宮闕。髣髴梨園。歎輪局之稽延。鶯花

一歲。笑偏方之寄息。萍水三朝。

原作上二句。覽南渡之興亡。笑東遷之聚散。夫明福王之竊據。

暫時。豈宋高宗周平王比哉。笑人。不倫。語且失體。故易之。

爲古擔憂。有意拋罵曹之鼓。因人

抱忿。無方擊斃賈之椎。往事雖陳。情焉能已。舊人猶在。吾末如

何。於是譜叙兒女私恩。表一段溫柔佳話。紀述君臣公案。發千

秋成敗奇聞。蓋以馬史班書。賞雅而弗能賞俗。搜神博異。信耳

而未必信心。所以許劭之評。託彼吳歛。越調董狐之筆。付諸桓

桃花扇傳奇

後序

笛。贏簫。此桃花扇傳奇所由作也。嗟夫。烈皇殉國。歷在申年。闔

逆攻都。春當辰月。機森彗指。

原作海飛山走。按揚雄劇秦美新。海水羣飛。二世而亡。何其劇也。昭

明文選六臣註。海水喻萬民羣飛。言亂也。又按述異記。桀時泰

山。山走石泣。先儒說桀之將亡。泰山三日泣。今泰山石遠望若

人泣。蓋是也。周武王謂周公曰。桀爲不道。山走石泣。明莊烈帝

時。逢陽九宵吁憂勤。勵精求治。奈所用皆亡國之臣。無可如何。

身殉社稷。豈夏桀秦二世無道。跳出生十八孩兒。輔覆樞翻。逼死

亡國比耶。措詞不當。故改之。九重天子。鼎湖龍去。弓墜烏號。瀚岸輿來。箠徵象齒。

原作鐵脰。鴟張刀揮。

素質。按鐵脰。見後漢書光武帝紀。與銅馬大形高湖重連。大槍

尤來。上江青犢。五校檀鄉。五幡五樓。富平獲索等。皆一時羣賊

別號。單舉鐵脰。未免掛漏。且與鼎湖不對。鴟張。見三國志孫堅

列傳。語張溫曰。董卓不怖罪。而鳴張大語。請以召不時至。陳軍

法斬之。王幼學資治通鑑綱目集覽。鴟張如鴟梟惡鳥之張大與鐵脰二字。生捏不貫。刀揮素質。見魏文帝建安自序。不造百辟寶刀。其一文似靈龜。名曰靈寶。其二彩似丹霞。名曰含章。其三鋒似崩霜。刀身劍鉞。名曰素質。與上鐵脰。鴟張又不甚貫。文雜而句拙。因闖賊責縣與黃巢淘物相類引而改之。鳳闕鸞臺之火。赤焰彤天。螭階麟閣

之尸。紅流赭地。薊門兵燹。絕無原廟殘甍。建業人烟。幸保陪京剩土。噫嘻。漢家之厄十世。惟光武之中興。獻公之子九人。僅重耳之尚在。以致奸頑乘釁。窺神器而包禍心。詭譎同謀。立新君而居奇貨。珪桐剪葉。封神廟之親孫。瑤樹生枝。迎福藩之嫡子。千官擁戴。氣象南陽。萬姓歡呼。風流東晉。詎意黃袍加於身上。桃花扇傳奇 後序

二

天子無愁。碧璽列於几前。寡人好色。譬如勾踐。未奮志於嘗胆。卧薪荒北。東昏只留意於徵歌選舞。小憐大捨。豔叢白玉床前。花蕊梅精。嬌簇黃金屋裏。月姊進長生之藥。枕上飛仙。麻姑責不老之丹。杯中樂聖。以致六千君子。縮頸逡巡。八百諸侯。抽身退避。臙脂古井。仍投珠翠之妃。結綺高樓。又上戈矛之士。奇可傳者。斯其一也。至於隕業圖新。原作帝業。惟新今改。沙堤望重。棄基待振。原作皇圖。畫省權尊。隻手擎天。須體認安劉周勃。孤忠捧日。務再造。今改。摹倣復楚包胥。孰不思江左夷吾。經綸嶽嶽。人皆望禁中李牧。

功烈錚錚。爾乃獻值衰微。政全由卓。

原作元改靖康政全歸德按靖康乃宋欽宗年號高

宗之用秦檜自紹興元年始此觀不倫引典又錯故改之

僖耽嬉戲。權盡歸田。

原作位登靈武衆未誅楊

明福王豈唐肅宗比耶故改之

玉帛金綰。宰詔則苞苴弗却。別駭湯錢。廣漢則

鈞距偏多。指鹿隨心。元老合稱爲長樂。鬬蛭得意。華堂應號以

半閒。孫武子之兵書。用在春燈謎裏。李藥師之陣法。藏諸稊子

穰中。截狗續貂。市井屠沽而濫貴。燔羊爛胃。庖厨奴隸而升郎。

天下童謠。王與馬共人間仙路。阮挈劉行。以致王氣全消。無煩

金厭。國風盡變。但有民訛。野日荒荒。不見旌旗戰鼓。江流民淚。

桃花扇傳奇

後序

三

惟聞蘆荻漁歌。奇可傳者。又其一也。若夫仰治求安。

原作勘亂勤王立言

失將須一德。奮威揚武。兵始輸忠。魏挫吳鋒。李典與張遼并力。

原作晉剪蘇氣溫嶠連

晉清蘇曄。太真協陶侃偕征。

原作唐清史繫子儀

上行並討今改移下句 協光弼偕征。按郭子儀與李光弼分兵各討。適會而合耳。非

若李典張遼之同心拒敵。溫嶠陶侃之合議連兵也。故改之。賈

寇同載而言歡。漢方復盛。廉藺負荆而任咎。趙乃稱強。豈期北

原作上脅下金

鎮跳梁。鮮內靖外寧之志。南藩跋扈。多氣陵威脅之心。

原作上脅下金 詔無典據。且表中立之久亡。誰平淮蔡。孫安國之不作。孰貶桓

溫。坐位閒爭。年庚恃長。客兵弗讓。流寇偏容。鈴閣督師。懦似慈

悲佛子。轅門魁帥。勸如和解。調人

原作和事先生。未見典據。且裁對不工整。改之。不圖

批亢搗虛。

原作掃穴搗巢。未見典據。改之。

疾趨於子午谷。去祇能縱剽肆掠。轉

驪向丁卯橋來。眼看豺虎縱橫。重關怕敏。

敏。叩同。原作中原怕救。是時李自成遁入。

西安非中原也。

坐擁貔貅護衛。雄鎮偷安。以致白鷺芳洲。魚潛

引用不切。改之。水靜。烏衣舊巷。燕去堂空。江草萋萋。人作揚州之夢。山雲黯黯。

天消蔣阜之魂。奇可傳者。又其一也。惟是君王遊豫。親問蛙鳴。

宰相遨嬉。

原作開嬉。裁對不整。改之。

官能犬吠。出師上表。內無蜀國之卧龍。

拜將登壇。外少隋家之擒虎。乃不圖三公子作東林後勁。五秀

桃花扇傳奇

後序

四

才爲復社前驅。覈論秉公。竟蹈覆巢之李燮。儒林抗節。敢追秦

疏之陳東。悲楊左之銜冤。全翻逆案。

原作楊左幽冤。重興舊案。今改。等周雷之

觸禍。幾罹淫刑。

原作荆襄積憤。特舉新旗。彼時左良玉鎮守荆襄。舉新旗者。言其稱兵東下也。援左良玉前已

見於論將段。南藩跋扈二句。其稱兵東下也。後又見於廟堂錯亂段。一藩志恨二句。此段係彙叙諸微人之志節。不應夾入此

句。橫亘於中。因取殺周鑑雷續祚事改之。

柳敬亭評話游民。原作微丁。未見典據。改之。投誅惡鋤

奸之檄。

原作清惡。未見典據。改之。

蘇崑生歌謳賤士。羣亂軍死帥之骸。狎客

歸山。丁繼之效徐伯珍之潔。

原作抱雷海清之慟。比擬不倫。立言失體。改之。

書商破產。

蔡益所擔孔文舉之辜。藍田叔身隱畫師。引領蛾眉而入道。卞

玉京名逃樂部。掉轉螭首而修真之數人者。境實卑微。志堅巖
瀆。品雖高邁。位陋泥沙。挹彼風標。似聽足音於空谷。揭斯氣節。
允當底柱於頽波。奇可傳者。又其一也。嗚呼。當是時也。臨傾廣
廈。一木何支。待斃膏肓。九還莫救。世事如此。對風景以奚堪。天
運可知。望川原而欲涕。爰有夷門望族。梁苑畸人。慨琴劍之飄
零。孤踪白下。憫陝川之蹂躪。原作感鄉關之梗塞。是時李自成
在陝。張獻忠入蜀。河南安靜無事。
正言不
切。改之。滿地黃巾。懷晉悼齊。原作恨晉愁梁。
未見典據。改之。暫拭南冠之泣。嘲
風咏月。原作嘯月。未
見典據。改之。聊追北里之歡。恰遇香君。實爲尤物。遂爾

桃花扇傳奇

後序

五

握巫峰之暮雨。攜洛浦之晴雲。三四千里之星娥。朱絲繫足。二
十八字之月老。素筵盟心。百寶箱中。珍藏便面。原作攝面。非。攝
面者。面鑑也。與

扇何
涉。雙鉤簾下。鑒賞聚頭。所謂摺疊雖輕。才子投一時之贈咏。

題甚重。麗人定百歲之情焉。其奈文章憎達。旣落第於吳宮。適

值兵牒求援。則從戎於洛水。遠入蓮花之幕。郎是叅軍。獨登楊

柳之樓。妾爲思婦。感時撫景。慘淡吟詩。覩物懷人。淒涼玩扇。籠

藏袖裏。

原作籠隨袖口。
未見典據。改之。

弗捨撲蝴蝶之風。繫近褰腰。留待殉鴛

鴛之塚。紅粉於房中計日。正自含愁。青衣於樓下催粧。忽令改

志緣以中堂薦美。驅象而送向蛇香。亦因開府覓姬。釣鯉而歐
由獺祭。香君則水凝作骨。日出當心。不樂求凰。寧甘打鴨。擲去
香囊之聘。弗愛彼瑟瑟珠衫。罵回油壁之車。徒駕到鞦韆繡轂。
而且粧崩墜馬。金投約指於樓窻。髻壞盤龍。玉觸搔頭於柱礎。
舞非如意。鄧夫人。原作孫夫人。非。血滴眉尖。傷豈飛刀。韋娘子紅淋額
角。遂致扇似團圓。明月灑來幾點流星。詩如李杜文章。迸起一
層光焰矣。時則豪強難忤。猿亡而必致魚殃。委曲求全。桃僵而
何妨李代。麗娘惜女。竟以身充。香女離娘。惟餘影對梨花雲裡。
桃花扇傳奇 後序

六

傷魂只有夢懷人。原作只夢以懷人。以字與下句愁字不對。故改之。燕子樓中啼眼更
無愁似我。乃有石城舊合。粉署閒曹。竊將點口之脂。分來染扇。
借用畫眉之筆。暫以描花。趙合德裾上津華。變作元都嫩蕊。薛
靈芸壺中唾色。化成度索蟠根。扇喚桃花。歌臺。原作歌場。未見典據。改之。曾
有紅叨人面。畫苑所稀矣。詎知節屈靈辰。貴介賞鍾山雪景。渡
名桃葉。名姬。原作羣姬。未見典據。且與貴介不對。改之。奏玉樹歌聲。原作新聲。與下新婦字複。改之。
錦席既張。香君與侍。命如斯薄。誰不畏丞相天威。情有所鍾。儂
已作。使君新婦。不覺頰潮紅暈。忿忿而言。眉蹙青黛。申申以詈。

熱雖炙手。危如燕雀之堂。焰縱熏天。醜是麒麟之植。女灌夫詞。

鋒怒挺。

原作雌。正平唇槍大動。語粗。無典據。且與罵曹句複。因援馮贛南部烟花記。隋煬帝稱吳絳仙爲女相如例。改之。

滿座俱驚。活林甫腹。劍陰藏。當場反怨。休休相度。不居殺歌。

妓之名。隱隱奸謀。但唆入樂份之選。嗣後虬壺聽漏。寂寂長門。

蟬鬢驚秋。淒淒永巷。昭陽日影。樹頭空盼。盡寒鴉。御苑溝流。葉

上。又難通錦字。懸憶天涯。夫婿雨。桶風餐。自憐。毀角。嬋娟。花。隤。

月冷。

原作月。損。未見典據。改之。

無何。洪河失守。記室從間道逃歸。文社重聯。

鈞黨陷園。犀禁鋼。司以驢之拔。極光祿。則快意私讐。歎其麟也。

桃花扇傳奇

後序

七

傷鋤。廷尉則酸心清議。乃若張金吾者。受詔捕囚。下吳導伏牀。

之淚。棄官避罪。識通明解組之機。遁跡棲霞。學仙辟穀。置是非。

於弗問。付榮辱於罔聞矣。哀哉。廟堂錯亂。擾擾如棋。將相顛狂。

紛紛似瘡。幽拘太子。誰爲世上江充。輔轅元妃。忍作朝中孟德。

獨有一藩恚恨。欲來內靖於苗劉。其如三鎮糊塗。反去外防於。

韓馬。

原作韓岳。武左良玉之藉口。清君側。誅馬阮。倘不死於九江。定有桓溫朱全忠舉動。豈可比諸岳飛韓世忠耶。方之。

韓遂馬騰。討李傕。郭汜。庶幾似之。

壁壘之長槍大劍。未分誰弱誰強。坂磯之快。

馬輕刀。總屬自屠自戮。江南撤守。人歎城空。淮北乘虛。兵從天。

降灰釘乞命。公輔則鳥已焚巢。

原作犬急亡家。雖係諛語。乃諱孔子之言。馬士英阮大誠豈可

比組馬隨營。國主則魚難脫網。

原作與觀蒙塵。帝主則魚難漏網。青衣變服。不用降書。曰馬隨

營。何須唧壁等句。按興觀蒙塵四字。夾雜不貫。且與唧壁句複。青衣句引用不切。立言皆失體。故刪改之。

以致猛將

自裁於虎帳。轍亂旗靡。大星忽落於鳧舟。冰消瓦解。

原作大星先落於樓

船。戈拋甲棄。語混入左良玉。死於九江。甚見夾雜。按明史黃得功佩刀坐小舟。督八總兵出迎敵。劉良佐已先歸命。沿岸招降

得功怒斥之。忽飛矢中其喉左。得功知事不可為。拋戈抱馬秣乃棄佩刀。拔矢刺吭。死於小舟中。非樓船也。改之。

陵差比車師。

原作圍城掘鼠。廣陵莫比。睢陽按明史。乙酉正月。史可法軍缺餉。四月二十日。

史可法死

大清兵至揚州。明日。總兵李棲鳳等拔營出降。越二日。城破。史可法死之。我

桃花扇傳奇

後序

八

大清應天順人。兵之所至。迎刃而解。入南京日。馬步兵降者二十

三萬。何嘗有圍城掘鼠之事。引典不切。立言失體。改之。

投水

塋魚汨羅。卽同胥浦。景華螢火。絕不見腐草之光。芳樂香塵。那

復有金蓮之步。三百年豐功盛德。蟻夢槐柯。十五陵剩水殘山。

蜃溇海市。乾坤板蕩。無一個社稷之臣。風雨漂搖。餘幾許林泉

之客。如斯而已。豈不哀哉。更賴有白髮禮生。失其姓字。黃冠道

士。曾現宰官。見陌上之銅駝。鼻酸舊國。聞山中之謝豹。腸斷先

王。於以村戶。贖錢追薦中元之節。仙壇酌酒。仰招上界之魂。麥

飯一盂。權抵作當年鼎鼐。菜羹半鉢。聊充爲今夕犧牲。迨及殉

難忠臣死綏厲鬼光昭四表趨踰黼座於青冥錄陟三清扈從
鑾輿於碧落是日也雲迷谷暗鐘鼓伐而聲淒沙走江喧鏡磬
敲而音慘神威赫奕顯劍佩於雲衢奸魄駭奔碎頭顱於瘴嶺
觀者如堵伊誰無警戒之心拜者若癡彼皆有皈依之志豈料
羣雞立鶴來逃獄之青衿飛鳥依人識出宮之紅袖士曰獄槐
抱痛命在如絲女曰宮柳牽心骨幾化石喁喁私語訴別後之
參商刺刺長言遇當前之牛女張道士則厲聲叱咤正色申明
國破家亡試問君親安在才貪色戀仍諸夫婦何爲苦海茫茫
桃花扇傳奇

後序

九

放下屠刀而證佛愛河滾滾拋開蟬殼而登仙香君則毀短命
之花碎宮紈於落地侯生則登回頭之岸悟世網於俄時從茲
石榻翻經花香繞聲筠籠採藥嵐氣侵衣洵足奇焉故可傳也
悲夫卦爻當剝萬物乖張劫火成灰羣倫緯繡綱常正氣泯滅
於臺閣簪纓俠義高風培養於漁樵脂粉不分褒貶誰復知筆
墨森嚴略別旌懲世還有心肝戒慎亂曰君原聖裔藉此寓德
言文政之科僕本侯家能不動隆替升沉之感

桃花扇者孔稼部東塘先生所編之傳奇也乃故明(宏)光朝

君臣將相之實事。以東京才子侯朝宗。南京名妓李香君。作一部針線。他如畫師書賈狎客娼家。諸卑賤人。翻有義俠貞固。正爲顯達之馬阮。下對症鍼砭耳。

北平吳穆鏡菴氏識

桃花扇傳奇

後序

十

桃花扇傳奇後序詳註卷一

花庭閒客編輯

孔稼部桃花扇傳奇後序

北平吳穆鏡菴

孔繼汾闕里文獻考子孫著聞者傳尙任字聘之先聖六十
四代孫父貞璠有傳康熙二十三年

聖祖仁皇帝幸魯尙任以監生同舉人尙鉞充講書官釋奠之後

聖祖御詩禮堂尙任進講大學聖經尙鉞進講易繫辭

聖祖諭大學士明珠王熙曰孔尙任等陳書講說克副朕懷着不拘例

桃花扇傳奇

後序詳註卷一

議用又

命尙任尙鉞同衍聖公毓圻等導

駕編覽先聖遺蹟

廻鑾授尙任等國子監博士明年奉

命從刑部侍郎孫在豐疏濬黃河海口後以部議停止仍還朝三十三
年遷戶部主事尋陞員外郎三十八年以事休致回里尙任
博學有文名通音律諳祖庭典故嘗忠闕里舊志未備廣搜
博採別撰新志二十四卷他所著有岸塘文集湖海詩集會

天命而又信用權奸。沉溺酒色。僅及一載。旋致滅亡。愈以見天之歸命於我。

心錄。節序同風錄。行於世。○查爲仁蓮坡詩話。孔東塘學博。尙任。號云亭山人。用侯方域李香君事。作桃花扇傳奇。其間朝政得失。文人聚散。皆確考時地。全無假借。與長生殿盛行於時。德州田山薑。鈇嶺陳于玉。宋牧仲中丞。皆有題詞。按東字季重。其作桃花扇傳奇也。蓋嫉明福王之潛據偏隅。抗拒逆

字季重。其作桃花扇傳奇也。蓋嫉明福王之潛據偏隅。抗拒逆

過客衣冠。依稀優孟。

桃花扇傳奇

後序詳註卷一

二

前漢書昌邑王列傳。察往來過客。○元結無爲洞口詩。令人悔作衣冠客。○江淹赤虹賦。依稀不常。○史記滑稽列傳。優孟者。故楚之樂人也。長八尺。多辯。常以談笑諷諫。又楚相孫叔敖。知其賢人也。善待之。病且死。屬其子曰。我死。汝必貧困。若往見優孟。言我孫叔敖之子也。居數年。其子窮困負薪。逢優孟與言。又優孟曰。若無遠有所之。卽爲孫叔敖衣冠。抵掌談語。歲餘。像孫叔敖。楚王左右不能別也。莊王置酒。優孟前爲壽。莊王大驚。以爲孫叔敖復生也。欲以爲相。優孟曰。又楚

相不足爲也。如孫叔敖之爲楚相。盡忠爲廉。以治楚。楚王得
以霸。今死。其子無立錐之地。貧困負薪以自飲食。必如孫叔
敖。不如自殺。又於是莊王謝優孟。乃召孫叔敖子。封之寢邱
四百戶。

郵亭宮闕。髮髯梨園。

前漢書黃霸列傳。使郵亭鄉官。皆畜雞豚。以贍鰥寡貧窮者。
註師古曰。郵。行書舍。謂傳送文書所止處。亦如今之館驛矣。

○廣韻。郵。驛也。○增韻。馬傳曰。置步傳曰。郵。○焦氏易林師。

桃花扇傳奇

後序詳註卷一

三

之困卦。天宮列宿。五神所舍。宮闕堅固。君安其居。○釋名。宮
穹也。屋見垣上。穹窿然也。又闕在門兩旁。中央闕然爲道也。

○楚辭。悲回風。篇存髮髯而不見兮。○新唐書禮樂志第十

二。元宗旣知音律。又酷愛法曲。選坐部伎子弟三百。教於梨

園。聲有誤者。帝必覺而正之。號曰皇帝梨園弟子。宮女數百
亦爲梨園弟子。居宜春北院。梨園法部

歎輪局之稽延。鶯花一歲。

張說。虬髯客傳。衛公李靖。又偕。又虬髯與一道士。又俱謁劉

文靜時方奕棋。起揖而語。少焉。文靜飛書召文皇看棋。道士對文靜奕。虬髯與靖旁立而視。俄而文皇來。長揖就坐。神清氣朗。滿坐風生。顧盼偉如也。道士一見。慘然斂棋子曰。此局全輸矣。於此失却局哉。救無路矣。罷奕請去。既出。謂虬髯曰。此世界非公世界也。○三國志吳書呂蒙列傳。權命蒙西取長沙零桂三郡。蒙移書一郡。望風歸服。惟零陵太守郝普。城守不降。○南陽鄧元之者。郝普之舊也。欲令誘普。○晨當攻城。顧謂元之曰。郝子太。○必能一士卒之心。保孤城之守。尚

桃花扇傳奇

後序詳註卷一

四

能稽延旦夕以待所歸者。可也。今吾計力度慮。而以攻此。曾不移日。而城必破。城破之後。身死何益於事。而令百歲老母。戴白受誅。豈不痛哉。○劉克莊哭孫季蕃詩。每歲鶯花要主盟。一生風月最關情。○援甲申五月壬寅。福王自立於南京。乙酉五月己丑。

大清兵渡江。辛卯夜。福王出走。丙申。大清兵至南京。丙午。執福王。僭號止一歲。

笑偏方之寄息萍水三朝

新唐書高儉列傳。齊據河北。梁陳在江南。雖有人物。偏方下國。無可貴者。○北史儒林權會列傳。乃逢寒雪。寄息他舍。○

王勃滕王閣序萍水相逢。○阮籍咏懷詩第七十一首蜉蝣
玩三朝。采采修羽翼。○三峽謠朝見黃牛暮見黃牛。三朝三
暮黃牛如故。

爲古耽憂。有意撾罵曹之鼓。

後漢書禰衡列傳。禰衡字正平。平原般人也。少有才辯。而氣
尙剛傲。好矯時慢物。與平中避難荊州。建安初來遊許下。

惟善魯國孔融。融亦深愛其才。上疏薦之。數稱述於

曹操。操欲見之。而衡素相輕疾。自稱狂病。不肯往。而數有恣

桃花扇傳奇

後序詳註卷一

五

言操懷忿。而以其才名。不欲殺之。聞衡善擊鼓。乃召爲鼓史。

因大會賓客。閱試音節。諸史過者。皆令脫其故衣。更著岑牟

單絞之服。通史志岑牟鼓角士曹也。鄭次至衡。衡方爲漁陽

參搥。蹀躞音牒。蹀躞小步貌。而前。容態有異。聲節悲壯。聽者莫

不慷慨。衡進至操前而止。吏訶之曰。鼓史何不改裝。而敢輕

進乎。衡曰。諾。於是先解衾衣。次釋餘服。裸身而立。徐取岑牟

單絞而著之。畢。復參搥而去。顏色不忤。操笑曰。本欲辱衡。衡

反辱孤。孔融退而數之曰。正平大雅固當爾耶。因宣操區區

之意。衡許往。融復見操。說衡狂疾。今求得自謝。操喜。勅門者有客便通。待之極晏。衡乃著布單衣。疎巾。手持三尺棧杖。坐大營門。以杖捶地。大罵。吏白外有狂生。坐於營門。言語悖逆。請收案罪。操怒。謂融曰。禍衡豎子。孤殺之猶雀鼠耳。顧此人素有虛名。遠近將謂孤不能容之。今送與劉表。視當如何。於是遣人騎送之。○三國志魏書武帝本紀。太祖武皇帝。沛國譙人也。姓曹。名操。字孟德。漢相國參之後。太祖少機警。有權數。而任俠放蕩。不治行業。年二十。舉孝廉爲郎。興平二年。冬十月。天子拜太祖兗州牧。建安十三年。夏六月。以公爲丞相。十八年。策命公爲魏公。曰。昔者董卓初興國難。羣后釋位。以謀王室。君則攝進。首啟戎行。此君之忠於本朝也。後及黃巾。反易天常。侵我三州。延及平民。君又剪之。以寧東夏。此又君之功也。韓暹楊奉。專用威命。君則致討。克黜其難。遂遷許都。造我京畿。設官兆祀。不失舊物。天地鬼神。於是獲乂。此又君之功也。袁術僭逆。肆於淮南。懾憚君靈。用丕顯謀。斬陽之役。橋蕤授首。稜威南邁。徧以隕潰。此

又君之功也。廻戈東征。呂布就戮。乘輅將返。張楊殂斃。眭固
伏罪。張繡稽服。此又君之功也。袁紹逆亂。天常謀危社稷。憑
恃其衆。稱兵內侮。當此之時。王師寡弱。天下寒心。莫有固志。
君執大節。精貫白日。奮其武怒。運其神策。致屈官渡。大殲醜
類。俾我國家。拯於危墜。此又君之功也。濟師洪河。拓定四州。
袁譚高幹。咸梟其首。海盜奔迸。黑山順軌。此又君之功也。烏
丸三種。崇亂二世。袁尚因之。逼據塞北。東馬懸車。一征而滅。
此又君之功也。劉表背誕。不共貢職。王師首路。威風光逝。百
城八郡。交臂屈膝。此又君之功也。馬超成宜。同惡相濟。濱據
河潼。求逞所欲。殄之渭南。獻馘萬計。遂定邊境。撫和戎狄。此
又君之功也。鮮卑丁零。重譯而至。單于白屋。請吏率職。此又
君之功也。君有定天下之功。重之以明德。雖伊尹格于皇
天。周公光於四海。方之蔑如也。今以冀州之河東。河內。魏
郡。趙國。中山。常山。鉅鹿。安平。甘陵。平原。凡十郡。封爲魏公。
加君九錫。其敬聽朕命。二十一年。夏五月。天子進公爵。
爲魏王。二十五年春正月。庚子。王崩於洛陽。年六十六。

○朱子資治通鑑綱目

漢獻帝建安元年即帝以操爲兗州牧之次年

曹操入朝自

爲司隸校尉錄尙書事曹操遷帝於許自爲大將軍封武平

侯○冬十月

又

曹操自爲司空○

四

劉備起兵徐州討曹操

操遣兵擊之

五年

春正月操殺車騎將軍董承遂擊備破之備

奔冀州○

十三年

夏六月罷三公官曹操自爲丞相○

十六年

春

正月曹操以其子丕爲五官中郎將爲丞相副○

十七年

春正

月曹操還鄴贊拜不名入朝不趨劍履上殿○

十八年

夏五月

曹操自立爲魏公加九錫○

十九年

三月魏公操進位諸侯王

桃花扇傳奇

後序詳註卷一

八

上○十一月魏公操弑皇后伏氏及皇子二人○

二十年

夏四

月魏公操進爵爲王○

二十二年

魏王操用天子車服出入警蹕

○

二十三年

春正月少府耿紀司直韋晃起兵討魏王操不克死

之○

二十四年

魏王操號其夫人爲王后○

二十五年

春正月丞相冀

州牧魏王曹操還至洛陽卒太子丕立自爲丞相冀州牧

又

冬十月魏王曹丕稱皇帝廢帝爲山陽公

按魏武征討之功雖不少魏武僭竊

之罪亦不輕故分別錄之

因人抱忿無方擊斃賈之推

宋史陳宜中列傳。陳宜中字與權。永嘉人也。又德祐元年。升

同知樞密院事。二月。賈似道喪師蕪湖。乃以宜中知樞密院。

兼叅知政事。已而翁應龍自軍中歸。宜中問似道所在。應龍

以不知對。宜中以爲似道已死。卽上疏乞正似道誤國之罪。

似道行時。以所親信韓震總禁兵。人有言震欲以兵劫遷者。

宜中召震計事。伏壯士袖鐵椎擊殺之。以示不黨於似道。

附錄宋史賈似道列傳。賈似道字師憲。台州人。制置使涉之

子也。少落魄爲游博。不事操行。以父蔭補嘉興司曹。會其姊

桃花扇傳奇

後序詳註卷一

九

入宮。有寵於理宗爲貴妃。遂詔赴廷對。妃於內中奉湯藥以

給之。擢太常丞軍器監。益恃寵不檢。日縱游諸妓家。至夜卽

燕游湖上不反。理宗嘗夜憑高望西湖中燈火異常時。語左

右曰。此必似道也。明日詢之果然。使京尹史巖之戒勅之。巖

之曰。似道雖有少年氣習。然其材大可用也。尋出知澧州。淳

祐元年。改湖廣總領。三年。加戶部侍郎。五年。以寶章閣直學

士爲沿江制置副使。知江州。兼江西路安撫使。一歲中再遷

京湖制置使。兼知江陵府。調度賞罰。得以便宜施行。九年。加

桃花扇傳奇

後序詳註卷一

十

寶文閣學士。京湖安撫制置大使。十年以端明殿學士移鎮兩淮。年始三十餘。寶祐二年加同知樞密院事。臨海郡開國公。威權日盛。臺諫嘗論其二部將。卽毅然求去。孫子秀新除淮東總領。外人忽傳似道已密奏不可矣。丞相董槐懼。留身請之。帝以爲無有。槐終不敢遣子秀。以似道所喜陸壑代之。其見憚已如此。四年加參知政事。五年加知樞密院事。六年改兩淮宣撫大使。自端平初。孟珙帥師會大元兵共滅金。約以陳蔡爲界。師未還。而用趙范謀。發兵據穀。函絕河津。取中原地。大元兵擊敗之。范僅以數千人遁歸。追兵至。問曰。何爲而敗盟也。遂縱攻淮漢。自是兵端大啟。開慶初。元憲宗皇帝

自將征蜀。

元世祖

皇帝時以皇弟攻鄂州。元帥烏特哩哈達

宋史作兀良哈

哈達今改。

由雲南入交趾。自邕州蹂廣西破湖南。傳檄數

宋背盟之罪。理宗大懼。乃以趙葵軍信州禦廣兵。以似道軍

漢陽援鄂。卽軍中拜右丞相。十月鄂東南陬破。宋人再築再破之。賴高達率諸將力戰。似道時自漢陽入督師。十一月攻城急。城中死傷者至萬三千人。似道乃密遣宋京詣元軍中。

請稱臣。輸歲幣不從。會

元

憲宗皇帝晏駕於釣魚山。合州守

王堅使阮思聰蹕急流走報鄂。似道再遣京議歲幣。遂許之。

大元兵拔砦而北。留張傑閤旺以偏師候湖南兵。明年正月

兵至。傑作浮梁。新生機。濟師北歸。似道用劉整計。攻斷浮梁。

殺殿兵百七十。遂上表以肅清聞。帝以共有再造功。以少傅

右丞相召入朝。百官郊勞。如文彥博故事。初。似道在漢陽時。

丞相吳潛用監察御史饒應予言。移之黃州。而分曹世雄等

兵以屬江閫。黃雖下流。實兵衝。似道以爲潛欲殺已。銜之。且

桃花扇傳奇

後序詳註卷一

十一

間濟事急時。每事先發後奏。帝欲立榮王子孟啟爲太子。潛
又不可。帝已積怒。似道遂陳建儲之策。令沈炎劾潛措置無
方。致全衡。永桂皆破。大稱旨。乃議立孟啟。貶潛循州。盡逐其
黨人。高達在園中。恃其武勇。殊易似道。每見其督戰。卽戲之
曰。巍巾者何能爲哉。每戰必須勞始出。否。卽使兵士譁於其
門。呂文德諂似道。卽使人呵之曰。宣撫在。何敢爾。曹世雄向
士璧在軍中。事皆不關白。似道故似道皆恨之。以覈諸兵費。
世雄士璧皆坐侵盜官錢。貶遠州。每言於帝。欲誅達。帝知共

有功不從。尋論功以文德爲第一。而達居其次。明年大元世祖皇帝登極。遣翰林侍讀學士國信使郝經等持書申好息兵。且徵歲幣。似道方使廖瑩中輩撰福華編稱頌鄂功。通國皆不知所謂和也。似道乃密令淮東制置司拘經等於真州忠勇軍營。時理宗在位久。內侍董宋臣。盧允昇。爲之聚斂以媚之。引薦奔競之士。交通賄賂。置諸通顯。又用外戚子弟爲監司郡守。作芙蓉閣香蘭亭宮中。進倡優傀儡以奉帝爲遊讌。竊弄權柄。臺臣有言之者。帝宣諭去之。謂之第貼。似道入

桃花扇傳奇

後序詳註卷一

三

逐盧董所薦林光世等。悉罷之。勒外戚不得爲監司郡守。子弟門客斂跡。不敢干朝政。由是權傾中外。進用羣小。取先朝舊法率意紛更。增吏部七司法。買公田以罷和糴。浙西田畝有直千緡者。似道均以四十緡買之。數稍多。予銀絹。又多予度牒告身。吏又恣爲操切。浙中大擾。有奉行不至者。提領劉良貴劾之。有司爭相迎合。務以買田多爲功。皆繆以七八斗爲石。其後田少及磽瘠虧租。與個人負租而逃者。率取償田主。六郡之民破家者多。包恢知平江。督買田。至以肉刑從事。

復以楮錢作銀關行之。以一准十八界會之三。自製其印文如賈字狀行之。十七界廢不用。銀關行。物價益湧。楮益賤。秋七月。瑳出柳光燭天。長數十丈。自四更見。東方日高始滅。臺諫布章皆上言。此公田不便。民間愁怨所致。似道上書力辯之。且乞罷政。帝勉留之。曰。公田不可行。卿建議之始。朕已沮之矣。今公私兼裕。一歲軍餉皆仰於此。使因人言而罷之。雖足以快一時之議。如國計何。有太學生蕭規。葉李等上書言。似道專政。令京尹劉良貴。摺撫以罪。悉黜配之。後又行推排。

桃花扇傳奇

後序詳註卷一

三

法。江南之地。尺寸皆有稅。而民力殫矣。理宗崩。度宗又其所立。每朝必答拜。稱之曰師臣。而不名。朝臣皆稱爲周公。甫瑳理宗卽棄官去。使呂文德報北兵攻下沱急。朝中大駭。帝與太后手爲詔起之。似道至。欲以經筵拜太師。以典故須建節。授鎮東軍節度使。似道怒曰。節度使。粗人之極致爾。遂命出節。都人聚觀。節已出。復曰。時日不利。亟命返之。宋朝節有撤闕壞屋。無創簡理。以示不屈。至是人皆駭歎。然下沱之報。實無兵也。三年又乞歸養。大臣侍從傳旨留之者。自四五至中。

便加賜賚者。日十數至。夜卽交臥第外以守之。除太師平章軍國重事。一月三赴經筵。三日一朝。赴中書堂治事。賜第葛嶺。使迎養其中。吏抱文書就第署。大小朝政。一切決於館客。廖瑩中。堂吏翁應龍。宰執充位。署紙尾而已。似道雖深居。凡臺諫彈劾。諸司薦辟。及京尹畿漕一切事。不關白不敢行。李芾。文天祥。陳文龍。陸達。杜淵。張仲徽。謝章輩。小忤意輒斥。重則屏棄之。終身不錄。一時正人端士。爲似道破壞殆盡。吏爭納賄賂求美職。其求爲師閫監司郡守者。貢獻不可勝計。趙潛輩爭獻寶玉。陳奕至以兄事似道之玉工陳振民。以求進。一時貪風大肆。五年復稱疾求去。帝涕泣留之。不從。令六日一朝。一月兩赴經筵。六年命入朝。不拜。朝退。帝必起避席。目送之。出殿廷始坐。繼又令十日一入朝。時襄陽圍已急。似道日坐葛嶺。起樓閣亭榭。取宮人媚尼有美色者爲妾。日淫樂其中。惟故博徒。日至縱博。人無敢窺其第者。其妾有兄來立府門。若將入者。似道見之。縛投火中。嘗與羣妾踞地鬪蟋蟀。所狎客入戲之曰。此軍國重事耶。酷嗜寶玩。建多寶閣。日一

登玩聞余玠有玉帶求之已殉葬矣發其塚取之人有物求
不予輒得罪自是或累月不朝帝如景靈宮亦不從駕八年
明堂禮成祀景靈宮天大雨似道期帝雨止升輅胡貴嬪之
父顯祖爲帶御器械請如開禧故事却輅乘逍遙輦還宮帝
曰平章何云顯祖給曰平章已允乘逍遙輦矣帝遂歸似道
大怒曰臣爲大禮使陛下舉動不得預聞乞罷政卽日出嘉
會門帝留之不得乃罷顯祖涕泣出貴妃爲尼始還似道旣
專恣日甚畏人議已務以權術駕馭不愛官爵牢籠一時名

士又加太學餐錢寬科場恩例以小利啗之由是言路斷絕
威福肆行自圍襄陽以來每上書請行邊而陰使臺諫上章
留已呂文煥以急告似道復申請之事下公卿雜議監察御
史陳堅等以爲師臣出顧襄未必能及淮顧淮未必能及襄
不若居中以運天下爲得乃就中書置機速房以調邊事時
物議多言高達可援襄陽者監察御史李旺率朝士入言於
似道似道曰吾用達如呂氏何旺等出歎曰呂氏安則趙氏
危矣文煥在襄聞達且入援亦不樂以語其客客曰易耳今

朝廷以襄陽急。故遣達援之。吾以捷聞。則達必不成遣矣。文
煥大以爲然。時襄兵出。獲哨騎數人。卽謬以大捷奏。然不知
朝中實無援襄事也。襄陽降。似道曰。臣始屢請行邊。陛下皆
不之許。向使早聽臣出。當不至此爾。十月。其母胡氏薨。詔以
天子鹵簿葬之。起墳擬山陵。百官奉襄事。立大雨中。終日無
敢易位。尋起復入朝。度宗崩。大元兵破鄂。大學諸生亦羣言
非師臣親出。不可。似道不得已。始開都督府臨安。然憚劉整
不行。明年正月整死。似道欣然曰。吾得天助也。乃上表出師。
抽諸路精兵以行。金帛鎰重之舟。舳艫相銜百餘里。至吉安。
似道所乘舟膠堰中。劉師勇以千人入水曳之。不能動。乃易
他舟而去。至蕪湖。遣還軍中所俘曾安撫。以荔子黃柑遺丞
相巴延。舊作伯顏俾宋京請輸歲幣稱臣。如開慶約。不從。夏貴自合肥
以師來會。袖中出編書示似道曰。宋歷三百二十年。似道俛
首而已。時一軍七萬餘人。盡屬孫虎臣。軍丁家洲。似道與夏
貴。以少軍軍魯港。二月庚申夜。虎臣以失利報。似道倉皇出
呼曰。虎臣敗矣。命召貴與計事。頃之。虎臣至。撫膺而泣曰。吾

兵無一人用命也。貴微笑曰：吾嘗血戰當之矣。似道曰：計將
安出？貴曰：諸軍已膽落，吾何以戰？公惟入揚州，招潰兵，迎駕
海上。吾特以死守淮西爾。遂解舟去。似道亦與虎臣以單舸
奔揚州。明日敗兵蔽江而下。似道使人登岸揚旗招之，皆不
至。有爲惡語謾罵之者，乃檄列郡如海上迎駕。上書請遷都。
列郡守於是皆遁。遂入揚州。陳宜中請誅似道。謝太后曰：似
道勤勞三朝，安忍以一朝之罪失待大臣之禮？止罷平章都
督、予祠官。三月，除似道諸不恤民之政，放還諸竄謫人。復吳
潛、向士璧等官，誅其幕官翁應龍、廖瑩中。主庭皆自殺。潘文
卿、李可陳、堅、徐卿孫皆似道鷹犬。至是交章劾之。四月，高斯
得乞誅似道，不從。而似道亦白表乞保全，乃命削三官。然尙
居揚不歸。五月，王爚論似道既不死忠，又不死孝。太皇太后
乃詔似道歸終喪。七月，黃鏞上應麟請移似道鄰州，不從。王
爚入見太后曰：本朝權臣稔禍，未有如似道之烈者。縉紳草
茅不知幾疏，陛下皆抑而不行，非惟付人言於不恤，何以謝
天下？始徙似道婺州。婺人聞似道將至，率衆爲露布逐之。監

察御史孫嶸叟等皆以爲罰輕言之不已。又徙建寧府。翁合奏言建寧乃名儒朱熹故里。雖三尺童子。粗知向方。聞似道來嘔惡。况見其人。時國子司業方應發權直舍人院。封還錄黃。乞竄似道廣南。中書舍人王應麟給事中黃鏞亦言之。皆不從。侍御史陳文龍乞俯從衆言。陳景行徐直方孫嶸叟及監察御史俞浙併上疏。於是始謫似道爲高州團練使。循州安置。籍其家。福王與芮素恨似道。募有能殺似道者。使送之貶所。有縣尉鄭虎臣欣然請行。似道行時。侍妾尚數十人。虎臣悉屏去。奪其寶玉。徹轎蓋。暴行秋雨中。令舁轎夫唱杭州歌謠之。每名斥似道辱之。備至。似道至古寺中。壁有吳潛南行所題字。虎臣呼似道曰。賈團練吳丞相何以至此。似道慙不能對。嶸叟應麟奏似道家畜乘輿御物。有反狀。乞斬之。詔遣鞫問。未至。八月似道至漳州木棉菴。虎臣屢諷之自殺。不聽。曰。太皇許我不死。有詔卽死。虎臣曰。吾爲天下殺似道。雖死何憾。拉殺之。

按似道貶吳潛於循州。令武人劉宗申毒殺之。憾高達曹世雄向士璧之輕已。令呂文德逼世雄死。殺士璧高達廢置不用。憤而降。元劉整亦懼而降。元以呂文德弟文煥知襄陽府。文德幸以其婿范文虎典故禁。

兵文煥後亦叛。以襄陽降元。范文虎出知安慶府。亦降元。陳宜中初附似道。得登政府。見似道敗。乃殺韓震以掩惡。後至福州。捕鄭虎臣。斃於獄。事帝暴。召顯元兵至。宜中夜遁。後奉益王昀。結是與陸秀夫不合。滿秀夫。益王播遷至廣。元兵襲之。王欲航海。宜中請先往占城。諭意。處事不可爲。遂逃去不返。

往事雖陳。情焉能已。舊人猶在。吾末如何。

史記太史公自序。述往事。思來者。○書盤庚上。亦惟圖任舊人共政。○劉禹錫與歌者何戡詩。舊人惟有何戡在。更與殷勤唱渭城。

於是譜叙兒女私恩。表一段溫柔佳話。

桃花扇傳奇

後序詳註卷一

九

鍾嶸詩品。晉司空張華。其源出於王粲。其體華豔。興託不奇。巧用文字。務爲妍冶。雖名高曩代。而疎亮之士。猶恨其兒女情多。風雲氣少。○後漢書蘇章列傳。今夕與故人飲者。私恩也。○伶元飛燕外傳。飛燕緣主家大力。得入宮召幸。其姊妹樊嬖。音驥順從也。爲承光司帟者。又飛燕自此特幸後宮。號趙皇后。帝居鸞翥殿。便房省辛簿。嬖上簿。嬖因進言。飛燕有女弟合德。美容體。性醇粹。可信。不與飛燕比。帝卽令舍人呂延福。以百寶鳳毛步輦。迎合德。合德謝曰。非貴人姊召。不敢行。願

桃花扇傳奇

後序詳計卷一

三

斬首以報宮中。延福還奏。嫔爲帝取后五采組文手藉爲符。以召合德。合德新沐。膏九曲沈水香爲卷髮號新髻。爲薄眉號遠山黛。施小朱號慵來粧。衣故短繡裙。小袖李文鞵。帝御雲光殿帳。使樊嫔進合德。合德謝曰。貴人姊虐妬。不難滅恩受恥。不愛死。非姊教。願以身易恥。不望旋踵。音詞舒閑清切。左右嗟賞之。嘖嘖。帝乃歸合德。宣帝時。披香博士淳方成。白髮教授宮中。號淳夫人在帝後。唾曰。此禍水也。滅火必矣。帝用樊嫔計。爲后別開遠條館。賜紫茸雲氣帳。文玉几。赤金九屑博山。緣令嫔諷后曰。上久無子。宮中不思千萬歲計。耶。何不時進上求有子。后德嫔計。是夜進合德。帝大悅。以輔屬體。無所不靡。謂爲溫柔鄉。謂嫔曰。吾老是鄉矣。不能效武皇帝求白雲鄉也。嫔呼萬歲賀曰。陛下真得仙者。上立賜嫔鮫文萬金錦二十四匹。合德尤幸。號爲趙婕妤。音接子。前漢書註。顏師古曰。言接幸於上。好。戴復古題趙庶可山臺詩。他日傳佳話。美稱。

紀述君臣公案。發千秋成敗奇聞。

戴復古訪慧林寺僧詩。一段現成公案在。請君判斷要分明。

○李陵與蘇武詩嘉會難再遇。三載爲千秋。○前漢書司馬遷列傳稽其成敗興壞之紀。○蘇轍上韓太尉書求天下奇聞壯觀以知天地之廣大。

蓋以馬史班書賞雅而弗能賞俗。

後漢書班彪列傳孝武之世大史令司馬遷採左氏國語刪世本戰國策據楚漢列國時事上自黃帝下訖獲麟作本紀世家列傳書表凡百三十篇。○又武帝時司馬遷著史記自太初以後闕而不錄。後好事者頗或綴集。然多鄙俗不足踵桃花扇傳奇。後序詳計卷一。

王

繼其書彪乃繼採前史遺事旁貫異聞作後傳數十篇。○班固列傳彪卒。又固以彪所續前史未詳乃潛精研思欲就其

業。又固以爲漢紹堯運以建帝業。至於六世史臣乃追述功

德私作本紀編於百王之末。廁於秦項之列。太初以後闕而

不錄。故採撰前紀綴集所聞以爲漢書起元高祖終於孝平

王莽之誅。十有二世二百三十年綜其行事旁貫五經上下

洽通爲春秋考紀表志傳凡百篇。按司馬遷字子長河內人班彪字叔皮固字孟堅扶

風安陵人。○隋書經籍志遠覽馬史班書近觀王阮志錄。

搜神博異信耳而未必信心

晉書于寶列傳于寶字令升新蔡人也。又寶父先有所寵侍

婢母甚妬忌及父亡母乃生推婢於墓中寶兄弟年小不之

審也後十餘年母喪開墓而婢伏棺如生載還經日乃蘇言

其父常取飲食與之恩情如生在家中吉凶輒語之考校悉

驗地中亦不覺爲惡既而嫁之生子。又寶兄嘗病氣絕積日

不冷後遂寤云見天地間鬼神事如夢覺不自知死寶以此

遂撰集古今神祇靈異人物變化名爲搜神記凡二十卷以

桃花扇傳奇

後序詳註卷一

三

示劉惔惔曰卿可謂鬼之董狐。新唐書藝文志丙部小說

類谷神子博異志三卷

所以許劭之評託彼吳歛越調

三國志蜀書許靖列傳許靖字文休汝南平輿人少與從弟

劭俱知名並有人倫臧否之稱。後漢書許劭列傳許劭字子

將。又初劭與靖俱有高名好共覈論鄉黨人物每月輒更其

品題故汝南俗有月旦評焉。楚辭招魂篇吳歛蔡謳。註歛

謳皆歌也。○庾信哀江南賦吳歛越吟。○新唐書禮樂志第

十二越調大食調。高大食調雙調。小食調。歇指調。林鍾商。爲七商。

董狐之筆。付諸桓笛。羸簫。

左傳宣公二年乙丑。趙穿攻靈公於桃園。宣子未出山而復。太史書曰。趙盾弑其君。以示於朝。宣子曰。不然。對曰。子爲正卿。亡不越境。返不討賊。非子而誰。宣子曰。嗚呼。我之懷矣。自貽伊戚。其我之謂矣。孔子曰。董狐。古之良史也。書法不隱。

文天祥正氣歌。在齊太史簡。在晉董狐筆。○晉書桓伊列傳。桃花扇傳奇。後序詳計卷一。

三

伊性謙素。雖有大功。而始終不替。善音樂。盡一時之妙。爲江左第一。有蔡邕柯亭笛。常自吹之。王徽之赴召京師。泊舟青溪側。素不與徽之相識。伊於岸上過。船中客稱伊小字曰。此桓野王也。徽之便令人謂伊曰。聞君善吹笛。試爲我一奏。伊是時已貴顯。素聞徽之名。便下車踞胡牀。爲作三調。弄畢。便上車去。客主不交一言。按桓伊字叔夏。譙國鉅人也。時以破苻堅功封永修縣侯。進號右軍將軍。○劉向列仙傳。蕭史者。秦穆公時人也。善吹簫。能致孔雀白鶴於庭。穆公有女名弄玉。好之。公遂以女妻焉。日教弄玉作

鳳鳴居數年。吹似鳳聲。鳳凰來止其屋。公爲作鳳臺。夫婦止其上不下數年。一旦皆隨鳳凰飛去。故秦人爲作鳳女祠於雍宮中。時有簫聲而已。

此桃花扇傳奇所由作也。

陶宗儀輟耕錄。唐有傳奇。宋有戲曲。諱詞小說。金有院本雜劇。傳奇者。唐裴硯所著小說也。

嗟夫烈皇殉國。歷在申年。

明史莊烈帝本紀

崇禎十七年三月

乙巳賊犯京師。京營兵潰。丙午

桃花扇傳奇

後序詳註卷一

奇

日晡外城陷。是夕皇后周氏崩。丁未昧爽內城陷。帝崩於萬歲山。王承恩從死。御書衣襟曰。朕涼德藐躬。上干天咎。然皆諸臣誤朕。朕死無面目見祖宗。自去冠冕。以髮覆面。任賊分裂。無傷百姓一人。白大學士范景文而下死者數十人。丙辰賊遷帝后梓宮於昌平。昌平人啟田貴妃墓以葬。明亡是年夏四月我

大清兵破賊於山海關。五月入京師。以帝禮改葬。令臣民爲服喪三日。

諡曰莊烈愍皇帝。○恭引

御批歷代通鑑輯覽目錄第一百十六卷起甲申明明莊烈帝崇禎十七

年。

闖逆攻都春當辰月。

明史流賊李自成列傳李自成米脂人。又崇禎元年陝西大

饑延綬缺餉固原兵剗州庫白水賊王二府谷賊王嘉允宜

州賊王左掛飛山虎大紅狼等一時並起有安塞馬賊高迎

祥者自成舅也與饑民王大梁聚眾應之迎祥自稱闖王大

梁自稱大梁王。又七年自成乃與兄子過往從迎祥與張獻忠

桃花扇傳奇

後序詳註卷一

重

等合號闖將。又九年孫傳庭新除陝西巡撫銳意滅賊秋七月

禽迎祥於藍屋獻俘闕下磔死於是賊黨乃推自成為闖王

矣。又十七年三月十三日焚昌平總兵官李守鐸死之始賊欲

傾京師虛實往往陰遣人輦重貨賈販都市又令充部院諸

掾吏探刺機密朝廷有謀議數千里立馳報及抵昌平兵部

發騎探賊賊輒勾之降無一還者賊遊騎至平則門京師猶

不知也十七日帝召問羣臣莫對有泣者俄頃賊環攻九門

門外先設大營悉降賊京師久之餉乘陣者少益以內侍

內侍專守城事。百司不敢問。十八日賊攻益急。自成駐彰義門。遣降賊太監杜勲。縋入見帝求禪位。帝怒叱之。下詔親征。日暝。太監曹化淳啟彰義門。賊盡入。帝出宮登煤山。望烽火。徹天歎息曰。苦我民耳。徘徊久之。歸乾清宮。令送太子及永王。定王於戚臣周奎。田宏遇第。劍擊長公主。趣皇后自盡。十九日天未明。皇城不守。鳴鐘集百官無至者。帝乃復登煤山。青衣襟爲遺詔。以帛自縊於山亭。帝遂崩。太監王承恩縊於側。自成壇笠縹衣。乘烏駿馬入承天門。○禮記月令季春之

桃花扇傳奇

後序詳註卷一

三

月註此紀辰月之候

攬森彗指。出十八夜兒。

史記正義。人彗者。在西南。長四丈銳。京房云。天攬爲真。赤地千里。枯骨露筋。又大彗者。一名掃星。本類星末。類彗小者數寸長。長或竟天。而體無光。假日之光。故夕見則東指。晨見則西指。如日南北。皆隨日光。而指光芒所及爲災變。見則兵起。除舊布新。彗所指之處弱也。○明史流賊李自成列傳。牛金星薦卜者宋獻策。長三尺餘。上識記云。十八子主神器。自成

大悅。○異錄明初有十八子之讖。又云十八孩兒天上生成。化中有李龍子者。結一中官。入宮中謀不軌。事發伏誅。識者以宋太祖取李淳風舊本。亂其次第。李繼朱者。乃李亞子繼朱梁之讖。然相傳崇禎甲申。南京乾清宮陷。忽現一碑。上有云。一小又一了。眼上一刀。丁戊攪。平明騎馬入宮門。散在皇極京城擾。則又知亡明之爲闖也。

軸覆樞翻逼死九重天子。

博物志崑崙山地轉下三千六百里。有八元幽都方二十萬里。地下有四柱。四柱廣十萬里。地有三千六百軸。犬牙相錯。

桃花扇傳奇

後序詳註卷一

三

○晉書天文志北極北辰最尊者也。其紐星天之樞也。天運無窮。三光迭耀。而極星不移。故曰居其所而衆星拱之。○步

天歌

紫微垣

中宮北極紫微宮北極五星在其中。大帝之座第

二珠。第三之星庶子居。第一號曰爲太子。四爲後宮五天樞。

按此以北辰爲天樞。

○晉書天文志北斗七星在太微北七政之樞機。

陰陽之元本也。故運夫天中而臨制四方。以建四時而均五行也。魁四星爲璇璣杓。三星爲玉衡。又曰斗爲人君之象。號

令之主也。又爲帝車。取乎運動之義也。又魁第一星曰天樞。

二曰璿。三曰璣。四曰權。五曰玉衡。六曰開陽。七曰搖光。一至

四爲魁。五至七爲杓。樞爲天。璇爲地。璣爲人。權爲時。玉衡爲

音。開陽爲律。搖光爲星。○步天歌紫微垣北斗之宿七星明。第

一至帝名樞精。第二第三璇璣星。第四名權。第五衡。開陽搖

光六七名。按此以北斗第一星爲樞也。○楚辭天問篇圖則九重。執營度

之。朱子註圖謂天形之圓也。則法也。九陽數之極。所謂九天

也。○天地全圖註第一重宗動天。第二重二十八宿天。第三

桃花扇傳奇後序詳註卷一

天

重土星天。第四重木星天。第五重火星天。第六重日輪天。第

七重水星天。第八重金星天。第九重月輪天。○宋玉九辯君

之門兮九重。朱子註天子有九門。謂闕門。遠郊門。近郊門。城

門。臯門。庫門。雉門。應門。路門也。○溫庭筠會昌丙寅豐歲歌

九重天子調天下。

鼎湖龍去。弓墜烏號。

史記封禪書黃帝采首山銅。鑄鼎於荆山下。鼎成。有龍垂鬚

髯下迎黃帝。黃帝上騎。羣臣後宮從上者七十餘人。龍乃上

去餘小臣不得上。乃悉持龍髯。龍髯拔墜。墜黃帝之弓。百姓仰望黃帝既上天。乃抱其弓與龍髯號。故後世因名其處曰鼎湖。弓曰烏號。○古史考。柘樹枝長而勁。鳥集之。將飛。柘樹反起。彈鳥。鳥乃號呼而去。取長枝爲弓。快而有力。因名烏號之弓。

灞岸輿來。筆徵象齒。

宋書謝靈運列傳論仲宣灞岸之篇。○新唐書黃巢列傳。方朝而傳言賊至。百官奔。令致以神策五百。奉帝趨咸陽。又金桃花扇傳奇。後序詳註卷一

无

吾大將軍張直方。與羣臣迎賊灞上。巢乘黃金輿。衛者皆繡袍華幘。其黨乘銅輿。以從。騎士凡數十萬。先後之。陷京師。入自春明門。外太極殿。宮女數千迎拜。稱黃王。巢喜曰。殆天意歟。又甫數日。因大掠。縛筆居人索財。號淘物。富家跣而驅。○

明史流賊李自成列傳。越三日。己酉。昧爽。成國公朱純臣。大學士魏藻德。率文武百官入賀。皆素服坐殿前。自成不出。羣賊爭戲侮。爲椎背脫帽。或舉足加頸。相笑樂。百官懾伏不敢動。又大學士陳演勸進不許。又召見朝官。自成南嚮坐。牛金

星宗敏宋企郊等左右雜坐。以次呼名。分三等授職。自四

品以下。少詹事梁紹陽楊觀光等。無不污受僞命。三品以上。

獨用故侍郎侯恂。其餘勲戚文武諸臣。周奎 朱純臣 陳演 魏

藻德等。共八百餘人。送宗敏等營中。拷掠責賂。至灼肉折

脛。備諸慘毒。藻德遇馬世奇家人泣曰。吾不能爲若主。今求

死不得。又賊徵諸勲戚大臣金。金足輒殺之。左傳襄公二

十四年。象有齒以焚其身。賄也。

鳳闕鸞臺之火。赤焰彤天。

桃花扇傳奇後序詳註卷一

三

前漢書郊祀志。於是作建章宮。度爲千門萬戶。前殿度高。未

央。其東則鳳闕。高二十餘丈。張衡西京賦。圓闕竦以造天。

若雙碣之相望。鳳鸞翥於薨標。咸溯風而欲翔。薛綜註。謂作

鐵鳳凰。令張兩翼。舉頭敷尾。以函屋上。當棟中央。下有轉樞

常。向風如將飛者焉。新唐書百官志註。垂拱元年改門下

省曰鸞臺。岑參經火山詩。赤焰燒邊雲。

螭階麟閣之尸。紅流赭地。

新唐書百官志。每仗下議政事。起居郎一人執筆記錄於前。

史官隨之。其後復置起居舍人。分侍左右秉筆。隨宰相入殿。若仗在紫宸內閣。則夾香案分立殿下。直第二螭首。和筆濡墨。皆卽坳處。時號螭頭。○前漢書蘇建列傳。上思股肱之美。乃圖畫其人於麒麟閣。註張晏曰。武帝獲麒麟。時作此閣。圖畫其像於閣。遂以爲名。○杜佑通典。天授初。改祕書省爲麟閣。○史記樂書。天馬歌。清永汗兮沫流赭。○薊門兵燹。絕無原廟殘碑。

陸應陽廣輿記。直隸順天府古蹟。舊燕城府治西南。遼金故桃花扇傳奇。後序詳註卷一

三

都也。薊邸。舊燕城西北。卽古薊門。銅馬門。舊燕城東南。卽古薊城門。○許氏說文。燹。火也从火。豚聲。蘇典切。正韻音銑。

前漢書孫叔通列傳。惠帝爲東朝長樂宮。及閒往。數蹕煩民。作複道。方築武庫南。通奏事。因請問曰。陛下何自築複道高。帝寢衣冠。月出遊高廟。子孫奈何。乘宗廟道以行哉。惠帝懼曰。急壞之。通曰。人主無過舉。今已作。百姓皆知之。願陛下爲原廟渭北。衣冠月出遊之。益廣宗廟大孝之本。上乃詔有司立原廟。註師古曰。原。重也。先已有廟。今更立之。故云重也。

建業人烟幸保陪京剩土

廣輿記江南江寧府建置沿革江寧府禹貢揚州之域天文斗分野春秋屬吳戰國屬越後屬楚楚威王置金陵邑因其地有王氣埋金鎮之故名秦始皇改曰秣陵屬鄣郡漢屬丹陽吳自京口徙都於此曰建業晉曰建康東晉曰丹陽宋齊梁皆都此隋平陳郡廢改曰蔣州唐曰江寧白昇州宋曰建康元曰集慶明興遂定鼎於此曰應天

國朝爲江寧府○李白蜀道難詩爾來四萬八千歲不與秦塞通人

桃花扇傳奇

後序詳註卷一

三

烟○張衡南郡賦於顯樂都旣麗且康陪京之南居漢之陽

按陪京謂洛陽也

噫嘻漢家之厄十世惟光武之中興獻公之子九人僅重耳之尙在

錢士升南宋書高宗本紀

建炎元年四月丁卯

是夕張邦昌手書上延

福宮太后尊號曰元祐皇后入居禁中自是垂簾聽政甲戌

皇后手書告中外曰比以敵國興師都城失守稜纒宮闕旣

二帝之蒙塵

時金人伐宋徽欽二宗北狩

誣及宗祊謂三靈之改卜衆恐

成

中原之無統。姑令舊弼以臨朝。謂張邦昌作僞帝。雖義形於色。而以

死爲辭。然事迫於危。而非權莫濟。內以振黔首將亡之命。外

以紓隣國見逼之威。遂成九廟之安。坐免一城之酷。乃以衰

癯之質。起於閒廢之中。自謂也。迎置宮闈。進加位號。舉欽聖已

還之典。成靖康欲復之心。慨思運數之屯。忍視邦家之覆。撫

躬獨坐。流涕何從。緬惟藝祖之開基。實自高穹之眷命。歷年

二百。人不知兵。傳序九君。世無失德。雖舉族有北轅之憂。而

敷天同左袒之心。乃眷賢王。高宗時爲康王。越居近服。已徇羣臣之

桃花扇傳奇
後序詳註卷一

三

請。俾膺神器之歸。繇康邸之舊藩。嗣宋朝之大統。漢家之厄

十世。宜光武之中興。獻公之子九人。惟重耳之尚在。茲爲天

意。夫豈人謀。尙期中外之協心。同定安危之至計。庶臻小惕。

用底不平。爰敷告於多方。其深明於吾意。通鑑後漢世祖

光武皇帝。帝名秀。字文叔。南陽蔡陽人。高祖九世孫。出自景

帝子。長沙定王。生之歲有嘉禾一莖九穗之瑞。故名。莽末起

兵。復興漢室。乃卽帝位。史記晉世家。獻公子八人。而太子

申生。重耳。夷吾。皆有賢行。及得驪姬。乃遠此三子。左傳僖

公二十四年。晉侯賞從亡者。介之推不言祿。祿亦弗及。推曰。獻公之子九人。惟君在矣。惠懷無親。外內棄之。天未絕晉。必將有主。主晉祀者。非君而誰。

以致奸頑乘釁。窺神器而包禍心。

前漢書叙傳。班彪王命論。世俗見高祖興於布衣。不達其故。以爲適遭暴亂。得奪其劍。游說之士。至比天下於逐鹿。幸捷而得之。不知神器有命。不可以智力求也。註李奇曰。神器。帝王賞罰之柄也。

○駱賓王爲徐敬業討武曌檄。猶復包藏禍

桃花扇傳奇

後序評註卷一

三

心。窺竊神器。

詭譎同謀。立新君而居奇貨。

史記呂不韋列傳。子楚爲秦質子於趙。秦數攻趙。趙不甚禮。

子楚。子楚秦庶孽。孫質於諸侯。車乘進用不饒。居處困不得

意。呂不韋賈邯鄲。見而憐之。曰。此奇貨可居。乃往見子楚。文

子楚心知所謂。乃引與坐深語。文秦昭王五十年。使王齕圍

邯鄲。急。趙欲殺子楚。子楚與呂不韋謀。行金六百万。守者

吏得脫亡。赴秦軍。遂以得歸。文是爲莊襄王。文以呂不韋爲

之封爲文信侯。食河南洛陽十萬戶。

珪桐剪葉封神廟之親孫。瑠樹生枝迎福藩之嫡子。

史記晉世家。唐有亂。周公誅滅唐。成王與叔虞戲。削桐葉爲珪。以與叔虞。曰。以此封若。史佚因請擇日立叔虞。成王曰。吾與之戲耳。史佚曰。天子無戲言。言則史書之。禮成之。樂歌之。於是遂封叔虞於唐。○楚辭離騷。經折瓊枝以繼佩。洪興祖補註。瑠樹。生崑崙流沙濱。三百圍。高萬仞。其華食之長生。○

明史諸王列傳。福恭王常洵。神宗第三子。初。王皇后無子。王

桃花扇傳奇

後序詳註卷一

三

妃生長子。是爲光宗。

次常洵。一歲薨。

常洵次之。母鄭貴妃最幸。帝久

不立太子。外疑貴妃謀立己子。交章言其事。竄謫相踵。而言

者不止。帝深厭苦之。二十九年。始立光宗爲太子。而封常洵

爲福王。○明史流賊李自成列傳。

崇禎

十四年正月。攻河南。有

營卒勾賊。城遂陷。福王常洵遇害。自成兵。灼王血。雜鹿醢。嘗

之。名福祿酒。王世子由崧裸而逃。○明史諸王列傳。十六年

秋七月。由崧襲封。帝親擇宮中寶玉。帶賜之。明年三月。京師

失守。由崧與潞王常潞。俱避賊至淮安。四月。鳳陽總督馬士

英等迎由崧入南京。庚寅稱監國。以兵部尚書史可法。戶部尚書高^宏圖。及士英俱爲大學士。士英仍督鳳陽軍務。壬寅自立於南京。僞號^宏光。史可法督師江北。召士英入。分淮揚鳳廬爲四鎮。以總兵官黃得功。劉良佐。劉澤清。高傑領之。千官擁戴。氣象南陽。

後漢書光武帝本紀。地皇三年。南陽荒饑。諸家賓客多爲小盜。光武避吏新野。因賣穀於宛。宛人李通等以圖讖說光武云。劉氏當興。李氏爲輔。

桃花扇傳奇

後序詳註卷一

美

萬姓歡呼。風流東晉。

通鑑晉紀。中宗元皇帝。帝名睿。宣帝之曾孫。琅邪恭王覲之子。年十五嗣王位。永嘉初。以安東將軍鎮建業。長安不守。始稱晉王。愍帝遇害。乃卽位於江左。王通元經東晉元帝大興元年正月。帝卽位。傳帝於三月卽帝位。經書正月卽帝位者。西祚已盡。東晉首新。晉書王濛列傳。與沛國劉惔齊名。時人以惔方荀奉倩。濛比袁曜卿。凡稱風流者。舉濛惔爲宗焉。杜牧潤州詩。大抵南朝多曠達。可憐東晉最風流。

詎意黃袍加於身上天子無愁。

宋史太祖本紀世宗在道閱四方文書得韋囊中有本三尺餘題云點檢作天子異之時張承德爲點檢世宗不豫還京師拜太祖檢校太傅殿前都點檢以代承德恭帝卽位改歸德軍節度檢校太尉七年春北漢結契丹入寇命出師禦之次陳橋驛軍中知星者苗訓引門吏楚昭輔視日下復有一日黑光摩盪者久之夜五鼓軍士集驛門宣言策點檢爲天子或止之衆不聽遲明逼寢所太宗入白太祖起諸校露刃

桃花扇傳奇

後片詳註卷一

三

列於庭曰諸軍無主願策太尉爲天子未及對有以黃衣加

太祖身衆皆羅拜呼萬歲卽掖太祖乘馬

按太祖本紀只稱黃衣黃袍二字見

石守信列傳一旦有

○北齊書後主本紀後主名緯字仁綱

武成皇帝之長子也

性驕縱盛爲無愁之曲帝自彈胡琵琶而唱之侍和之者以百數人間謂之無愁天子

碧璽列於几前寡人好色

晉書輿服志乘輿六璽秦制也曰皇帝行璽皇帝之璽皇帝信璽天子行璽天子之璽天子信璽漢遵秦不改又有秦始

皇藍田玉璽。螭獸紐。在六璽之外。文曰受天之命。皇帝壽昌。漢高祖佩之。後世名曰傳國璽。

嘗如勾踐未奮志於嘗膽卧薪。

史記越王勾踐世家。吳既赦越。越王勾踐反國。乃苦身焦思。置膽於坐。坐臥卽仰膽。飲食亦嘗膽也。曰。汝忘會稽之恥耶。按勾踐事實。詳見於左傳。國語。公羊。穀梁。吳越春秋。越絕書。史記。韓非子。淮南子。墨子。呂氏春秋。韓詩外傳。說苑。新書。新論等書。惟史記吳越春秋載嘗膽事。其卧薪事。諸書皆不載。不知向來何以相沿並用。侯考。○賈誼陳政

事疏。夫抱火厝之積薪之下。而寢其上。火未及然。因謂之安。

桃花扇傳奇

後序 詳註卷一

袁

方今之勢。何以異此。

按閻賊親殺福王而飲其血。又逼莊烈帝殉社稷。君父之讐。豈僅勾踐比哉。乃

置之不論。可謂全無心肝。

荒北東昏。只留意於徵歌選舞。

南史齊廢帝本紀。東昏侯諱寶卷。字智藏。明帝第二子也。又

帝在東宮。便好弄。又日夜於後堂戲馬鼓譟爲樂。又拜潘氏

爲貴妃。乘臥輿。帝騎馬從後。著織成袴褶。金箔帽。執七寶縛

稍。又宮人皆露禪。著綠絲屣。李白宮中行樂詞。選伎隨雕

輦。徵歌出洞房。○明史諸王列傳。由棧性闇弱。耽於酒色。聲

伎○恭引

御批歷代通鑑輯覽阮大鍼嘗以烏絲闌寫已所作燕子箋雜劇進之時歲將暮福王一日居興寧宮憮然不樂韓贊周請其故王曰梨園殊少佳者贊周泣曰奴以陛下或思皇考乃作此想耶

小憐大捨豔叢白玉牀前

北史齊后妃列傳馮淑妃名小憐大穆后從婢也穆后愛哀以五月五日進之號曰續命慧黠能彈琵琶工歌舞後主惑桃花扇傳奇

後序詳註卷一

完

之坐則同席出則並馬願得生死一處○陳書后妃列傳史臣侍中鄭國公魏徵考覽記書恭詳故老云以宮人有文學者袁大捨等爲女學士後主每引賓客對貴妃等遊宴則使諸貴人及女學士與狎客共賦新詩互相贈答採其尤豔麗者以爲曲詞彼以新聲選宮女有容色者以千百數令習而歌之分部迭進持以相樂其曲有玉樹後庭花臨春樂等○西京雜記趙飛燕女弟居昭陽殿中庭彤朱而殿上丹漆砌皆銅沓黃金塗白玉階壁帶往往爲黃金缸含藍田璧明珠

翠羽飾之上。設九金龍。皆銜九子金鈴。五色流蘇。帶以綠文紫綬。金銀花鐺。每好風日。幡旄光影。照耀一殿。鈴鐺之聲。驚動左右。中設木畫屏風。文如蜘蛛絲縷。玉几玉牀。白象牙簟。綠熊席。○李白口號吳王美人半醉詩。風動荷花水殿香。姑蘇臺上宴吳王。西施醉舞嬌無力。笑倚東窗白玉牀。花蕊梅精。嬌簇黃金屋裏。

陶宗儀輟耕錄。蜀主孟昶。納徐匡章女。拜貴妃。別號花蕊夫人。意花不足擬其色。似花蕊之翾輕也。或以爲姓費氏。則誤。桃花扇傳奇。後序詳註卷一。

甲

矣。○蔡條鐵圍山叢談。花蕊夫人。蜀王建妾也。後號小徐妃者。大徐妃生王衍。而小徐妃其女弟。在王衍時。二徐坐遊燕淫亂亡其國。莊宗平蜀後。二徐隨王衍歸中國。半途遭害焉。及孟氏再有蜀。傳至其子昶。則又有一花蕊夫人費氏。作宮詞者是也。國朝降下西蜀。而昶遂死。昌陵亦惑之。嘗進毒且十日。則召花蕊夫人入宮。而昶遂死。昌陵亦惑之。嘗進毒屢爲患不能禁。太宗在晉邸時。數數諫昌陵。而未果去。一日兄弟相與獵苑中。花蕊夫人在側。晉邸方調弓矢引滿。正擬

射走獸忽回射花蕊夫人一箭而死始所傳多僞不知蜀有
兩花蕊夫人皆亡國且殺其身○曹鄴梅妃傳梅妃姓江氏
莆田人父仲遜世爲醫妃年九歲能誦二南語父曰我雖女
子期以此爲志父奇之各曰采蘋開元中高力士使閩越妃
笄矣見其少麗選歸侍明皇大見寵幸長安大內大明興慶
三宮東都大內上陽兩宮幾四萬人自得妃視如塵土宮中
亦自以爲不及妃善屬文自比謝女淡粧雅服而姿態明秀
筆不可描畫性喜梅所居欄檻悉植數株上榜曰梅亭梅開
賦賞至夜分尚顧戀花下不能去上以其所好戲名曰梅妃
後上與如圖茶顧諸王戲曰此梅精也○漢武故事帝爲
膠東王方數歲長公主抱置膝上問曰兒欲得婦否曰欲得
指其女曰阿嬌好否帝笑曰若得阿嬌當以金屋貯之

月姊進長生之藥枕上飛僊

春秋感精符人君父天母地兄日姊月○李商隱聖女祠詩
星娥一去後月姊更來無○老子道德經有國之母可以長
久是謂深根固柢長生久視之道國身同也母道也人能

桃花扇傳奇

後序詳註卷一

里

保身中之道。使精氣不勞。五神不苦。則可以長久。○晉書袁帝本紀。帝雅好黃老。斷穀餌長生藥。○王仁裕開元天寶遺事。龜茲國進奉枕一枚。其色如瑪瑙。溫溫如玉。其製作甚樸素。若枕之。則十洲三島四海五湖。盡在夢中所見。帝因名爲遊仙枕。

麻姑貢不老之丹。杯中樂聖。

葛洪神仙傳。漢孝桓帝時。神仙王遠。字方平。降於蔡經家。○又令人相訪。○麻姑。○又麻姑至。蔡經亦舉家見之。是好女子。年

桃花扇傳奇

後片評語卷一

三

十八九許。於頂中作髻。餘髮垂至腰。其衣有文章。而非錦綺。光采耀目。不可名狀。○焦氏易林。臨卦。弱水之西。有西王母。生不知老。與天相保。○孟啟本事詩。開元末。宰相李適之。疎直坦夷。時譽甚美。李林甫惡之。排誣罷免。朝客雖知無罪。謁問甚稀。適之意憤。日飲醇酒。且爲詩曰。避賢初罷相。樂聖且銜杯。爲問門前客。今朝幾箇來。李林甫愈怒。終遂不免。○三國志。魏書。徐邈列傳。時科禁酒。而邈私飲。至於沉醉。校事趙達問以曹事。邈曰。中聖人。達白之太祖。太祖甚怒。達遂將軍。

鮮于輔進曰。平日醉客謂酒清者爲聖人。濁者爲賢人。邈性修慎。偶醉言耳。竟坐得免刑。

以致六千君子縮頸逡巡。

史記越世家。吳王北會諸侯於黃池。吳國精兵從王。惟獨老弱與太子留守。勾踐復問范蠡。蠡曰。可矣。乃發習流二千。教士四萬人。君子六千人。諸御千人。伐吳。吳師敗。遂殺太子。

韋昭曰。君子。王所親近有志行者。猶吳所謂賢良。齊所謂士也。虞翻曰。言君養之如子。○史記龜策列傳。宋元王二年。江

桃花扇傳奇

後序詳註卷一

里

中神龜使於河。至於泉陽。漁者豫且舉網得而囚之。置之籠中。夜半龜來見。發於宋元王。○王急使人問而求之。○入於

端門。見於東箱。身如流水。潤澤有光。望見元王。延頸而前三步而止。縮頸而却。復其故處。元王見而怪之。問衛平。○衛平

對曰。○延頸而前以當謝也。縮頸而却。欲急去也。○賈誼過秦論。秦人開關延敵。九國之師。逡巡遁逃。而不敢進。

八百諸侯。抽身退避。

史記周本紀九年。武王祭於畢。東觀兵至於盟津。○是時諸

侯不期而會盟津者八百諸侯。○蘇軾次李頎秀才畫山兩軸見寄仍有詩原韻雲泉勸我早抽身。○左傳僖公二十八年退三舍避之。

臙脂古井仍投朱翠之妃。

陳書後主本紀三年春正月己卯鎮東大將軍任忠自吳

興入赴仍屯朱雀門。○又甲申賀若弼進攻宮城燒北掖門

是時韓擒虎率衆自新林至於石子岡任忠出降於擒虎經

朱雀航趣宮城自南掖門而入。○又後主聞兵至從宮人十餘

桃花扇傳奇後序詳註卷一

出

出後堂景陽殿將自投於井袁憲侍側苦諫不從後閤舍人

夏侯公韻又以身蔽井後主與爭久之乃得入焉及夜爲隋

軍所執。○陳書后妃列傳後主張貴妃名麗華兵家女也。○又

性聰慧甚被寵遇。○又愛傾後宮。○又及隋軍陷臺城妃與後主

俱入於井隋軍出之晉王廣命斬貴妃勝於青溪中橋。○南

畿志景陽井在臺城內陳後主與張麗華孔貴嬪投其中以

避隋兵舊傳闌有石脈以帛拭之作臙脂痕名臙脂井又名

辱井。○孫元晏咏結綺閣詩一千朱翠同居此爭奈恩多屬

麗華。

結綺高樓。又上戈矛之士。

陳書后妃列傳史臣鄭國公魏徵考覽記書叅詳故老云至德二年乃於光熙殿前起臨風結綺望仙三閣高數丈並數十間其憲牖壁帶懸楣欄檻之類並以沉香檀香木爲之又飾以金玉間以珠翠外施珠簾內有寶牀寶帳其服玩之屬瑰奇珍麗近古所未有每微風暫至香聞數里朝日初照光映後庭其下積石爲山引水爲池植以奇植雜以花藥後主白

桃花扇傳奇


後序詳註卷一


聖

居臨風閣張貴妃居結綺閣龔孔二貴嬪居望仙閣並復道交相往來又有王李二美人張薛二淑媛袁昭儀何婕妤江修容等七人並有寵遞代以遊其上○詩秦風無衣篇王子
興師修我戈矛

奇可傳者斯其一也

桃花扇傳奇後序詳註卷一終





05120

桃花扇傳奇後序詳註卷二

花庭閒客編輯

至於隕業圖新。沙堤望重。

荀悅漢紀序。世濟其軌。不隕其業。○李肇國史補。凡拜相。禮絕班行。府縣載沙填路。自私第至子城東街。號曰沙堤。

棄基待振。畫省權尊。

言大誥。予有後弗棄基。○漢官儀。尚書省中。皆以胡粉塗壁。紫青界之。畫古烈士。重行書贊。○杜甫秋興第二首。畫省香

桃花扇傳奇

後序詳註卷二

爐遑伏枕。

隻手擎天。須體認安劉勃。

吳處厚青箱雜記。丞相劉公沆。皇祐初。出領豫章。有小孤山。

詩曰。擎天有八柱。一柱此焉存。石聳千尋勢。波流四面痕。江

湖中作鎮。風浪裏蟠根。平地安然者。饒他五嶽尊。覽者皆知

公有宰。相器未幾。參大政。遂正鼎席。○史記絳侯周勃列傳。

絳侯周勃者。沛人也。○勃爲人木強敦厚。高帝以勃可屬大

事。○孝惠六年。置太尉官。以勃爲太尉。十歲高后崩。呂祿以

趙王爲漢上將軍。呂產以呂王爲漢相國。秉漢權。欲危劉氏。勃爲太尉。不得入軍門。陳平爲丞相。不得任事。於是勃與平謀。卒誅諸呂。而立孝文皇帝。○史記高祖本紀上曰。又周勃重厚少文。然安劉氏必勃也。孤忠捧日。務摹倣復楚包胥。

三國志魏書程昱列傳裴松之註。魏書曰。昱少時夢上泰山。兩手捧日。昱私異之。以語荀彧。及兗州反。賴昱得完三城。三國志魏書程昱列傳。太祖征徐州。使昱與荀彧留守鄆城。張邈等叛。迎呂布。都聽響應。惟鄆城范東阿不動。卒完三城。以桃花扇傳奇。後序詳註卷二

二

待太祖。於是彧以昱夢白太祖。太祖曰。卿終當爲吾腹心。昱本名立。太祖乃加上日更名昱也。○陳基送謝叅軍詩。丹心期捧日。赤手欲擎天。○左傳定公四年。初。伍員與申包胥友。其亡也。謂申包胥曰。我必覆楚國。申包胥曰。勉之。子能覆之。我必能興之。及昭王在隨。申包胥如秦乞師。

孰不思江左夷吾。經綸嶽嶽。

晉書王導列傳。晉國既建。以導爲丞相。軍諮祭酒。桓彝初過江。見朝廷微弱。謂周顗曰。我以中州多故。來此欲求全活。可

寡弱如此。將何以濟。憂懼不樂。往見導。極談世事。還謂顓曰。向見管夷吾。無復憂矣。○晉書溫嶠列傳。於是江左自有管夷維未舉。嶠殊以爲憂。及見王導。共談歡然曰。江左自有管夷吾。吾復何慮。○前漢書朱雲列傳。是時少府五鹿充宗貴幸。爲梁邱易。自宣帝時善梁邱氏說。元帝好之。欲考其異同。令充宗與諸易家論。充宗乘貴辯口。諸儒莫能與抗。皆稱疾不敢會。有薦雲者。召入。攝齋登堂。抗首而請。音動左右。旣論難。連拄五鹿君。故諸儒爲之語曰。五鹿嶽嶽。朱雲折其角。

桃花扇傳奇

後序詳註卷二

三

人皆望禁中李牧。功烈錚錚。

史記廉頗藺相如列傳。李牧者。趙之北邊良將也。○又趙悼襄王元年。廉頗旣亡入魏。趙使李牧攻燕。拔武遂方城。居二年。龐媛破燕軍。殺劇辛。後十年秦破趙。殺將扈輒於武遂城。斬首十萬。趙乃以李牧爲大將軍。擊秦軍於宜安。大破秦軍。走秦將桓齮。封李牧爲武安君。○新唐書畢誠列傳。黨項擾河西。宣宗嘗召訪邊事。誠援質古今。條破羗狀甚悉。帝悅曰。吾將擇能帥者。孰謂頗牧在吾禁署。勳爲朕行乎。○後漢書劉

盆子列傳劉盆子者太山式人城陽景王章之後也。琅邪人樊崇起兵。立盆子爲帝。光武自將幸宜陽。盆子將百萬衆降。帝令縣厨賜食衆積困餒十餘萬人皆得飽飫。明旦大陳兵馬臨洛水令盆子君臣列而觀之。謂盆子曰。自知當死不對曰。罪當應死。猶幸上憐赦之耳。帝笑曰。兒大黠。宗室無蚩者。又謂崇等曰。得無悔降乎。朕今遣卿歸營。勒兵鳴鼓相攻。決其勝負。不欲強相服也。徐宣等叩頭曰。臣等出長安東都門。君臣計議。歸命聖德。百姓可與樂成。難與圖。桃花扇傳奇後序詳計卷二

始故不告衆耳。今日得降。猶去虎口歸慈母。誠歡誠喜。無所恨也。帝曰。卿所謂鐵中錚錚。傭中佼佼者也。爾乃獻值衰微。政全由卓。

後漢書孝獻帝本紀孝獻皇帝名協。靈帝中子也。中平六年四月。少帝卽位。封帝爲勃海王。徙封陳留王。三國志魏書董卓列傳董卓字仲穎。隴西臨洮人也。漢桓帝末。以六郡良家子爲羽林軍。遷中郎將。屯住扶風。拜前將軍。封熒鄉侯。徵爲并州牧。靈帝崩。少帝卽位。大將軍何進與司隸

校尉袁紹謀誅諸閹官。太后不從。進乃召卓。使將兵詣京師。
又卓使呂布殺執金吾丁原并其衆。故京都兵權惟在卓。
俄遷太尉。假節鉞虎賁。遂廢帝爲_宏農王。尋又殺王及何太
后。立靈帝少子陳留王。是爲獻帝。卓遷相國。封鄴侯。贊拜不
名。劍履上殿。

僖耽嬉戲。權盡歸田。

新唐書僖宗本紀。僖宗惠聖恭定孝皇帝。諱懷懿。宗第五子
也。○新唐書田令孜列傳。田令孜字仲則。蜀人也。本陳氏。咸
桃花扇傳奇 後序詳註卷二

五

通時。歷小馬坊使。僖宗卽位。擢令孜左神策軍中尉。_又帝冲
騃。喜鬪。驚走馬。數幸六王宅。興慶池。與諸王鬪。驚一驚至五
十萬錢。與內園小兒尤狎昵。倚寵暴橫。始帝爲王時。與令孜
同卧起。至是以其知書能處事。又帝資狂昏。故政事一委之。
呼爲父。而荒酬無檢。發左藏。齊天諸庫金幣。賜伎子歌兒者。
日巨萬。國用耗盡。令孜語內園小兒尹希復。主士成等。勸帝
籍京師兩市蕃旅華商寶貨。舉送內庫。使者監闕。橫坊茶閣。
有來訴者。皆杖死。京兆府令孜知帝不足憚。則販鬻官爵。除

拜不待旨。假賜緋紫。不以聞。百度崩弛。內外怠玩。既所在盜起。上下相掩匿。帝不及知。是時賢人無在者。惟佞鄙沓貪。相與備員。偷安噤默而已。

玉帛金縢。宰嚭則苞苴弗却。

左傳莊公二十四年。男贄大者玉帛。小者禽鳥。○宋史食貨志。外無金縢之遺。○史記越王勾踐世家。勾踐聞吳王夫差日夜勤兵。且以報越。越欲先吳未發往伐之。○遂興師。吳王

聞之。悉發精兵擊越。敗之夫椒。越王乃以餘兵五千人保棲

桃花扇傳奇

後序詳註卷二

六

於會稽。吳王追而圍之。○勾踐乃令大夫種行成於吳。○吳

王將許之。子胥言於吳王曰。天以越賜吳。勿許也。種還以報

勾踐。勾踐欲殺妻子。燔寶器。觸戰而死。種止勾踐曰。夫吳太

宰嚭貪。可誘以利。請間行言之。於是勾踐乃以美女寶器。令

種間獻吳太宰嚭。嚭受。乃見大夫種於吳王。○卒赦越。罷兵

而歸。○劉向說苑君道篇。湯之時。大旱七年。雒坼川竭。煎沙

爛石。於是使人持三足鼎。祝山川。教之祝曰。政不節耶。使人

疾耶。苞苴行耶。讒夫昌耶。宮室盈耶。女謁盛耶。何不雨之極。

耶。○曲禮凡以弓劍苞苴簞食問人者。陳澧註苞者包裹魚肉之屬。苴者以草藉器而貯物也。

刑黥湯鑊。廣漢則鉤距偏多。

許氏說文刑絕也。从刀月聲。本作𠂔。斷足也。○又黥黑刑在

面。○周禮秋官司刑墨罪五百。註先刻其面。而以墨窒之。○

韻會鑊音穫。○前漢書刑法志有鑿顛抽脅鑊烹之刑。註師

古曰鼎大而無足曰鑊。以烹人也。○韓愈孟郊城南聯句德

孕厚生植。恩稀完刑黥。○史記廉頗藺相如列傳臣知欺大

桃花扇傳奇

後序詳註卷二

七

王之罪當誅。臣請就湯鑊。○前漢書趙廣漢列傳趙廣漢字

子都。涿郡蠡吾人也。○又守京兆尹。滿歲爲真。○又廣漢爲人強

力。天性精於吏職。見吏民或夜不寢。至旦尤善爲鉤距。以得

事情。鉤距者。設欲知馬價。則先問狗。已問羊。又問牛。然後及

馬。參伍其價。以類相準。則知馬之貴賤。不失實矣。惟廣漢至

精能行之。他人效者莫能及也。○晉灼曰鉤致也。距閉也。使

對者無疑。若不問而自知。衆莫覺所由。以閉其術爲距也。

指鹿隨心。元老合稱爲長樂。

史記秦始皇本紀太子胡亥爲二世皇帝。〔又〕趙高爲丞相。〔又〕

三年。〔又〕八月己亥。趙高欲爲亂。恐羣臣不聽。乃先設驗。持鹿

獻於二世。曰。馬也。二世笑曰。丞相誤耶。謂鹿爲馬。問左右。左

右或默。或言馬。以阿順趙高。或言鹿者。高因陰中諸言鹿者

以法。後羣臣皆畏高。○詩小雅采芑篇。方叔元老。〔註〕元大也。

○五代史馮道列傳。馮道字可道。瀛州景城人也。事劉守光

爲叅軍。守光敗去。事宦者張承業。承業監河東軍。以爲巡官

以其文學薦之。晉王爲河東節度掌書記。莊宗卽位。拜戶部

桃花扇傳奇

後序詳註卷二

八

侍郎。充翰林學士。〔又〕莊宗遇弒。明宗卽位。〔又〕拜道端明殿學

士。遷兵部侍郎。歲餘。拜中書侍郎。同中書門下平章事。〔又〕明

宗崩。相愍帝。潞王反於鳳翔。愍帝出奔衛州。道率百官迎潞

王以入。是爲廢帝。遂相之。〔又〕晉滅唐。道又事晉。晉高祖拜道

守司空。同中書門下平章事。加司徒。兼侍中。封魯國公。高祖

崩。道相出帝。加太尉。封燕國公。〔又〕契丹滅晉。道又事契丹。〔又〕

耶律德光以道爲太傅。德光北歸。從至常山。漢高祖立。乃歸

漢。以太師奉朝請。周滅漢。道又事周。周太祖拜道太師。兼中

書令道少能矯行。以取稱於世。及爲大臣。尤務持重。以鎮物。事四姓十君。益以舊德自處。然當世之士。無賢愚。皆仰道爲元老。而喜爲之稱譽。又然道視喪君亡國。亦未嘗以屑意。當是時。天下大亂。戎夷交侵。生民之命。急如倒懸。道方自號長樂老。著書數百言。陳已更事四姓。及契丹所得階勳官爵。以爲榮。自謂孝於家。忠於國。爲子爲弟。爲人臣。爲司長。爲夫。爲父。有子有孫。時開一卷。時飲一杯。食味別聲。被色。老安於當代。老而自樂。何樂如之。蓋其自述如此。

桃花扇傳奇

後序詳註卷二

九

鬪蛩得意。華堂應號以半閒。

按此二句。用賈似道襄陽圍急。尙與羣妾踞地。鬪蟋蟀事。註見斃賈之推句。賈似道列傳中。

○負暄雜錄

鬪蛩之戲。始於天寶間。○賈似道蟋蟀經天下有不吝盡之

物。君子有獨好之理。獨促織曰蛩。曰蟋蟀。曰寒蟲。曰吟蛩。曰

青蛩。不一其名。或在壁。或在戶。或在宇。或在牀下。因時而有

感。○成公綏蜘蛛賦南連大廡。北接華堂。○宋季三朝政要

賈似道既占湖山之勝。作半閒堂。延羽流。塑己像於其中。

孫武子之兵書。用在春燈謎裏。

吳越春秋闔閭內傳三年吳將伐楚未行伍子胥深知王意之不定乃薦孫子於王孫子者名武吳人也善爲兵法僻隱深居世人莫知其能胥乃明知鑒辯知孫子可以折衝銷敵乃一旦與吳王論兵七薦孫子吳王曰子胥託言進士欲以自納而孫子問以兵法每陳一篇王不知口之稱善其意大悅○前漢書藝文志至成帝時以書頗散亡使謁者陳農求遺書於天下詔光祿大夫劉向校經傳諸子詩賦步兵校尉任宏校兵書太史令尹咸校術數侍醫李柱國校方伎桃花扇傳奇後序詳註卷二

○石巢傳奇二種春燈謎

一名十

燕子箋

俱阮大

李藥師之陣法藏諸袴子襠中

新唐書李靖列傳李靖字藥師京兆三原人○李衛公問對

太宗曰陣數有九中心零者大將握之四面八向皆取準焉陣間容隊隊間容隊以前爲後以後爲前進無速奔退無遽走四頭八尾觸處爲首敵衝其中兩頭皆救數起於五而終於八此何謂也靖曰諸葛亮以石縱橫布爲八行方陣之法卽此圖也臣嘗教閱必先此陣

又

太宗曰天地風雲龍虎鳥

蛇。斯八陣何義也。靖曰。傳之者誤也。古人秘藏此法。故詭設八名耳。八陣者。本一也。分爲八焉。若天地者。本乎旗號。風雲者。本乎幡名。龍虎鳥蛇者。本乎隊伍之別。後世誤傳。詭設物象。何止八而已乎。又太宗曰。朕與李勣論兵法。多同。卿說但勣不究出處爾。卿所制六花陣法。出何術乎。靖對曰。臣所本諸葛亮八陣法也。大陣包小陣。大營包小營。隅落鈎連。曲折相對。古制如此。臣爲圖因之。故外畫之方。內環之圓。是成六花。俗爲號耳。又太宗曰。五行陣如何。靖曰。本因五方也。立此

桃花扇傳奇

後序詳註卷二

十一

名方圓曲直。銳實因地形使然。凡兵不習此五者。豈可臨敵哉。兵詭道也。故強名五行焉。文之以術數相生相尅之義。其實兵形象水。因地制流。此其名也。○晉書阮籍列傳。阮籍字嗣宗。陳留尉氏人也。又志氣宏放。傲然獨得。任性不羈。又著大人先生傳。其畧曰。世之所謂君子。惟法是脩。惟禮是克。手執圭璧。足履繩墨。行欲爲目前檢。言欲爲無窮則。少稱鄉黨。長聞隣國。上欲圖三公。下不失九州牧。獨不見羣蝨之處。裨中。逃乎深縫。匿乎壞絮。自以爲吉宅也。行不敢離縫際。動不

敢出禪襦。自以爲得繩墨也。然炎即火流。焦邑滅都。羣虺處於禪中而不能出也。君子之處域內。何異夫蝨之處禪中乎。此亦籍之胸懷本趣也。按傳奇評語。襦子襦。阮大鉞所居。今其地以人廢矣。

截狗續貂。市井屠沽而濫貴。

晉書趙王倫列傳。趙王倫字子綏。宣帝第九子也。又僭即帝位。又諸黨皆登卿將。並列大封。其餘同謀者。咸超階越次。不可勝紀。至於奴卒厮役。亦加以爵位。每朝會。貂蟬盈坐。時人爲之諺曰。貂不足。狗尾續。

桃花扇傳奇

後序詳註卷二

七

燔羊爛胃。庖厨奴隸而升郎。

後漢書劉聖公列傳。劉元字聖公。光武族兄也。又王莽末。又

新市人。王匡主盟。又諸亡命馬武王常成丹等。又進攻隨縣。

未能下。平林人陳牧廖湛。又應之。聖公因往從牧等。爲其軍。

安集掾。又號聖公爲更始將軍。衆雖多而無所統一。諸將遂。

共議立更始爲天子。又其所授官爵者。皆羣小賈豎。或有膳。

夫庖人。多著繡面衣。錦袴。簪瑜諸於。註諸於。大掖衣也。罵詈。

道中。長安爲之語曰。竈下養中郎將。爛羊胃。騎都尉。爛羊頭。

關內侯。明史馬士英列傳。阮大鍼附張縉彥以本兵首從賊。賊敗。縉彥歸河南。自言集義勇收復列城。卽授原官。總督河北山西河南軍務。便宜行事。其大僚降賊者。賄入輒復其官。諸白丁隸役。輸重賂立躋大帥。二十一史約編。福王時。開事例。賣官鬻爵。南京人爲之語曰。中書隨地有。都督滿街走。監紀多於羊。職方賤如狗。廕起千年塵。拔貢一主首。掃盡江南錢。填塞馬家口。

天下童謠。王與馬共。

桃花扇傳奇

後序詳註卷二

三

左傳僖公五年童謠云。丙之辰。龍尾伏辰。戴侗曰。歌必有度曲節。謠則搖曳永誦之。兒童皆能爲。故有童謠也。晉書王敦列傳。帝初鎮江東。威名未著。敦與從弟導等同心翼戴。以隆中興。時人爲之語曰。王與馬共天下。

人間仙路。阮挈劉行。

酈道元水經註。昔費長房爲市吏。見王壺公懸壺郡市。長房從之。因而自退。同入此壺。隱淪仙路。骨謝懷靈。無食而返。雖能役使鬼神。而終同物化。○仙佛奇踪。劉晨剡縣人。漢永平

桃花扇傳奇

後序詳註卷二

古

中與阮肇入天台採藥。路迷不得返。經十三日。饑渴甚。望山上有桃實。共取食之。下山取澗水飲。見一杯流出。中有胡麻飯焉。二人喜曰。此近人家矣。遂度山出一大溪。溪邊有二女。色甚美。顧笑曰。劉阮二郎捉杯來耶。劉阮異之。二女懼然如舊曰。來何晚耶。卽邀還家。南壁東壁各有羅帷絳帳。命侍女具饌。有胡麻飯。山羊脯甚美。食畢行酒。俄有羣女持桃笑曰。賀汝壻來。酒酣作樂。夜半各就一帳宿。婉態殊絕。至十日求還。苦留半年。氣候草木常似春。百鳥啼啣。歸思更切。二女曰。罪根未滅。使君等至此。遂指示還路。及歸。鄉邑零落。已七世矣。再往女家。尋覓不獲。晉太康八年。失二人所在。○明史馬士英列傳。阮大鍼附馬士英。貴陽人。萬曆四十四年。與懷寧阮大鍼同中會試。又三年。士英成進士。授南京戶部主事。天啟時。遷郎中。歷知嚴州。河南大同三府。崇禎三年。遷山西陽和道副使。五年。擢僉都御史。巡撫宣府。到官甫一月。檄取公帑數千金。餽遺朝貴。爲鎮守太監王坤所發。坐遣戍。尋流寓南京。時大鍼名掛逆案。失職久廢。以避流賊至。與士英相結。

甚歡。大鍼機敏猾賊，有才藻。天啟初，由行人擢給事中，以憂歸。同邑左光斗爲御史有聲。大鍼倚爲重。四年春，吏科都給事中缺。大鍼次當遷，光斗招之，而趙南星、高攀龍、楊漣等以察典近。大鍼輕躁不可任，欲用魏大中。大鍼至，使補工科。大鍼心恨，陰結中璫寢推大中疏。吏部不得已，更上大鍼名，卽得請。大鍼自是附魏忠賢，與霍維華、楊維垣、倪文煥爲死友。造百官圖，因文煥達諸忠賢。然畏東林，攻已未一月，遽請急歸。而大中掌吏科。大鍼憤甚，私謂所親曰：「我猶善歸，未知左氏何如耳。」已而楊左諸人獄死。大鍼對客詡詡自矜，尋召爲太常少卿。至都，事忠賢極謹，而陰慮其不足恃。每進謁，輒厚賄忠賢閹人，還其刺，居數月復乞歸。忠賢既誅，大鍼兩疏示維垣。其一專劾崔魏，其一以七年合算爲言。謂天啟四年以後，亂政者忠賢，而翼以呈秀。四年以前，亂政者王安，而翼以東林。傳語維垣。若時局大變，上劾崔魏疏脫未定，則上合算疏。會維垣方並指東林、崔魏爲邪黨，與編修倪元璐相詆，得大鍼疏大喜，爲投合算疏以自助。崇禎元年起光祿卿，御

史毛羽健効其黨邪。罷去。明年定逆案。論贖徒爲民。終莊烈帝世。廢斥十七年。鬱鬱不得志。流寇逼皖。大鉞避居南京。頗招納游俠。爲談兵說劍。覲以邊才召。無錫顧杲吳縣楊廷樞蕪湖沈士柱餘姚黃宗義鄞縣萬泰等皆復社中名士。方聚講南京。惡大鉞甚。作留都防亂揭。逐之。大鉞懼。乃閉門謝客。獨與士英深相結。周延儒內召。大鉞輦金錢要之。維揚求前濯。延儒曰。吾此行。謬爲東林所推。子名在逆案可乎。大鉞沉吟久之。曰。瑤草何如。瑤草。士英別字也。延儒許之。十五年六月。鳳陽總督高斗光以失五城逮治。禮部侍郎王錫袞薦士英才。延儒從中主之。遂起兵部右侍郎兼右僉都御史。總督廬鳳等處軍務。永城人劉超者。天啟中以征安邦彥功。積官至四川遵義總兵官。坐罪免。數營復官不得。李自成圍開封。超請募土寇協擊。乃用爲保定總兵官。令率兵赴救。超憚不敢行。宿留家中。以私怨殺御史魏景琦等三家。遂據城反。巡撫王漢討之。被殺。帝乃命士英偕太監盧九德河南總兵官陳永福進討。明年四月圍其城。連戰。賊屢挫。築長圍困之。超

官貴州時。與士英相識。緣舊好乞降。士英佯許之。超出見。不肯去佩刀。士英笑曰。若既歸朝。安用此。手解其刀。已潛去。其親信遂就縛。獻俘於朝。磔死。時流寇充斥。士英捍禦數有功。十七年三月。京師陷。帝崩。南京諸大臣開變。倉卒議立君。而福王由崧。潞王常淂。俱避賊至淮安。倫序當屬福王。諸大臣慮福王立。或追怨妖書及梃擊移宮等案。潞王立則無後患。且可邀功。陰主之者。廢籍禮部侍郎錢謙益。力持其議者。兵部侍郎呂大器。而有都御史張慎言。詹事姜曰廣。皆然之前。

桃花扇傳奇

後序詳註卷二

七

山東按察使僉事雷縉祚。禮部員外郎周鏞。往來遊說。時士英督師廬鳳。獨以爲不可。密與操江臧愚伯劉孔昭。總兵高杰。劉澤清。黃得功。劉良佐等結。而公致書於叅贊機務兵部尚書史可法。言倫序親賢。無如福王。可法意未決。及廷臣集議。史料給事中李沾。探士英指。面折大器。士英亦自廬鳳擁兵迎福王至江上。諸大臣乃不敢言。王之立。士英力也。當王監國時。廷推閣臣。劉孔昭攘臂欲得之。可法折以勲臣無入閣例。孔昭乃訟言。我不可。士英何不可。於是進士英東閣大

學士兼兵部尚書都察院右副都御史與可法及戶部尚書高宏圖並命。士英仍督師鳳陽。士英大愠。令高杰劉澤清等疏趣可法督師淮陽。而士英留輔政。仍掌兵部。權震中外。尋論定策功。加太子太師。廢錦衣衛指揮僉事。九月叙江北歷年戰功。加少傅。兼太子太師。建極殿大學士。廢子如前。十二月進少師。明年進太保。當是時中原郡縣盡失。高傑死睢州。諸鎮權倖無統。左良玉擁兵上流。跋扈有異志。而士英爲人貪鄙無遠畧。復引用大鉞。日事報復。招權罔利。以迄於亡。初。

桃花扇傳奇

後序詳註卷一

六

可法宏圖及姜曰廣張慎言等皆宿德在位。將以次引海內人望。而士英必欲起大鉞。有詔廣搜人材。獨言逆案不可輕議。士英令孔昭及侯湯國祚伯趙之龍等攻慎言去之。而薦大鉞知兵。初大鉞在南京。與守備太監韓贊周暱。京師陷。中貴人悉南奔。大鉞因贊周通結之。爲羣奄言東林當日所以危貴妃福王者。俾備言於王。以潛傾可法等。羣奄更極口稱大鉞才。士英亦言大鉞從山中致書與定策謀。爲白具附璫贊導無實迹。遂命大鉞冠帶陞見。大鉞乃上守江策。陳三要

兩合十四隙疏。并自白孤忠被陷。痛詆孫慎行。魏大中。左光斗。且指大中爲大逆。於是大學士姜曰廣。侍郎呂大器。懷遠侯常延齡等。並言大鍼逆案巨魁。不可召。士英爲大鍼奏辨。力攻曰廣大器。益募宗室統鎮。建安王統鏐輩。連疏交攻。而以大學士高_(宏)圖爲御史時。嘗詆東林。必當右已。乃言_(宏)圖素知臣者。_(宏)圖則言先帝欽定逆案一書。不可擅改。士英與_(宏)圖因乞罷。士英意稍折。遲廻月餘。用安遠侯柳祚昌薦。中旨起大鍼兵部添註右侍郎。左都御史劉宗周言殺大中者魏瑞。大鍼其主使也。卽才果足用。臣慮黨邪害正之才。終病世道。大鍼進退。實係江左興亡。乞寢成命。有旨切責。未幾大鍼兼右僉都御史。巡閱江防。尋轉左侍郎。明年二月。進本部尙書。右副都御史。仍閱江防。呂大器姜曰廣劉宗周高_(宏)圖徐石麟。皆與士英齟齬。先後罷歸。士英獨握大柄。內倚中官田成輩。外結勲臣劉孔昭。朱國弼。柳祚昌。鎮將劉良佐。劉澤清等。而一聽大鍼計。盡起逆案中楊維垣。虞廷陞。郭如閻。周昌。晉虞大復。徐復揚。陳以瑞。吳孔嘉。其死者。悉予贈卹。而

與張捷唐世濟等比。若張振孫、袁宏勳、劉光斗，皆得罪先朝。復寘言路爲爪牙，朝政濁亂，賄賂公行，四方警報狎至。士英身掌中樞，一無籌畫，日以鋤正人、引兇黨爲務。按馬士英阮大鍼事實載見序中，宜分錄之。以致王氣全消，無煩金厭。

劉禹錫西塞山懷古詩：王濬樓船下益州，金陵王氣黯然收。
○金厭見上建業人烟句。

國風盡變，但有民訛。

桃花扇傳奇

後序詳註卷一

三

詩大序：上以風化下，下以風刺上。主文而譎諫，言之者無罪，聞之者足以戒。故曰：風。至於王道衰，禮義廢，政教失，國異政，家殊俗，而變風變雅作矣。○朱子集傳：國者，諸侯所封之域，而風者，民俗歌謠之詩也。謂之風者，以其被上之化，以有言，而其言又足以感人。如物因風之動，以有聲，而其聲又足以動物也。是以諸侯采之，以貢於天子；天子受之，而列於樂官，於以考其俗，尙之美惡，而知其政治之得失焉。舊說：二南爲正風，所以用之閭閻，鄉黨邦國，而化天下也。十三國爲變風。

則亦領在樂官。以時存肄備觀省。而垂鑒戒耳。合之凡十五國。云。○詩小雅正月篇。民之訛言。○玉篇。訛。與譌同。僞也。

野日荒荒。不見旌旗戰鼓。江流泯泯。惟聞蘆荻漁歌。

杜甫漫成詩。野日荒荒白。江流泯泯清。○李白猛虎行。旌旗續紛兩河道。戰鼓驚山欲傾倒。○劉禹錫西塞山懷古詩。從今四海爲家日。故壘蕭蕭蘆荻秋。○王勃上巳浮江宴序。漁歌互起。

奇可傳者。又其一也。

桃花扇傳奇

後序詳註卷一

王

若夫仰治求安。將須一德。奮威揚武。兵始輸忠。

前漢書嚴助列傳。危者望安。亂者仰治。○陸機豪士賦序。身危由於勢過。而不知去勢以求安。○書咸有一德。咸有一德。

克享天心。○三國志蜀書郤正列傳。謀夫演畧。武士奮威。○

書泰誓中。我武惟揚。○白居易代書詩一百韻寄微之。養勇期除惡。輸忠在滅私。

魏挫吳鋒。李典與張遼并力。

三國志魏書李典列傳。李典字曼成。山陽鉅野人也。張遼列

傳張遼字文遠。廬門馬邑人也。太祖既征孫權還。使遼與樂進李典等。將七千餘人屯合肥。太祖征張魯。教與護軍薛梯署函邊曰。賊至乃發。俄而權率十萬衆圍合肥。乃共發教。教曰。若孫權至。張李將軍出戰。樂將軍守。護軍勿得與戰。諸將皆疑。遼曰。公遠征在外。比救至。彼破我必矣。是以教指及其未合逆擊之。折其盛勢。以安衆心。然後可守也。成敗之機。在此一戰。諸君何疑。李典列傳進典遼皆素不睦。遼恐其不從。典慨然曰。此國家大事。顧君計何如耳。吾其可以私恨。桃花扇傳奇後序評註卷一

三

而忘公義乎。乃率衆與遼破走權。晉書蘇鮮。太真協陶侃偕征。

晉書溫嶠列傳溫嶠字太真。太原祁人。蘇峻列傳蘇峻字子

高。長廣掖人也。有功除淮陵內史。遷蘭陵相。王敦作逆。詔

峻討敦。大破之。進使持節冠軍將軍。歷陽內史。加散騎

常侍。封邵陵公。食邑一千八百戶。峻頗懷驕溢。自負其衆。

潛有異志。時明帝初崩。委政宰輔。護軍庾亮欲徵之。峻聞

將徵。遣司馬何仍詣亮曰。討賊外任。遠近從命。至於內輔。實

非所堪。不從。遂下優詔。徵峻爲大司農。加散騎常侍。位特進。以弟逸代領部曲。峻素疑亮欲害已。表曰。昔明皇帝親執臣手。使臣北討胡寇。今中原未靖。無用家爲。乞補青州界一荒郡。以展鷹犬之任。復不許。峻嚴裝將赴召。而猶豫未決。叅軍任讓謂峻曰。將軍求處荒郡而不見許。事勢如此。恐無生路。不如勒兵自守。峻從之。遂不應命。朝廷遣使諷諭之。峻曰。臺下云。我欲反。豈得活耶。我寧山頭望廷尉。不能廷尉望山頭。往者國危累卵。非我不濟。狡兔旣死。獵犬理自應烹。但當死報造謀者耳。於是遣叅軍徐會結祖約謀爲亂。而以討亮爲名。陶侃列傳。陶侃字士行。本鄱陽人也。吳平。徙家廬江之尋陽。又以功封柴桑侯。又遷都督荆。雍。益。梁州諸軍事。領護南蠻校尉。征西大將軍。荊州刺史。又蘇峻作逆。京都不守。侃子瞻爲賊所害。平南將軍溫嶠要侃同赴朝廷。初。明帝崩。侃不在。顧命之列。深以爲恨。答嶠曰。吾疆場外吏。不敢越局。嶠固請之。因推爲盟主。侃乃遣督護龔登率衆赴嶠。而又追廻嶠。以峻殺其子。重遣書以激怒之。侃妻龔氏亦固勸自行。於是

便戎服登舟。星言兼邁。瞻喪至。不臨。五月。與溫嶠庾亮等俱會石頭。〔又〕與峻戰陳陵。東侃督護竟陵太守李陽部將彭世斬峻於陣。賊衆大潰。峻弟逸復聚衆侃與諸軍斬逸於石頭。賈寇同載而言歎漢方復盛。

〔後漢書賈復列傳〕賈復字君文。南陽冠軍人也。〔寇恂列傳〕寇恂字子翼。上谷昌平人也。〔又〕文武備足。有牧人御衆之才。〔又〕

拜潁川太守。〔又〕執金吾賈復在汝南。部將殺人於潁川。恂捕得繫獄。時尙草創。軍營犯法。率多相容。恂乃戮之於市。復以

桃花扇傳奇

後序詳註卷二

三

爲恥。還過潁川。謂左右曰。吾與寇恂並列將帥。而今爲其所陷。大丈夫豈有懷侵怨而不決之者乎。今見恂必手劍之。恂知其謀。不欲與相見。谷崇曰。崇將也。得帶劍侍側。卒有變。足以相當。恂曰。不然。昔藺相如不畏秦王。而屈於廉頗者。爲國也。區區之趙。尙有此義。吾安可以忘之乎。乃敕屬縣盛供具。儲酒醪。執金吾軍入界。一人皆兼二人之饌。恂乃出迎於道。稱疾而還。賈復勒兵欲追之。而吏士皆醉。遂過去。恂遣谷崇以狀聞。帝乃徵恂。恂至。引見。時復先坐在。欲起相避。帝曰。天

下未定。兩虎安得私鬪。今日朕分之。於是並坐極歡。遂共車同出。結友而去。

廉藺負荊而任咎。趙乃稱強。

史記廉頗藺相如列傳廉頗者趙之良將也。趙惠文王十六年廉頗爲趙將伐齊大破之。取晉陽。拜爲上卿。以勇氣聞於諸侯。藺相如者趙人也。爲趙宦者令繆賢舍人。趙惠文王時得楚和氏璧。秦昭王聞之。使人遺趙王書。願以十五城請易璧。趙王與大將軍廉頗諸大臣謀。求人可使報秦者。未得。桃花扇傳奇。後序詳註卷二。

五

宦者令繆賢曰。臣舍人藺相如可使。趙王於是遂遣相如。奉璧西入秦。相如度秦王特以詐佯爲予趙。城實不可得。乃使其從者衣褐懷其璧從徑道亡歸璧於趙。謂秦王曰。秦強而趙弱。今以秦之強而先割十五都予趙。趙豈敢留璧而得罪大王乎。臣知欺大王之罪當誅。臣請就湯鑊。秦王與羣臣相視而嘻。左右或欲引相如去。秦王因曰。今殺相如。終不能得璧也。而絕秦趙之歡。不如因而厚遇之。使歸趙。趙王以爲賢大夫。使不辱於諸侯。拜相如爲上大夫。

〔文〕秦王使使者告趙王。欲與王爲好會於西河外澠池。趙王畏秦。欲毋行。廉頗藺相如計曰。王不行。示趙弱且怯也。趙王遂行。相如從。廉頗送至境。與王訣曰。王行。度道里會遇之禮畢。還不過三十日。三十日不還。則請立太子爲王。以絕秦望。王許之。遂與秦王會澠池。秦王飲酒酣。曰。寡人竊聞趙王好音。請奏瑟。趙王鼓瑟。秦御史前書曰。某年月日。秦王與趙王會飲。令趙王鼓瑟。藺相如前曰。趙王竊聞秦王善爲秦聲。請奉盆饒。秦王以相娛樂。秦王怒。不許。於是相如前進饒。因跪

桃花扇傳奇

後序詳註卷二

三

請秦王。秦王不肯擊饒。相如曰。五步之內。相如請得以頸血濺大王矣。左右欲刃相如。相如張目叱之。左右皆靡。於是秦王不懌。爲一擊饒。相如顧召趙御史書曰。某年月日。秦王爲趙王擊饒。秦之羣臣曰。請以趙十五城爲秦王壽。藺相如亦曰。請以秦之咸陽爲趙王壽。秦王竟酒。終不能加勝於趙。趙亦盛設兵以待秦。秦不敢動。旣罷歸國。以相如功大。拜爲上卿。位在廉頗之右。廉頗曰。我爲趙將。有攻城野戰之大功。而藺相如徒以口舌爲勞。而位居我上。且相如素賤人。吾羞。不

忍爲之下。宣言曰。我見相如必辱之。相如聞。不肯與會。相如每朝時。常稱病。不欲與廉頗爭列。已而相如出。望見廉頗。相如引車避匿。於是舍人相與諫。文請辭去。藺相如固止之曰。公之視廉將軍。孰與秦王。曰。不若也。相如曰。夫以秦王之威。而相如廷叱之。辱其羣臣。相如雖驕。獨畏廉將軍哉。顧吾念之。強秦之所以不敢加兵於趙者。徒以吾兩人在也。今兩虎共鬪。其勢不俱生。吾所以爲此者。以先國家之急。而後私讐也。廉頗聞之。肉袒負荊。因賓客至藺相如門謝罪。曰。鄙賤之人。不知將軍寬之至此也。卒相與歡。爲刎頸之交。

桃花扇傳奇

後序詳註卷二

七

豈期北鎮跳梁。鮮內靖外寧之志。

白居易問秋光詩。殷卿領北鎮。崔尹開南幕。○莊子秋水篇。

公子牟隱几太息。仰天而笑曰。子獨不聞夫埴井之鼃乎。謂東海之鼃曰。吾樂與吾跳梁乎井榦之上。入休乎缺甃之崖。赴水則接腋持頤。蹶泥則沒足滅跗。還軒蟹與蚪。莫吾能若也。○左傳僖公二十七年。靖諸內而敗諸外。所獲幾何。○左傳成公十六年。惟聖人能外內無患。自非聖人。外寧必有。

山憂。明史高傑列傳高傑米脂人與李自成同邑同起爲盜崇禎七年閏八月總督陳奇瑜遣叅將賀人龍救隴州被圍大困自成令傑遺書約人龍反不報使者歸先見傑後見自成叱圍兩月不拔自成心疑傑遣別部將往代傑歸守營自成妻邢氏趨武多智掌軍貲每日支糧仗傑過氏營分合符驗氏偉傑貌與之通恐自成覺謀歸降次年八月遂竊邢氏來歸洪承疇以付人龍使其遊擊孫守法挾以破賊取立效爲信自是傑常隸人龍麾下十三年張獻忠敗於瑪瑙山

桃花扇傳奇

後序詳註卷二

三

竄興歸界上傑隨人龍及副將李國奇大敗之鹽井十五年人龍以罪誅命傑爲實授遊擊十月陝西總督孫傳庭至南陽自成與羅汝才西行迎之傳庭以傑與魯某爲先鋒遇於塚頭大戰敗賊追奔六十里汝才見自成敗來救遽出官軍後後軍左勦望見賊怖而先奔衆軍皆奔遂大潰傑所亡失獨少十六年進副總兵與總兵白廣恩爲軍鋒兩皆副將也廣恩驚驚素不奉約束而傑尤凶暴朝廷以傑爲自成所切齒故命隸傳庭辦賊九月從傳庭克寶豐復郟縣時官軍乘

桃花扇傳奇

後序 諸註卷二

无

勝深入乏食。降將李際遇通賊。自成帥精騎大至。傳庭問計於諸將。傑請戰。廣恩不可。傳庭以廣恩爲怯。廣恩不懌。引所部遁去。官軍接戰。陷伏中。傑登嶺山望之。曰。不可支矣。亦麾衆退。軍遂大奔。死者數萬。廣恩走汝州。不救。傑乃隨傳庭走河北。已而自山西渡河。轉入潼關。廣恩已先至。十一月。自成攻關。廣恩力戰。而傑怨廣恩以寶豐之敗不救也。亦擁衆不肯救。廣恩戰敗。關遂破。傳庭被殺。自成破西安。據之。傑北走延安。賊將李過追傑。傑東走宜川。河水適合。遂渡入蒲津。以守。賊至。水解不得渡。乃免。廣恩旣敗。走固原。爲賊將追及。遂以城降。十七年。進傑總兵。帝令總督李化熙率傑兵馳救山西。而蒲州平陽已陷久。傑退至澤州。沿途大掠。賊遂薄太原。京師陷。傑南走。福王封傑興平伯。列於四鎮。領揚州。駐城外。傑因欲入城。揚民畏傑不納。傑攻城急。日掠廂村婦女。民益惡之。知府馬鳴騷推官湯來賀堅守月餘。傑知不可攻。意稍怠。閣部史可法議以瓜州予傑。乃止。九月。命傑移駐徐州。以左中允衛允文兼兵科給事中。監其軍。西討徐州。土賊程繼

孔被擒至京師。乘李自成之亂逃歸。十二月傑擒斬之。如太子少傅。廕一子。世襲錦衣僉事。初傑伏兵要擊黃得功於土橋。得功幾不免。兩鎮遂相仇怨。事見得功傳。傑爭揚州時。可法頗爲所窘。至是傑感可法忠。與謀恢復。議調得功與劉澤清二鎮赴邳宿防河。傑自提兵直趨歸開。且瞰宛洛荆襄。以爲根本。遂具疏上之。語激切。且云得功與臣猶介介前事。臣知報君雪耻而已。安能與同列較短長哉。然得功終不欲爲傑後勁。而澤清尤狡橫難任。可法不得已調劉良佐赴徐。與

桃花扇傳奇

後房詳註卷二

三

傑爲聲援

順治二年正月傑抵歸德。總兵許定國方駐睢州。有言其送子渡河者。傑招定國來會。不應。復遣巡撫越其杰。巡按陳潛夫同往睢州。定國始郊迎。其杰諷傑勿入城。傑心輕定國。不聽。遂入城。十一日定國置酒饗傑。傑飲酣。爲定國刻行期。且微及送子事。定國益疑。無離睢意。傑固促之行。定國怒。夜伏兵傳礮大呼。其杰等急遁走。傑醉卧帳中未起。衆擁至定國所殺之。先是傑以定國將去睢。盡發兵戍開封。所留親卒數

十人而已。定國僞恭順。多選妓侍傑。而以二妓偶一卒寢。卒盡醉。及聞礮欲起。爲二妓所掣不得脫。皆死。明日傑部下至攻城。老弱無孑遺。定國走降。

大清軍傑爲人淫毒。揚民間其死。皆相賀。然是行也。進取意甚銳。故時有惜之者。始朝廷許諸鎮與聞國是。故傑屢條奏救降賊者。及請釋武懷於獄。不允。復疏薦吳玠。鄭三俊。金光宸。姜琛。熊開元。金聲。沈正宗等。大抵其時武臣風尙多類此。傑死。贈太子太保。以其子元爵襲興平伯。

桃花扇傳奇

後序詳註卷二

三

南藩跋扈。多氣陵威憎之心。

史記趙世家。我先王因國之變。以長南藩之地。○後漢書梁

冀列傳。冀立質帝。帝少而聰慧。知冀驕橫。嘗朝羣臣。目冀曰。

此跋扈將軍也。○王幼學資治通鑑綱目集覽跋扈猶言強

梁也。師古曰。扈。竹籬也。水居者。於水未至。先作竹籬。候魚之

入。水退。小魚獨留。大者跳跋籬扈而出。故言跋扈也。詩皇矣

無然畔援箋云。畔援。猶跋扈也。疏云。凶橫自恣陵人之貌。○

宋書武帝本紀。晉安帝冊爲宋公文。氣陵霄漢。○晉書王敦

列傳晉明帝討王敦。詔威愴朝廷。傾危宗社。○明史左良玉
列傳。左良玉字昆山。臨清人。官遼東車右營都司。崇禎元年。
寧遠兵變。巡撫畢自肅自經死。良玉坐削職回衛。已復官。總
理馬世龍令從遊擊曹文詔援玉田。豐潤。連戰洪橋。大塹山。
直抵遵化。論恢復四城功。與文詔等俱進秩。隸昌平督治侍
郎侯恂麾下。大凌河圍急。詔昌平軍赴援。總督尤世威護陵
不得行。薦良玉可代。率兵往。已恂薦爲副將。戰香山杏山下。
錄功第一。良玉少孤。育於叔父。其貴也。不知其母姓。長身頽

桃花扇傳奇

後序評註卷二

三

面驍勇善左右射。目不知書。多智謀。撫士卒得其歡心。以故
戰輒有功。時陝西賊入河南。圖懷慶。廷議令良玉將昌平兵
往勦。大指專辦河南。會賊寇修武。清化者。竄入平陽。因檄良
玉入山西禦之。頗有斬獲。河南巡撫樊尙璟以良玉駐澤州。
扼豫晉咽喉。可四面爲援兵。詔從之。時曹文詔將陝西兵。帝
令良玉受尙璟節制。與文詔同心討賊。有急則秦兵東。豫兵
西。良玉兵從中橫擊。六年正月。賊犯隰州。陷陽城。良玉敗之
於涉縣之西陂。二月。良玉兵與賊戰武安。大敗。尙璟罷。以太

常少卿元默代之。三月賊再入河內。良玉自輝縣逐之。賊奔修武。殺遊擊越效忠。追叅將陶希謙。希謙墜馬死。良玉擊之萬善驛。至柳善口大敗之。擒賊首數人。賊遂西奔。河南額兵僅七千。數被賊折亡殆盡。良玉將昌平兵二千餘。數戰雖有功。勢孤甚。總兵鄧玘方立功萊州。乃命將川兵。益以石砮土司馬鳳儀兵。馳赴良玉。與共角賊。已而鳳儀以孤軍戰沒於侯家莊。當是時賊勢已大熾。縱橫三晉。畿輔河北間。諸將曹文詔。李昇。艾萬年。湯九州。鄧玘。良玉等。先後與賊戰。勝負畧

桃花扇傳奇

後序詳註卷二

三

相當。良玉玘辦河南。屢破之。於官村於沁河。於清化於萬善。良玉又扼之武安。八德。斬獲尤多。會帝命倪寵主樸爲總兵。將京營兵六千赴河南。以中官楊應龍。盧九德監其軍。而別遣中官監良玉等軍。職方郎中李繼貞曰。良玉李昇身輕百戰。位反在寵樸下。恐聞而解體。乃令良玉。昇署都督僉事。爲援勦總兵官。與寵樸體相敵。京營兵至。共擊賊。數有功。良玉敗賊濟源河內。又敗之永寧。青山嶺。銀洞溝。又自葉縣追至小武當山。皆斬賊魁甚衆。然諸將以中官監軍。意弗善也。其

冬賊西奔者復折而東。良玉九州扼其前。京營兵尾其後。賊大困。官軍連破之。柳泉猛虎村。賊張妙手。賀雙全等三十六家。詭詞乞撫。於分巡布政司常道立。因監軍應朝以請。諸將俟朝命不出戰。會天寒河冰合。賊遂從澠池徑渡。巡撫默率良玉九州卑圯兵待之。境上賊乃竄盧氏山中。由此自鄖襄入川中。折而掠秦隴。復出沒川中湖北。以犯河南。中原益大殘破。而三晉畿輔獨不受賊禍者十年。賊卽渡河去。良玉與諸將分地守。陳奇瑜盧象昇方角賊秦楚。七年春夏間。中州桃花扇傳奇

幸無事。旣而奇瑜失李自成於車箱廷議合晉豫楚蜀兵四面勦之。賊乃分軍三一向慶陽。一趨鄖陽。而一出關趨河南。趨河南者又分爲三。郡邑所在告急。良玉扼新安澠池。他將陳治邦駐汝州。陳永福扼南陽。皆坐甲自保而已。不能大創賊也。賊每營數萬兵。番進皆因糧宿飽。我兵寡備多饋餉不繼。賊介馬馳。一日夜數百里。我步兵多騎少。行數十里輒疲乏。以故多畏賊。而良玉在懷慶時。與督撫議不合。因是生心。緩追養寇。多收降者以自重。督撫檄調不時應命。稍稍露跋

扈端矣。十二月遇賊於磁山。大戰數十。追奔百餘里。八年正月。河南賊破潁州。毀鳳陽皇陵。其陷鹿邑。柘城。寧陵。通許者。良玉在許州。不能救。四月。督師洪承疇在汝州。令諸將分地遮賊。尤世威守雒南。陳永福控盧氏。永寧。鄧玘。尤翟文。張應昌。許成名。遏湖廣。以吳村瓦屋。乃內鄉。浙川要地。令良玉與湯九州。以五千人扼之。未幾。鄧玘以兵譁死。而曹文詔討陝賊。敗歿於真寧。賊益張。遂超盧氏。奔永寧。巡撫默被逮。未去檄良玉。自內鄉與陳治邦。馬良文等援盧氏。八月。敗賊於鄢陵。九月。躡賊於郟之神垆山。賊連營數十里。番休更戰。以疲我兵。良玉收其軍而止。賊再攻密。良玉自郟援之。乃去。十月。良玉抵靈寶。合遼東總兵祖寬兵。剪賊於澗口。焦村。焦村。朱陽關地也。十一月。李自成出朱陽關。張獻忠久據靈寶。闖王高迎祥亦與合。良玉寬禦之。靈寶不能支。陝州陷。賊東下攻洛陽。良玉寬從巡撫陳必謙救洛陽。賊乃去。迎祥自成走偃師。鞏獻忠走嵩汝。良玉出雒。迎祥自成。寬分擊獻忠。救汝。會總理盧象昇。至自湖廣。與寬大敗賊汝西。令裨將破賊於

桃花扇傳奇

後序詳註卷二

三

宜陽黃澗口。九年二月賊敗於登封。郟城鎮走石陽關。與伊嵩之賊合。故總兵九州由嵩縣深入。與良玉夾勦。良玉中道遁歸。九州乘勝窮追四十里。無援敗歿。良玉反以捷聞。五月象昇遣祖寬。李重鎮。隨陝西總督洪承疇西行。良玉軍最強。又率中州人。故獨久留之。而以其驕亢難用。用孔道興代其偏將趙柱。駐靈寶防雒西。良玉與羅岱駐宜永防雒東。七月良玉兵抵開封。由登封之唐莊深入擊賊。自辰廕至申。賊不支西走。陳永福方敗賊於唐河。賊至田家營。良玉渡河擊之。斬獲頗衆。九月巡撫楊繩武劾良玉避賊。責令戴罪自贖。十年正月賊老劉。劉合。曹操。闖。場。天。諸部沿流東下。安慶告警。詔良玉從中州救之。良玉道勦殺南陽土寇楊四。侯馭民。郭三。海。急抵六安。與賊遇。部將岱道興乘勝連戰大破賊。賊走霍潛山。會馬爌。劉良佐亦屢敗賊於桐城。廬州。六安。賊在滁和者亦西遁。江北警少息。應天巡撫張國維三檄良玉入山搜勦。不應。故兵掠婦女屯舒城月餘。河南監軍太監力促之始北去。賊已飽掠入山矣。已浙川陷。良玉擁兵不救。以六安

破賊功。詔落職戴罪。尋復之。賊東下襲六合。攻天長。分掠瓜洲。儀真。破盱眙。良玉堅不肯救。令中州士大夫合疏留已。帝知出良玉意。不能奪也。十月。總理熊文燦至安慶。部檄以良玉軍隸焉。良玉輕文燦。不爲用。十一年正月。良玉與總兵陳洪範大破賊於鄖西。張獻忠假官旗號襲南陽。屯於南關。良玉適至。疑而急召之。獻忠逸去。追及。發兩矢中其肩。復揮刀擊之。面流血。其部下救以免。遂逃之穀城。未幾請降。良玉知其僞。力請擊之。文燦不許。九月。文燦勦郢襄諸賊。良玉與洪玉適至。疑而急召之。獻忠逸去。追及。發兩矢中其肩。復揮刀擊之。面流血。其部下救以免。遂逃之穀城。未幾請降。良玉知其僞。力請擊之。文燦不許。九月。文燦勦郢襄諸賊。良玉與洪

範及副將龍在田擊破之。雙溝營斬首二千餘級。十二月。河南巡撫常道立調良玉於陝州。賊乘盧氏虛。遁入內淅。是月許州兵變。良玉家在許。殲焉。十二年二月。良玉率降將劉國能入援京師。詔還討河南賊。兵過灞頭。吳橋大掠。太監盧九德疏聞。詔令戴罪。已而破賊馬進忠於鎮平關。進忠降。又與國能再破賊李萬慶於張家林七里河。萬慶亦降。七月。獻忠叛去。良玉與羅岱追之。使岱爲前鋒。已隨其後。逾房縣八十里。至羅猴山。軍乏食。伏起。岱馬掛於藤。抽刀斷之。蹶而復進。

棄馬登山。賊圍急。矢盡被獲。良玉大敗奔還。軍符印信盡失。棄軍資千萬餘。士卒死者萬人。事聞。以輕進貶三秩。十三年春。督師楊嗣昌薦良玉。雖敗有大將才。兵亦可用。遂拜平賊將軍。當是時。賊分爲三。西則張獻忠踞楚蜀郊。東則革裏眼左金玉等四營。豕突隨應麻黃。南則曹操過天星等十營。伏漳房興遠間。閏正月。良玉合諸軍擊賊於枸坪關。獻忠敗走。良玉乃請從漢陽西鄉入蜀追之。嗣昌謀以陝西總督鄭崇儉率賀人龍李國安從西鄉入蜀。而令良玉駐兵興平。別遣偏將追勦。良玉不從。嗣昌檄良玉曰。賊勢似不能入川。仍當走死秦界耳。將軍從漢陽西鄉入川。萬一賊從舊路疾趨平利。仍入竹房。將何以禦。不則走寧昌。入興平。與曹操合。我以大將尾追。促賊反楚。非算也。良玉報曰。蜀地肥衍。賊渡險仕其奔軼。後難制。且賊入川。則有糧可因。回郛則無地可掠。其不復竄楚境明矣。夫兵合則強。分則弱。今已留劉國能李萬慶守郛。若再分三千人入蜀。卽駐興平。兵力已薄。賊來能遏之耶。今當出其不意。疾攻之。一大劄自然瓦解。縱折回房竹。

間人跡斷絕。彼從何得食。況鄖兵扼之於前。秦撫在紫興扼之於右。勢必不得逞。若寧昌歸巫險。且遠。曹操獻忠不相下。倘窮而歸曹。必內相吞。其亡立見。良玉已於二月朔。涉蜀界之漁溪渡矣。嗣昌度力不能制。而其計良是。遂從之。時獻忠營太平縣大竹河。良玉駐漁溪渡。未幾總督崇儉引其兵來會。賊移軍九滾坪。見瑪瑙山險峻。將據之。良玉始抵山下。賊已踞山巔。乘高鼓譟。良玉下馬周覽者久之。曰。吾知所以破賊矣。分所進道爲三。已當其二。秦兵當其一。令曰。聞鼓聲而上。兩軍夾擊。賊陣堅不可動。鏖戰久之。賊大潰。墜崖澗者無算。追奔四十里。良玉兵斬掃地。王曹威白馬鄧天王等渠魁十六人。獻忠妻妾亦被擒。遁入興山歸州之山中。尋自鹽井竄興歸界上。是役也。良玉功第一。事聞。加太子少保。四月。良玉進屯興安。平利諸山。連營百里。諸軍憚山險。圍而不攻。久之。獻忠自興房走白羊山。而西與羅汝才合。七月。良玉乘勝擊過天星降之。過天星者。名惠登相。既降。遂始終爲良玉部將。初。良玉受平賊將軍印。褒驕。不肯受督師約束。而賀人龍

屢破賊有功。嗣昌私許以人龍代良玉。及良玉奏瑪瑙山捷。嗣昌語人龍須後命。人龍大恨。具以前語告良玉。良玉亦內恨。當獻忠之敗走也。追且及。遣其黨馬元利。操重寶啗良玉。曰。獻忠在。故公見重。公所部多殺掠。而閩部猜且專。無獻忠。卽公滅不久矣。良玉心動。縱之去。監軍萬元吉知良玉跋扈。不可使。勸嗣昌令前軍躡賊。後軍繼之。而身從間道出梓潼。扼歸。以俟濟師。嗣昌不用。賊旣入蜀之巴州。人龍兵譟而西歸。召良玉兵合擊。九檄皆不至。十四年正月。諸軍追賊開縣。

桃花扇傳奇

後序詳註卷二

甲

之黃陵城叅將劉士杰深入所當披靡。獻忠登高望。見無秦人旗幟。而良玉兵前部無鬪志。獨士杰孤軍。乃密選壯士潛行箐谷中。乘高大呼馳下。良玉兵先潰。總兵猛如虎潰圍出。嗣昌方悔不用元吉言。而獻忠已席卷出川西。絕新開驛置。楚蜀消息中斷。遂以計給入襄陽城。襄王被執。嗣昌不食卒。賊瀕死復縱。迄以亡國者。以良玉素驕蹇不用命故也。二月。詔良玉削職戴罪。平賊自贖。五月。獻忠陷南陽。卽攻泌陽破之。良玉至南陽。賊遁去。良玉不武士。泌人脫於賊者。遇官軍。

無噍類。旣而獻忠陷郟西。掠地至信陽。屢勝而驕。良玉乃從南陽進兵。復大破之。降其衆數萬。獻忠中股。負重傷。夜遁。而是時李自成方殘襄城。圍良玉於偃城。幾陷。會陝西總督汪喬年出關。自成乃輟圍。與喬年戰襄城外。喬年軍盡覆。良玉不能救。帝旣斬賀人龍。以肅軍政。專倚良玉辦賊。十五年三月。自成復圍開封。乃釋故尙書初薦良王者侯恂於獄。起爲督師。發帑金十五萬犒良玉營將士。激勸之。良玉及虎大威楊德政會師朱仙鎮。賊營西。官軍營北。良玉見賊勢盛。一夕拔營遁。衆軍望見皆潰。自成戒士卒待良玉兵過。從後擊之。官軍幸迫者緩。疾馳八十里。賊已於其前穿塹。深廣各二尋。環繞百里。自成親率衆遮於後。良玉兵大亂。下馬渡溝。僵仆溪谷中。趾其顛而過。賊從而蹂之。軍大敗。棄馬騾萬匹。器械無算。良玉走襄陽。帝聞良玉敗。詔恂拒河南賊。而令良玉以兵來會。良玉畏自成。遷延不至。九月。開封以河決而亡。帝怒恂罷其官。不能罪良玉也。開封旣亡。自成無所得。遽引兵西。謀拔襄陽爲根本。時良玉壁樊城。大造戰艦。驅襄陽一郡人。

以實軍。諸賊降附之。有衆二十萬。然親軍愛將大半死而降人。不奉約束。良玉亦漸衰多病。不能與自成角矣。自成乘勝攻良玉。良玉退兵南岸。結水寨相持。以萬人扼淺洲。賊兵十萬爭渡不能過。良玉乃宵遁。引其舟師左步右騎而下。至武昌。從楚王乞二十萬人餉。曰。我爲王保境。王不應。良玉縱兵大掠。火光照江中。宗室士民奔竄山谷。多爲土寇所害。驛傳道王揚基奪門出。良玉掠其貲。并及其子女。自十二月二十四日抵武昌。至十六年正月。中兵始去。居人登蛇山以望。叫呼更生曰。左兵過矣。良玉旣東。自成遂陷承天。旁掠諸州縣。當是時。降兵叛卒。率假左軍號。恣剽掠。蘄州守將王允成爲亂首。破建德。劫池陽。去蕪湖四十里。泊舟三山荻港。漕艘鹽船盡奪以載兵。聲言諸將寄帑南京。請以親信三千人與俱。南京諸文武官及操江都御史。至陳師江上爲守禦。士民一夕數徙。商旅不行。都御史李邦華被召。道湖口。草檄告良玉。以危詞動之。而令安慶巡撫發九江庫銀十五萬兩。補六月糧。軍心乃定。邦華入見帝。論良玉潰兵之罪。請歸罪於王允。

成帝乃令良玉誅允成。而獎其能定變。良玉卒留允成於軍中。不誅也。良玉留安慶久之。徐潮九江上聞獻忠破湖廣。沉楚王於江。坐視不救。八月乃入武昌。立軍府。招徠下流粗定。分命副將吳學禮援袁州。江西巡撫郭都賢惡其淫掠。檄歸之。而自募土人爲戍守。會賊陷長沙吉州。復陷袁州岳州。良玉遣馬進忠援袁州。馬士秀援岳州。士秀率水師敗賊岳州城下。二城遂並復。時帝命兵部侍郎呂大器代侯恂爲總督。恂解任。中道逮下獄。良玉知其爲己故。心軼軼。與大器齟齬。賊連陷建昌諸府。大器無兵不能救。良玉亦不援。進忠與賊戰嘉魚。再失利。良玉軍遂不振。會獻忠從荆河入蜀。良玉遣兵追之。距荊州七十里。荆襄諸賊因自成入關盡懈。良玉偵知。乃遣副將盧光祖上隨襄承德。而惠登相自均房。劉洪起自南陽。竊賊後。收其空虛。以自爲功。十七月正月詔封良玉爲寧南伯。畀其子夢庚平賊將軍印。功成世守武昌。命給事中左懋第便道督戰。良玉乃條日月進兵狀以聞。疏入。未奉旨。聞京師被陷。諸將洶洶以江南自立君。請引兵東下。良玉

桃花扇傳奇

後序詳註卷二

器

慟哭誓不許。副將士秀奮曰。有不奉公令復言東下者。吾擊之以巨艦。置礮斷江。衆乃定。福王立。晉良玉爲侯。磨一子錦衣衛正千戶。且並封黃得功。高傑。劉澤清。劉良佐爲諸鎮。俱磨子世襲。而以上流之事專委良玉。尋加太子太傅。時李自成敗於關門。良玉得以其間稍復楚西境之荊州。德安。承天。而湖廣巡撫何騰蛟及總督袁繼咸居江西。皆與良玉善。南都倚爲屏蔽。良玉兵八十萬。號百萬。前五營爲親軍。後五營爲降軍。每春秋肄兵。武昌諸山一山幟一色。山谷爲滿。軍法用兩人夾馬馳。曰過對馬。足動地。殷如雷聲。聞數里。諸鎮兵惟高傑最強。不及良玉遠甚。然良玉自朱仙鎮之敗。精銳畧盡。其後歸者多烏合。軍容雖壯。法令不復相懾。良玉家殲於許州。其在武昌諸營優娼歌舞達旦。良玉塊然獨處。無姬侍。嘗夜宴僚佐。召營妓十餘人行酒。履舄交錯。少焉左顧而歎。以次引出。賓客肅然。左右莫敢仰視。其純馭有體。爲下所服多此類。而是時良玉已老且病。無中原意矣。良玉之起由侯恂。恂故東林也。馬士英阮大鍼用事。慮東林倚良玉爲難。謾

語修好而陰忌之。築板磯城爲西防。良玉歎曰。今西何所防。殆防我耳。會朝事日非。監軍御史黃澍挾良玉勢。面觸馬阮。旣返。遣緹騎逮澍。良玉留澍不遣。澍與諸將日以清君側爲請。良玉躊躇弗應。亡何有北來太子事。澍借此激衆以報已怨。召三十六營大將與之盟。良玉反意乃決。傳檄討馬士英。自漢口達蘄州。列舟二百餘里。良玉疾已劇。至九江。邀總督袁繼咸入舟中。袖中出密諭。云自皇太子。劫諸將盟。繼咸正色拒之。部將郝效忠陰入城。縱火殘其城而去。良玉望城中火光。曰。予負袁公。嘔血數升。是夜死時。

桃花扇傳奇

後序詳註卷二

罍

順治二年四月也。諸將秘不發喪。共推其子夢庚爲留後。七日軍東下。朝命黃得功渡江防勦。初。夢庚自立。佯語繼咸至池州候旨。繼咸密以疏聞。道梗不得達。惠登相者。初爲賊。旣降。爲良玉副將。諸軍自彭澤下連陷建德。東流。殘安慶城。獨池州不破。貽書登相曰。留此以待後軍。登相大詬曰。若此。則我反不如前爲流賊時矣。如先帥末命。何檄其軍返。夢庚見黑旗船西上。索輕舸追及之。登相與相見。大慟。以夢庚不足

事引兵絕江而去。諸將乃議旋師時。

大清兵已下泗州。逼儀真矣。夢庚遂偕潄以衆降於九江。

裴中立之久亡。誰平淮蔡。

朱子資治通鑑綱目唐憲宗元和九年閏七月彰義節度使

吳少陽卒。又十年春正月吳元濟反。制削其官爵。發兵討之。

○新唐書吳少陽列傳少陽者滄洲清池人。又拜節度使少

陽不立繇役籍。隨日賦歛於人。地多原澤。益畜馬。時時掠壽

州茶山。劫商賈。招四方亡命以實其軍。不肯朝。然屢獻牧馬

桃花扇傳奇 後序詳註卷二

吳

以自解。帝亦因善之。九年死。子元濟匿不發喪。以病聞。僞表

請元濟主兵。又不得命。乃悉兵四出。焚舞陽及葉。掠襄城陽

翟。時許汝居人皆竄伏榛莽間。剽掠千餘里。關東大恐。又乃

詔烏重元兼汝州刺史。引軍壓其境。寧州刺史曹華爲之副。

以成襄城。李光顏爲忠武節度使。總兵臨屯析山南東道。詔

節度使嚴綬爲申光蔡等州招撫使。以中人崔潭監其軍。下

詔奪元濟官爵。趣諸道進討。○裴度列傳裴度字中立河東

聞喜人。貞元初擢進士第。又進御史中丞。又王師討蔡以度

視行營諸軍。還奏攻取策。與帝意合。又拜中書侍郎同中書門下平章事。又於時討蔡數不利。羣臣爭請罷兵。錢徽蕭俛

尤確苦度奏。病在腹心。不時去且爲大患。不然兩河亦將視

此爲逆順。會唐鄧節度使高震寓戰郤。他相揣帝厭兵。欲赦

賊。鈎上指。帝曰。一勝一負。兵家常勢。若師常利。則古何憚用

兵耶。雖累聖亦不應留賊付朕。今但論帥臣勇怯。兵強弱。處

置何如耳。渠一敗便沮成計乎。於是左右不能容其間。十二

年宰相。李逢吉。王涯建言。餉億煩匱。宜休師。惟度請身督戰。

桃花扇傳奇

後序詳註卷二

弔

帝獨目度。留曰。果爲朕行乎。度俯伏流涕曰。臣誓不與賊偕存。卽拜門下侍郎平章事。彰義軍節度淮西宣慰招討處置使以韓宏領都統。乃上還招討以避宏。然實行都統事。又制詔有異辭。欲激賊怒。宏者意。宏怏怏。則度無與共功。度請易其辭。窒疑間之嫌。於是表馬總爲宣慰副使。韓愈行軍司馬。李正封馮宿李宗閔備兩使幕府。入對延英。曰。至憂臣辱。義在必死。賊未授首。臣無還期。帝壯之。爲流涕。及行。御通化門。臨遣。賜通天御帶。發神策騎三千爲衛。初逢吉忌度。帝惡居

中撓沮出之外。度屯郾城。勞諸軍。宣朝廷厚意。士奮於勇。是時諸道兵悉中官統監。自處進退。度奏罷之。使得顯制號令。一戰氣倍。未幾李愬夜入懸瓠城。縛吳元濟以報。度遣馬總先入蔡。明日統洄曲降卒萬人。持節徐進。撫定其人。○吳澄雪谷早行詩。應不是奇謨。李常侍。夜發文城薄。淮蔡孫安國之不作。孰貶桓溫。

朱子資治通鑑綱目。晉帝奕太和四年夏四月。大司馬溫帥師伐燕。秦人救之。秋九月。溫及燕人戰於枋頭。不利而還。袁

桃花扇傳奇

後序評註卷二

哭

真以壽春叛降於燕。○晉書桓溫列傳。桓溫字元子。譙國龍亢人。宣城太守夔之子也。○又督司冀二州諸軍事。○又加侍中。

大司馬。都督中外諸軍事。假黃鉞。○又雄武專朝。窺覲非望。或

卧對親寮曰。爲爾寂寂。將爲文景所笑。衆莫敢對。旣而撫枕

起曰。旣不能流芳後世。不足復遺臭萬載耶。常行經王敦墓。

望之曰。可人可人。其心迹若是。○又太和四年上疏。悉衆北伐。

平北將軍郗愔以疾解職。○又以溫領平北將軍。徐兖二州刺

史。率弟南中郎沖。西中郎袁真。步騎五萬北伐。百官皆於南

州祖道都邑盡傾。軍次胡陸。攻慕容暉將慕容忠獲之。進次金鄉。時亢旱。水道不通。乃鑿鉅野三百餘里以通舟運。自清水入河。暉將慕容垂傳末波等率衆八萬距溫。戰於林渚。溫擊破之。遂至枋頭。先使袁真伐譙。梁開石門以通運。真討譙。梁皆平之。而不能開石門。軍糧竭盡。溫焚舟步退。自東燕出倉垣。經陳留。鑿井而飲。行七百餘里。垂以八千騎追之。戰於襄邑。溫軍敗績。死者三萬人。溫甚恥之。歸罪於真。表廢爲庶人。真怨溫誣已。據壽陽以自固。潛通苻堅。慕容暉。○晉書孫

桃花扇傳奇

後序詳註卷二

晃

盛列傳。孫盛字安國。太原中都人。反。盛篤學不倦。自少至老。手不釋卷。著魏氏春秋。晉陽秋。並造詩賦論難。復數十篇。晉陽秋詞直而理正。咸稱良史焉。旣而桓溫見之。怒謂盛子曰。枋頭誠爲失利。何至乃如尊君所說。若此史遂行。自是關君門戶事。其子遽拜謝。謂請刪改之。時盛年老還家。性方嚴。有軌憲。雖子孫班白。而庭訓愈峻。至此諸子乃共號泣稽顙。請爲百口切計。盛大怒。諸子遂爾改之。盛寫兩定本。寄於慕容儁。太元中。孝武帝博求異聞。始於遼東得之。以相考校。多有

不同書遂兩存

坐位閒爭年庚恃長客兵弗讓流寇偏容

屠隆考槃餘事爭坐位稿顏魯公行書蓋初稿也中多塗改字體絕妙○羅泌路史發揮論恒星不見矧復年庚日甲無一者之可合耶○明史兵志邊防篇初太祖沿邊設衛惟土著兵及有罪遣戍者遇有警調他衛兵往戍謂之客兵○明史目錄列傳一百九十七流賊李自成張獻忠

鈴閣督師儒似慈悲佛子

桃花扇傳奇

後序評語卷二

五

晉書羊祜列傳祜在軍常輕裘緩帶身不被甲鈴閣之下侍衛者不過十數人○王幼學朱子資治通鑑綱目集覽都督

閣內置鈴架以警防不虞○明史孫承宗列傳承宗自請督

師詔給關防敕書以原官督山海關及薊遼天津登萊諸處

軍務便宜行事不從中制按督師二字明季始有此稱督師謂史可法也○傳燈錄

慈悲喜捨是四無量心○後漢書西域列傳世傳明帝夢見

金人長大頂有光明以問羣臣或曰西方有神名曰佛其形長丈六尺而黃金色帝於是遣使天竺問佛道法遂於中國

圖畫形像焉。○宋史洪皓列傳號洪佛子。

轅門魁帥。勸如和解調人。

周禮天官掌舍。設車宮轅門。註王行止宿險阻之處。備非常。

次車以爲藩。則仰車以其轅表門。○晉書江迥列傳以家貧。

求試守爲太末令。縣界深山中。有亡命數百家。恃險爲阻。前。

後守宰莫能不迫到官。召其魁帥。厚加撫接。諭以禍福。旬月。

之間。襁負而至。朝廷嘉之。○周禮地官調人掌司萬民之難。

而諧和之。凡過而殺傷者。以民成之。註難相與爲仇讐。諧猶。

桃花扇傳奇

後序評註卷二

至

調也。過無本意也。成平也。鄭司農云。以鄉里之民共和解之。

○明史黃得功列傳初督師史可法慮高傑跋扈難制。故置。

得功儀真。相牽制。適登萊總官黃蜚將之任。蜚與得功同姓。

稱兄弟。移書請兵備非常。得功率騎三百由揚州往高郵迎。

之。傑副將胡茂偵馳報。傑素忌得功。又疑圖已。乃伏精卒。

道中邀擊之。得功行至土橋。方作食。伏起。出不意。上馬舉鐵。

鞭。飛矢雨集。馬踣。騰他騎馳。有驍騎舞槊直前。得功大呼反。

鬪。挾其槊而扶之。人馬皆糜。復殺數十人。跳入顏垣中。哮聲。

如雷追者不敢進遂疾馳至大軍得免方鬪時傑潛師擣儀
真得功兵頗傷而所俱行三百騎皆歿遂訴於朝願與傑決
一死戰可法命監軍萬元吉和解之不可會得功有母喪可
法來弔語之曰土橋之役無智愚皆知傑不義今將軍以國
故捐盛怒而歸曲於高是將軍收大名於天下也得功色稍
和終以所殺亡多爲恨可法令傑償其馬復出千金爲母賄
得功不得已聽之明年傑欲趨河南規取中原詔得功與劉
良佐守邳徐傑死得功還儀真傑家並將士妻子尙留揚州

桃花扇傳奇

後序評註卷二

至

得功謀襲之朝廷急遣盧九德諭止得功遂移鎮廬州

按傳奇稱

黃得功高傑以爭坐位構兵與本傳異

不圖批亢搗虛疾趨於子午谷去

〔史記孫臏列傳〕田忌欲引兵之趙孫子曰夫解雜亂糾紛者
不控捲救鬪者不搏搤批亢搗虛形格勢禁則自爲解耳今
梁趙相攻輕兵銳卒必竭於外老弱罷於內君不若引兵疾
走大梁據其街路衝其方虛彼必釋趙而自救是我一舉解
趙之圍而收敝於魏也〔正誤〕亢本喉字批反擊也謂擊

其要處也。○史記索隱。擣。擊也。虛。空也。彼兵若虛。則衝擣之。
○三國志。魏延列傳。註引魏畧。夏侯楸爲安西將軍。鎮長安。
亮於南鄭與羣下計議。延曰。聞夏侯楸少主婿也。怯而無謀。
今假延精兵五千。負糧五千。直從褒中出。循秦嶺而東。當子
午而北。不過十日。可到長安。楸聞延奄至。必乘船逃走。長安
中惟有御史京兆太史耳。橫門邸閣與散民之穀足周食也。
北東方相合聚。尙二十許日。而公從斜谷來。必足以達。如此。
則一舉而咸陽以西可定矣。亮以爲此懸危。不如安從坦道。
桃花扇傳奇 後序詳註卷二

三

可以平取隴右。十全必克而無虞。故不用延計。○辛氏三秦
記。長安正南山名秦嶺。谷名子午。一名樊川。一名御宿。子北
方。午南方也。言通南北道相當。故名子午谷。

祇能縱剽肆掠。轉騷向丁卯橋來。

史記酷吏義縱列傳。爲少年時。嘗與張次公俱攻剽爲羣盜。
○新唐書。鄭從讜列傳。黃巢犯京師。又而李克用謂太原可
乘。以沙陀兵奄入其地。壁汾東。釋言討賊。需索繁仍。從讜以
餽饟犒軍。克用愉謂曰。我且引而南。欲與公面約。從讜登城。

開勉感慨。使立功報天子厚恩。克用辭窮再拜去。然陰縱其
下肆掠。以撼人心。○廣輿記江南鎮江府關梁丁卯橋。在府
城南。晉元帝時。褚裒鎮廣陵。運糧出京口。爲水涸。奏立埭。以
丁卯日。後人構橋因名。許渾別業在其側。
眼看豺虎縱橫。重關怕敏。

杜甫入客詩。豺虎正縱橫。○徐賢妃函谷關應詔詩。落日慘
重關。○賈誼過秦論。敏關而攻秦。○集韻。敏音扣。○說文。擊
也。按王午五
月二日。我

桃花扇傳奇

後序詳註卷二

五

大清兵定

京師。李自成西走。真定。中流矢。創甚。
踰故關入山西。七月復遁歸西安。

坐擁貔貅護衛。雄鎮偷安。

史記五帝本紀。炎帝欲侵陵諸侯。諸侯咸歸軒轅。軒轅乃脩
德振兵。治五氣。藝五種。撫萬民。度四方。教熊羆貔貅猛虎。以
與炎帝戰於阪泉之野。三戰然後得其志。○正義言教士卒
習戰。以猛獸之名。名之。用以威敵也。○獨孤及江州刺史廳
壁記。自晉元康。迄於梁陳。出入五代。四百餘世。稱雄鎮。號曰
天府。

以致白鷺荒洲魚潛水靜。

廣輿記江南江寧府山川白鷺洲在府西南江中。○金陵圖考出三山水關中街水環繞處是白鷺洲以洲多聚白鷺故名。○詩小雅鶴鳴篇魚潛在淵。○許渾憶長洲詩魚沉秋水靜。

烏衣舊巷燕去堂空。

廣輿記江南江寧府古蹟烏衣巷在秦淮南王導謝安居此其子弟皆稱烏衣郎故名。○劉禹錫烏衣巷詩朱雀橋邊野

桃花扇傳奇

後序詳註卷二

臺

草花烏衣巷口夕陽斜舊時王謝堂前燕飛入尋常百姓家。江草萋萋人作揚州之夢。

溫庭筠經李徵君故居詩露濃烟重草萋萋。○廣輿記江南

揚州府建置沿革揚州府禹貢揚州之域天文斗女分野春

秋時屬吳後屬越戰國屬楚秦爲九江郡地漢曰江都曰廣

陵隋曰揚州唐曰邗州五代楊吳都此曰江都南唐曰東都

宋元仍曰揚州明初爲淮海府繼曰維揚府尋復爲揚州府

國朝因之。○杜牧遣懷詩十年一覺揚州夢。

山雲黯黯。天消蔣阜之魂。

陶潛祭程氏妹文。黯黯高雲。○廣輿記江南江寧府山川鍾

山在府東北。漢秣陵尉蔣子文。逐盜死於此山。吳封蔣侯立廟。孫權避祖諱。因改蔣山。○江淹別賦。黯然消魂者。

奇可傳者。又其一也。


桃花扇傳奇後序詳註卷二終

桃花扇傳奇

後序詳註卷二

姜







05120

桃花扇傳奇後序詳註卷三

花庭閒客編輯

惟是君王遊豫。親問蛙鳴。

[詩大雅假樂篇]宜君宜王。○[左傳昭公十二年]與君王哉。○

[孟子]一遊一豫。○[晉書惠帝本紀]孝惠皇帝諱衷字正度。武

帝第二子也。○[又]帝之爲太子也。朝廷咸知不堪政事。○[又]及居

大位。政出羣下。綱紀大壞。貨賂公行。勢位之家。以貴陵物。忠

賢路絕。讒邪得志。更相薦舉。天下謂之互市焉。高平王沉作

桃花扇傳奇

後序詳註卷三

一

釋時論。南陽魯褒作錢神論。廬江杜嵩作任子春秋。皆疾時
之作也。帝又嘗在華林園聞蝦蟇聲。謂左右曰。此鳴者。爲官
乎。私乎。或對曰。在官地爲官。在私地爲私。及天下荒亂。百姓
餓死。帝曰。何不食肉糜。其蒙蔽皆此類也。

宰相邀嬉官能犬吠。

[前漢書王陵列傳]宰相者。上佐天子理陰陽。順四時。遂萬物
之宜。外鎮四夷諸侯。內親附百姓。使卿大夫各任其職也。○
嵇康琴賦。若夫三春之初。麗服以時。乃攜友生。以邀以嬉。○

錢士升南宋書韓侂胄列傳韓侂

集韻闡各切音託寄也

胄相州安琦陽人

曾孫也。又淳熙末知閣門事孝宗崩光宗不能執喪與趙汝

愚定策立皇子嘉王。又寧宗既立。又侂胄益用事。又逐汝愚

於是侂胄拜節度使。又設僞學之目以網括汝愚及朱熹

門下知名之士。又封平原郡王。又或勸侂胄立益世功名於

是恢復之議與。又除平章軍國事。又置機速房於私第甚者

假作御筆升黜將帥事關機要未嘗奏稟人莫敢言。又未幾

與金人戰敗。又民死於兵戈者不可勝計公私之力大屈

桃花扇傳奇

後序詳註卷二

二

又用事十四年威行宮省。又趙師霽列傳趙師霽

集韻夷益切音亦說

文引給也。系出燕懿王。又光宗初淮南運判。又通知臨安。又侂胄

用事師霽附遂得尹京侂胄生日百官爭貢珍異師霽獨後

至出小合曰願獻小果核侑觴啟之乃粟金葡萄小架上綴

大珠百餘顆衆慙沮侂胄有愛妾十四人或獻北珠冠四枚

侂胄以遺四妾其十人皆慍曰等人耳吾等不堪戴耶侂胄

未有以應也師霽聞之急出錢十萬緡市北珠製十冠以獻

時侂胄入朝未歸十人者啟之十珠冠也乃大喜分持而去

佞胄歸。十人咸來致謝。已而都市行燈。羣婢皆頂冠而出。歸語佞胄曰。吾曹夜來過朝天門。都人聚觀喝采。郡王奈何不與趙大卿轉官耶。翌日師曩拜工部侍郎。佞胄嘗飲南園。過山莊。顧竹籬茅舍。謂師曩曰。此真田舍間氣象。但欠犬吠雞鳴耳。俄聞犬嗥叢薄間。視之。乃師曩也。佞胄大笑。出師上表。內無蜀國之卧龍。

三國志蜀書諸葛亮列傳。諸葛亮字孔明。瑯琊陽都人也。又

躬耕隴畝。好爲梁父吟。身長八尺。每自比於管仲樂毅。時人

桃花扇傳奇

後序詳註卷三

三

莫之許也。惟博陵崔州平。潁川徐庶元直。與亮友善。謂爲信然。時先主屯新野。徐庶見先主。先主器之。謂先主曰。諸葛孔明者。卧龍也。將軍豈願見之乎。先主曰。君與俱來。庶曰。此人可就見。不可屈致也。將軍宜枉駕顧之。由是先主遂詣亮。凡三往。乃見。又先主。又卽帝位。策亮爲丞相。又章武三年春。先主於永安宮病篤。召亮於成都。屬以後事。又建興元年。封亮武鄉侯。開府治事。頃之。又領益州牧。政事無巨細。咸決於亮。又五年。率諸軍北駐漢中。臨發上疏。○昭明文選目錄表類

諸葛孔明出師表一首。○路史因提紀蜀山氏。蜀之爲國。肇自人皇。其始蠶叢拍濩。魚鳧各數百歲。號蜀山氏。蓋作於蜀。○廣輿記四川建置沿革。四川禹貢梁州之域。天文井鬼分野。古蜀國。秦曰蜀郡。漢曰廣漢。曰益州。蜀漢都此。○李白宣城見杜鵑花詩。蜀國曾聞子規鳥。并將登壇。外少隋家之擒虎。

史記淮陰侯列傳。信數與蕭何語。何奇之。至南鄭。諸將行道亡者數十人。信度何等已數言上。上不我用。卽亡。何聞信亡。桃花扇傳奇。後序詳註卷三。四。

不及以聞。自追之。人有言上曰。丞相何亡。上大怒。如失左右手。居一二日。何來謁上。上且怒且喜。罵何曰。若亡何也。何曰。臣不敢亡也。臣追亡者。上曰。若所追者誰。何曰。韓信也。上復罵曰。諸將亡者以十數。公無所追。追信詐也。何曰。諸將易得耳。至如信者。國士無雙。王必欲長王漢中。無所事信。必欲爭天下。非信無與計事者。顧王策安所決耳。王曰。吾亦欲東耳。安能鬱鬱久居此乎。何曰。王計必欲東。能用信。信卽留。不能用信。信終亡耳。王曰。吾爲公以爲將。何曰。雖爲將。信必不留。

王曰。以爲大將。何曰。幸甚。於是王欲召信拜之。何曰。王素慢無禮。今拜大將。如呼小兒耳。此乃信所以去也。王必欲拜之。擇良日。齋戒。設壇。場具禮。乃可耳。王許之。薛逢送田尚書詩。穰苴門戶慣登壇。溫庭筠題城南杜邠公林亭詩。隋家堤畔錦帆風。○隋書韓擒虎傳。韓擒虎字子通。河南東垣人也。後家新安。父雄。以武烈知名。仕周。官至大將軍。洛虞等八州刺史。擒虎慷慨。以膽畧見稱。容貌魁岸。有雄傑之表。性又好書。經史百家。皆略知大旨。○後以軍功拜都督新安太守。稍遷儀同三司。襲爵新義郡公。○高祖作相。遷利州刺史。陳將甄慶任蠻奴。蕭摩訶等。共爲聲援。頻寇江北。前後入界。擒屢挫其鋒。陳人奪氣。開皇初。高祖潛有吞并江南之志。以擒虎爲敵人所憚。及大舉伐陳。以擒虎爲先鋒。擒率五百人以濟。襲采石。守者皆醉。擒遂取之。進攻姑熟。半日而拔。次於新林。江南父老素聞其威信。來謁軍門。晝夜不絕。陳人大駭。其將樊巡魯世真。田瑞等。相繼降之。晉王廣上狀。高祖聞而大悅。宴

賜羣臣。晉王遣行軍總管杜彥與擒合軍步騎二萬。陳叔寶遣領軍蔡徵守朱雀航。聞擒至。衆懼而潰。任蠻奴爲賀若弼所敗。棄軍降於擒。擒以精騎五百直入朱雀門。陳人欲戰。蠻奴擒之曰。老夫尙降。諸君何事。衆皆散走。遂平金陵。執陳主叔寶。按韓擒作擒虎。見陳書後主本紀。總管韓擒虎趨橫江。濟采石。韓擒虎又陷南豫州。韓擒虎率衆自新林至於石子岡。任忠出降於擒虎。仍引擒虎經朱雀航。趨宮城。自南掖門而入等語。

乃不圖三公子作東林後勁。

詩周南麟趾篇振振公子。○朱彞尊明詩綜方以智字密之。

桃花扇傳奇

後序詳註卷二

六

桐城人崇禎庚辰進士。授翰林簡討。晚爲僧。名宏智。字無可。別號藥池和尚。○常州府志陳貞慧字定生。宜興人。少保子廷第四子。○一統志冒起宗如皋人。崇禎進士。以憲副督漕江上。乞休歸。子襄。○感舊集補傳冒襄字辟疆。一字巢民。號樸菴。江南如皋貢生。南渡用爲推官。不就。○吳偉業冒辟疆壽序往者天下多故。江左尙晏然。一時高門子弟才地自許者。陽羨陳定生。歸德侯朝宗。與辟疆爲三人。品覈執政。裁量公卿。雖甚強梗。不能有所屈撓。有皖人者。流寓南中。故奄黨

也會三人置酒雞鳴埭。酒酣輒衆中大罵曰。若奄兒媼子。乃欲以詞家自贖乎。於是大恨次骨。申酉之亂。彼以攀附驟枋。用興大獄。以脩舊郤。定生爲所得。幾填牢戶。朝宗遁之。故障山中。南中人多爲辟疆耳目者。跳而免。按傳奇稱三公子乃方密之。陳定生。旨辟

疆而不及侯朝宗。方密之不知何人之子。殆遼東巡按方震孺之裔耶。侯考。○明史顧憲成列傳

顧憲成字叔時。無錫人。萬曆四年舉鄉試第一。八年成進士。

吏部缺尙書。輔臣王錫爵欲用羅萬化。憲成不可。乃用陳有

桃花扇傳奇

後序詳註卷三

七

年。錫爵將謝政。廷推代者。憲成舉故大學士王家屏。忤帝意。削籍歸。憲成姿性絕人。幼卽有志聖學。暨削籍里居。益

覃精研究。力闢王守仁無善無惡心之體之說。邑故有東林

書院。宋楊時講道處也。憲成與弟允成倡修之。常州知府歐

陽東鳳興無錫知縣林宰爲之營構。落成。偕同志高攀龍錢

一本薛敷教。史孟麟。于孔兼輩。講學其中。學者稱涇陽先生。

當是時。士大夫抱道忤時者。率退處林野。聞風嚮附。學舍至

不能容。憲成嘗曰。官輦轂志不在君父。官封疆志不在民生。

居水邊林下。志不在世道。君子無取焉。故其講習之餘。往往諷議朝政。裁量人物。朝士慕其風。多遙相應和。由是東林名大著。而忌者亦多。旣而淮撫李三才被論。憲成貽書葉向高。孫丕揚爲延譽。御史吳亮刻之邸抄中。攻三才者大譁。而其時于玉立。黃正賓輩。附麗其間。頗有輕浮好事名。徐兆魁之徒。遂以東林爲口實。兆魁騰疏攻憲成。恣意誣詆。光祿承吳炯上言。爲一一致辯。因言憲成貽書救三才。誠爲出位。臣嘗咎之。憲成亦自悔。今憲成被誣。天下將以講學爲戒。絕口不談孔孟之道。國家正氣。從此而損。非細事也。疏入。不報。嗣後攻擊者不絕。比憲成歿。攻者猶未止。凡救三才者。爭辛亥京察者。衛國本者。發韓敬科場弊者。請行勘熊廷弼者。抗論張差挺擊者。最後爭移宮紅丸者。忤魏忠賢者。率指爲東林。抨擊無虛日。借魏忠賢毒焰。一網盡去之。殺戮禁錮。善類爲一空。崇禎立。始漸收用。而朋黨勢已成。小人卒大熾。禍中於國。迄明亡而後已。○左傳宣公十二年前茅慮無中。權後勁。

書賈誼列傳河南吳公聞其秀才召置門下師古曰秀

美也○明史吳應箕列傳吳應箕字次尾貴池人善今古文

意氣橫厲一世阮大鍼以附璫削籍僑居南京聯絡南北附

璫失職諸人却持當道應箕與無錫顧杲桐城左國材蕪湖

沈士柱餘姚黃宗義長洲楊廷樞等爲留都防亂公揭討之

列名者百四十餘人皆復社諸生也後大鍼得志謀殺周鏞

應箕獨入獄護視大鍼聞急遣騎捕之應箕夜亡去南都不

守起兵應金聲敗走山中被獲慷慨就死○朱葵尊明詩綜

桃花扇傳奇

後序詳註卷三

九

劉城字伯宗貴池人○又沈士柱字崑銅蕪湖縣學生○又

沈壽民字眉生宣城人縣學生舉賢良方正○又楊廷樞字

維斗吳縣人崇禎庚午鄉試第一○按明史徐汧列傳南京失

山中久之四方弄兵者羣起廷樞負重名咸指目廷樞當事

執廷樞好言慰之廷樞嫚罵不已殺之蘆墟泗洲寺首已墜

聲從項中出益屬○明史張溥列傳張溥字天如太倉人○又與同里

張采共學齊名號婁東二張崇禎元年以選貢入都采方成

進士兩人名徹都下已而采官臨川溥歸集郡中名士相與

復古學名其文社曰復社四年成進士改庶吉士以羣親乞

假歸。讀書若經生。無間寒暑。四方噉名者爭走其門。盡名爲復社。溥亦傾身結納。交遊日廣。聲氣逼朝右。所品題甲乙。頗能爲榮辱。諸奔走附麗者。輒自矜曰。吾以嗣東林也。執政大僚由此惡之。○詩王風伯兮篇爲王前驅。

覈論秉公。竟蹈覆巢之李燮。

後漢書郭泰列傳。郭泰字林宗。太原界休人也。○林宗雖善人倫。而不爲危言覈論。故宦官擅政而不能傷也。○三國志蜀書董允列傳。秉心公亮。○劉義慶世說新語

桃花扇傳奇

後片詳註卷三

十

言語篇。孔融被收。中外惶怖。時融兒大者九歲。小者八歲。二兒故琢釘戲。了無遽容。融謂使者曰。冀罪止於身。二兒可得全。不兒徐進曰。大人豈見覆巢之下。復有完卵耶。俄而收至。

○後漢書李固列傳。李固字子堅。漢中南鄭人。○冲帝卽位。

以固爲太尉。與梁冀參錄尚書事。明年帝崩。○固以清河王蒜年長有德。欲立之。○冀不從。乃立樂安王子續。年八歲。是

爲質帝。○冀忌帝聰慧。恐爲後患。遂令左右進鴆。帝崩。○固引司徒胡廣司空趙戒。○及大鴻臚杜喬皆以爲清河王蒜。

明德著聞。又屬最尊親。宜立爲嗣。先是蠡吾侯志當娶冀妹。時在京師。冀欲立之。又乃說太后先策免固。竟立蠡吾侯。是爲桓帝。後歲餘。甘陵劉文。魏郡劉鮪各謀立蒜爲天子。梁冀因此誣固與文鮪共爲妖言。下獄。又畏固名德。終爲已害。又遂誅之。又收固二子。基茲於郾城。皆死獄中。小子變得脫亡命。又變字德公。初固旣策罷。知不免禍。乃遣三子歸鄉里。時變年十三。姊文姬爲同郡趙伯英妻。賢而有智。見二兄歸。具知事本。默然獨悲曰。李氏滅矣。自太公以來。積德累仁。何以遇此。密與二兄豫謀藏匿。變託言還京師。人咸信之。有頃難作。下郡收固三子。二兄受害。文姬乃告父門生王成曰。君執義先公。有古人之節。今委君以六尺之孤。李氏存滅。其在君矣。戚感其義。乃將變乘江東下。入徐州界內。令變名姓爲酒家傭。而成賣卜於市。各爲異人。陰相往來。

儒林抗節。敢追奏疏之陳東。

史記太史公自序。自孔子卒。京師莫崇庠序。惟建元元狩之間。文辭粲如也。作儒林列傳第六十一。正義姚承曰。儒謂博

士爲儒雅之林。綜理古文。宣明舊藝。咸勸儒者。以成王化者也。○前漢書賈誼列傳。故此一豫讓也。反君事讐。行若狗彘。

已而抗節致忠。行出乎列士。人主使然也。○宋史陳東列傳。陳東字少陽。鎮江丹陽人。早有雋聲。倜儻負氣。不戚戚於貧賤。蔡京主黼方用事。人莫敢指言。獨東無所隱諱。所至宴集坐客懼爲已累。稍引去。以貢入太學。欽宗卽位。率其徒伏闕上書。論今日之事。蔡京壞亂於前。梁師成陰謀於後。李彥結怨於西北。朱勔結怨於東南。王黼童貫又結怨於遼金。創開

桃花扇傳奇

後序詳註卷二

三

邊隙。宜誅六賊。傳首四方。以謝天下。言極憤切。明年春。貫等挾徽宗東行。東獨上書。請追貫還。正典刑。別選忠信之人。往侍左右。金人迫京師。又請誅六賊。時師成尙留禁中。東發其前後姦謀。乃謫死。李邦彥議與金和李綱及种師道主戰。邦彥因小失利。罷綱而割三鎮。東復率諸生伏宣德門下上書。反軍民從者數萬。書聞。傳旨慰諭者旁午。衆莫肯去。方昇登聞鼓。搥壤之。喧呼震地。有中人出。衆鬪而磔之。於是亟詔綱入。復領行營。遣撫諭。乃稍引去。金人旣解去。學官觀望時宰。

議屏伏闕之士。先自東始。京尹王時雍欲盡致諸生於獄。人惴恐。朝廷用楊時爲祭酒。復東職。遣聶山詣學撫諭。然後定。吳敏欲弭謗議。奏補東官。賜第。除太學錄。東又請誅蔡氏。且力辭官以歸。前後書五上。旣歸。復預鄉薦。高宗卽位五日。相李綱又五日。召東至。未得對。會綱去。乃上書乞留綱。而罷黃潛善。注伯彥。不報。請親征以還二聖。治諸將不進兵之罪。以作士氣。車駕歸京師。勿幸金陵。又不報。潛善輩方揭示綱幸金陵舊奏。東言綱在中途。不知事體。宜以後說爲正。必速

桃花扇傳奇

後序詳註卷二

三

罷潛善輩。會布衣歐陽澈亦上書言事。潛善遽以語激怒高宗。言不啻誅。將復鼓衆伏闕。書獨下潛善所。府尹孟庾召東議事。東請食而行。手書區處家事。字畫如平時。已乃授其從者曰。我死。爾歸。致此於吾親。食已。如廁。吏有難色。東笑曰。我陳東也。畏死。卽不敢言。已言。肯逃死乎。吏曰。吾亦知公安敢相迫。頃之東具冠帶出。別同邸。乃與澈同斬於市。四明李醯贖其屍瘞之。東初未識綱。特以國故。至爲之死。識與不識。皆爲流涕。時年四十有三。

悲楊左之銜冤全翻逆案

明史楊漣列傳。楊漣字文瑞。應山人。爲人磊落負奇節。萬歷三十五年成進士。除常熟知縣。舉廉吏第一。擢戶科給事中。轉兵科右給事中。又神宗崩。又光宗嗣位。越四日不豫。都人喧言鄭貴妃進美婦八人。又使中官崔文昇投以利劑。帝一晝夜三四十起。而是時貴妃據乾清宮。與帝所寵李選侍相結。貴妃爲選侍請皇后封。選侍亦請封貴妃爲皇太后。又鄭李交甚固。包藏禍心。又而帝果趣禮部封貴妃爲皇太后。漣

桃花扇傳奇

後序詳註卷三

十

與御史左光斗乃倡言於朝。共詰責鄭養性。令貴妃移宮。貴妃卽移慈寧。漣遂劾崔文昇用藥無狀。請推問之。又疏上。越三日。又帝召見大臣。並及漣。又溫言久之。數目漣。語外廷毋信流言。遂逐文昇。停封太后命。再召大臣皆及漣。漣自以小臣預顧命。感激誓以死報。又帝崩。廷臣趨入。又慮皇長子無嫡母生母。勢孤子甚。欲共託之李選侍。漣曰。天子寧可託婦人。且選侍時於先帝召對羣臣時。強上人復推之出。是豈可託幼主者。請亟見儲皇。又乃入臨。羣臣呼萬歲。又乃擁至文

華殿禮畢。奉駕入慈慶宮。當是時。李選侍居乾清。又左光斗

又周嘉謨言選侍無恩德。必不可同居。明日嘉謨光斗各

上疏。請選侍移宮。又得俞旨。而選侍聽李進忠計。必欲皇長

子同居。又漣及諸大臣畢集慈慶宮門外。又復抗疏言選侍

陽託保護之名。陰圖專擅之實。宮必不可不移。臣言之在今

日。殿下行之在今日。諸大臣贊決之亦惟今日。其日選侍遂

移宮。居仁壽殿。明日熹宗卽位。自米宗崩。至是凡六日。漣與

劉一燝嘉謨定宮府危疑。言官惟光斗助之。餘悉聽漣指。漣

桃花扇傳奇

後序評註卷三

五

鬚髮盡白。帝亦數稱忠臣。未幾遷兵科給事中。御史馮三元

等極詆熊廷弼。漣疏論其事。獨持平。又御史賈繼春又忌漣

詆漣。結王安圖封拜。漣不勝憤。又抗章乞去。卽出城候命。帝

復褒其忠直。而許之歸。又天啟二年起漣禮科給事中。旋擢

太常少卿。明年冬拜左僉都御史。又明年春進左副都御史。

而是時魏忠賢已用事。羣小附之。憚衆正盈朝。不敢大肆。漣

益與趙南星左光斗魏大中輩激揚諷議。務植善類。抑憚邪

忠賢及其黨銜次骨。遂與汪文言獄。將羅織諸人。事雖獲解。

然正人勢日危。其年六月。漣遂抗疏。劾忠賢。列其二十四大罪。言高皇帝定令。內官不許干預外事。祇供掖庭洒掃。違者法無赦。聖明在御。乃有肆無忌憚。濁亂朝常。如東廠太監魏忠賢者。敢列其罪狀。爲陛下言之。忠賢本市井無賴。中年淨身。竄入內地。初猶謬爲小忠小信。以倖恩。繼乃敢爲大奸大惡。以亂政。祖制以擬旨專責閣臣。自忠賢擅權。多出傳奉。或徑自批。壞祖宗二百餘年之政體。大罪一。劉一燝。周嘉謨。顧命大臣也。忠賢令孫杰論去。急於剪己之忌。不容陛下不改。父之臣。大罪二。先帝賓天。實有隱恨。孫慎行。鄒元標。以公義發憤。忠賢悉排去之。顧於黨護選侍之沈灌。曲意綢繆。終加蟒玉。親亂賊而讐忠義。大罪三。王紀。鍾羽正。先年功在國本。及紀爲司寇。執法如山。羽正爲司空。清脩如鶴。忠賢搆黨斥逐。必不容盛時有正色立朝之直臣。大罪四。國家最重。無如枚卜。忠賢一手握定。力阻首推之孫慎行盛以。更爲他辭。以錮其出。豈真欲門生宰相乎。大罪五。爵人於朝。莫重廷推。去歲南太宰北少宰。皆用陪推。致一時名賢不安其位。顛倒

銓政掉弄機權。大罪六。聖政初新。正資忠直。乃滿朝薦文震孟。熊德陽。汪秉謙。徐大相。毛士龍。侯震揚等。抗論稍忤。立行貶黜。屢經恩典。竟阻賜環。長安謂天子之怒易解。忠賢之怒難調。大罪七。然猶曰外廷臣子也。去歲南郊之日。傳聞宮中有一貴人。以德性貞靜。荷上寵注。忠賢恐其露已驕橫。託言急病。置之死地。是陛下不能保其貴幸矣。大罪八。猶曰無名封也。裕妃以有姪傳封。中外方爲慶幸。忠賢惡其不附。已矯旨勒令自盡。是陛下不能保其妃嬪矣。大罪九。猶曰在妃嬪也。中宮有慶。已經成男。乃忽然告隕。傳聞忠賢與奉聖夫人實有謀焉。是陛下且不能保其子矣。大罪十。先帝青宮四十年。所與護持孤危者。惟王安耳。卽陛下倉卒受命。擁衛防維。安亦不可謂無勞。忠賢以私忿。矯旨殺於南苑。是不但讐王安。而實讐先帝之老奴。況其他內臣無罪而擅殺擅逐者。又不知幾千百也。大罪十一。今日獎賞。明日祠額。要挾無窮。王言屢褻。近又於河間毀人居屋。起建牌坊。鏤鳳雕龍。千雲插漢。又不止塋地僭擬陵寢而已。大罪十二。今日陰中書。明日

廕錦衣。金吾之堂。口皆乳臭。誥敕之館。目不識丁。如魏良弼。魏良材。魏良卿。魏希孔。及其甥傳應星等。濫受恩廕。褻越朝常。大罪十三。用立枷之法。戚畹家人。駢首畢命。意欲誣陷國戚。動搖中宮。若非閹臣力持。言官糾正。椒房之戚。又與大獄矣。大罪十四。良鄉生員章士魁。坐爭煤窰。託言開礦。而置之死。假令盜長陵一坏土。何以處之。趙高鹿可爲馬。忠賢煤可爲礦。大罪十五。王思敬等。牧地細事。責在有司。忠賢乃幽置檻阱。恣意撈掠。視士命如草菅。大罪十六。給事中周士樸。執

桃花扇傳奇

後序詳註卷三

六

糾織監。忠賢竟倖其陞遷。使吏部不得專銓除。言官不敢司封駁。大罪十七。北鎮撫劉僑。不肯殺人媚人。忠賢以不善鍛鍊。遂致削籍。示大明之律令可以不守。而忠賢之律令不敢不遵。大罪十八。給事中魏大中。遵旨莅任。忽傳旨詰責。及大中回奏。臺省交章。又再褻王言。毋論玩言官於股掌。而煌煌天語。朝夕紛更。大罪十九。東廠之設。原以緝奸。自忠賢受事。日以快私讐行。傾陷爲事。縱野子傳應星。陳居恭。傳繼教輩。投醢設阱。片語稍違。駕帖立下。勢必與同文館獄。而後已。大

罪二十。邊警未息。內外戒嚴。東廠訪緝何事。前奸細韓宗功潛入長安。實王忠賢司房之邸。事露始去。假令天不悔禍。宗功事成。未知九廟生靈安頓何地。大罪二十一。祖制不蓄內兵。原有深意。忠賢與奸相沈灌。創立內操。藪匿奸宄。安知無大盜刺客。爲敵國窺伺者。潛入其中。一旦變生肘腋。可爲深慮。大罪二十二。忠賢進香涿州。警蹕傳呼。清塵墊道。人以為大駕出幸。及其歸也。改駕四馬。羽幢青蓋。夾護環遮。儼然乘輿矣。其間入幕効謀。叩馬獻策者。實繁有徒。忠賢此時自視

桃花扇傳奇

後序詳註卷三

九

爲何如人哉。大罪二十三。夫寵極則驕。恩多成怨。聞今春忠賢走馬御前。陛下射殺其馬。貸以不死。忠賢不自伏罪。進有傲色。退有怨言。朝夕隄防。介介不釋。從來亂臣賊子。只爭一念放肆。遂至不可收拾。奈何養虎兇於肘腋間乎。此又寸鬚忠賢不足盡其辜者。大罪二十四。凡此逆跡。昭然在人耳目。乃內廷畏禍而不敢言。外廷結舌而莫敢奏。間或奸狀敗露。則又有奉聖夫人爲之彌縫。甚至無耻之徒。攀附枝葉。依託門牆。更相表裏。迭爲呼應。積威所劫。致掖廷之中。但知有忠

賢不知有陛下。都城之內。亦但知有忠賢。不知有陛下。卽如
前日忠賢已往涿州。一切政務必星夜馳請。待其旣旋。詔旨
始下。天顏咫尺。忽慢至此。陛下之威靈。尙尊於忠賢否耶。陛
下春秋鼎盛。生殺予奪。豈不可以自主。何爲受制於麀醜。
令中外大小。惴惴莫必其命。伏乞大奮雷霆。集文武勲戚。敕
刑部嚴訊。以正國法。并出奉聖夫人於外。用消隱憂。臣死且
不朽。忠賢初聞疏。懼甚。其黨王體乾及客氏。力爲保持。逆令
魏廣微調旨切責漣。先是漣疏就。欲早朝面奏。值次日免朝。
恐再宿機洩。遂於會極門上之。忠賢乃得爲計。漣愈憤。擬對
仗復劾之。忠賢詎知。遏帝不御朝者三日。及帝出。羣閹數百
人。衷甲夾陛立。敕左班不得奏事。漣乃止。自是忠賢日謀殺
漣。至十月。吏部尙書趙南星旣逐。廷推代者。漣注籍不與。忠
賢矯旨責漣大不敬。無人臣禮。偕吏部侍郎陳于廷。僉都御
史左光斗。並削籍。忠賢恨不已。再興江文言獄。將羅織殺漣。
五年。其黨大理寺丞徐大化。劾漣。光斗黨同伐異。招權納賄。
命逮文言下獄鞫之。許顯純嚴鞫文言。使引漣納熊廷弼賄。

桃花扇傳奇

後序詳註卷三

三

文言仰天大呼曰。世豈有貪賊楊大洪哉。至死不承。大洪者。漣別字也。顯純乃自爲獄詞。坐漣賊二萬。遂逮漣。士民數萬人擁道攀號。所歷村市。悉焚香建醮。祈祐漣生還。比下詔獄。顯純酷法拷訊。體無完膚。其年七月。遂於夜中斃之。年五十四。漣素貧。產入官不及千金。母妻止宿譙樓。二子至乞食以養。徵賊令急。鄉人競出貲助之下。至賣菜傭。亦爲輪助。其節義感人如此。崇禎初。贈太子太保兵部尚書諡忠烈。官其一子。按漣與左光斗。魏大中。同父爲獄卒所斃。漣之死。土囊壓身。鐵釘貫耳。尤爲慘毒。光斗。大中。亦皆體無完膚。越數日始報。三人屍俱已潰敗。不可識。又踰月。袁化中。周朝瑞。顧大章。亦斃時秘獄中。忽生黃芝。光彩遠映。及六人畢入。化爲六瓣。時以六人爲六君子。又按魏閣毒流播紳。或謂由於應山之過激。不知明自嘉靖以後。朝政日漸廢弛。熹宗登極。年已十六。宜以整綱飭紀爲務。乃性好斧鋸椎鑿。漆之事。三年之間。魏閣客氏。已大放肆。應山志安社稷。憤激上書。使其力可回天。尙不致於速亡。乃下旨切責。繼之臺省九卿。不下百餘疏。先後申奏。俱不聽。迨至杖殺萬燝。搜拿林汝翥。廷杖閣臣。葉向高韓爌。漸次引退。於是大肆毒焰。正人端士。誅謫無遺。苟非莊烈帝治亂。明社之亡。不逮闖獻二賊矣。史稱忠賢故駭。無他。長皆其黨。五虎五彪。十孩兒。四十孫之流。教之爲逆。而汪文言之獄。實始於阮大鍼與左光斗。魏大中有隙。囑傅櫬劾之。忠賢遂藉此而羅織東林。梁夢環徐大化。遂希忠賢指劾。漣光斗於是東林禍作。直至阮大鍼等肆毒江左。滅亡而後已。則應山此疏。關係左光斗列傳。左光斗字遺直。係匪輕。校不憚煩。而全錄之。

桐城人。萬歷三十五年進士。除中書舍人。選授御史。光宗

崩。李選侍據乾清宮。迫皇長子封皇后。當是時。宮府危疑。

人情危懼。光斗與楊漣協心建議。排閹奴。扶冲主。宸極獲正。

兩人力爲多。由是朝野稱爲楊左。三年。擢大理丞。進少

卿。明年二月。拜左僉都御史。是時韓爌趙南星高攀龍楊漣

鄭三俊李邦華魏大中諸人咸居要地。光斗與相得。務爲危

言覈論。甄別流品。正人咸賴之。而忌者浸不能容。光斗與給

事中阮大鍼同里。招之入京。會吏科都給事中缺。當遷者首

桃花扇傳奇

後序詳註卷二

三

周士樸次大鍼次大中。大鍼邀中旨。勅士樸不遷。以爲己地。

趙南星惡之。欲例轉大鍼。大鍼疑光斗爲之。恨甚。熊明遇徐

良彥皆欲得僉都御史。而南星引光斗爲之。兩人亦恨光斗。

江西人。又以他故銜大中。遂共嗾給事中傅櫬劾光斗。大中

與汪文言比。而爲奸。光斗疏辯。且詆傅櫬。結東廠理刑傅繼

教爲兄弟。櫬恚。再疏訐光斗。光斗乞罷。事得解。楊漣劾魏忠

賢。光斗與其謀。又與攀龍發崔呈秀贓私。忠賢暨其黨咸怒。

及忠賢逐南星攀龍。大中次將及漣。光斗憤甚。草奏劾

忠賢及魏廣微三十二斬罪。擬十一月二日上之。先遣妻子南還。忠賢訶知。先二日假會推事。與漣俱削籍。羣小恨不已。復搆文言獄。入光斗名。遣使往逮。父老子弟擁馬首號哭。聲震原野。緹騎亦爲雪涕。至則下詔獄。酷訊許顯純。誣以受楊鎬熊廷弼賄。漣等初不承。已而恐以不承爲酷刑所斃。冀下法司。得少緩死。爲緩圖。諸人俱自誣服。光斗坐贓二萬。忠賢乃矯旨。仍令顯純五日一追比。不下法司。諸人始悔失計。客成孫奇逢者。節俠士也。與定興鹿正以光斗有德於畿輔。倡桃花扇傳奇。

後序詳註卷三

三

議醵金。諸生爭應之。得金數千。謀代輸緩其獄。而光斗與漣已同日爲獄卒所斃。時五年七月二十有六日也。年五十一。光斗旣死。贓猶未竟。忠賢令撫按嚴迫。繫其羣從十四人。長兄光霽坐累死。母以哭子死。都御史周應秋猶以所司承迫不力。疏趣之。由是諸人家族盡破。及忠賢定三朝要典。移宮一案。以漣光斗爲罪魁。議開棺戮屍。有解之者。乃免。忠賢旣誅。贈光斗右都御史。錄其一子。已再贈太子少保。福王時。追謚忠毅。弟光先由鄉舉官御史。福王旣立。馬士英薦阮大

鉞光先爭不可後大鉞得志逮光先亂亟道阻光先間行走微嶺縱騎索不得乃止○宋史楊昭儉列傳銜冤者固當昭

雪爲蠹者難免放流○明史宦官魏忠賢列傳崇禎二年命

大學士韓爌等定逆案始盡逐忠賢黨東林諸人復進用諸

麗逆案者日夜圖報復其後溫體仁薛國觀輩相繼柄政潛

傾正人爲翻逆案地帝亦厭廷臣黨比復委用中璫而逆案

中阮大鉞等卒肆毒江左至於滅亡○明史閹黨霍維華列

傳福王時楊維垣翻逆案爲維華等訟寃章下吏部尙書張

桃花扇傳奇

後序詳註卷三

岳

捷重述三朝舊事力稱維華等忠追賜卹典贈廕祭葬謚全

者維華及劉廷元呂純如楊所修徐紹吉徐景濂六人贈廕

祭葬不予謚者徐大化范濟世二人贈官祭葬者徐揚先劉

廷宣岳駿聲三人復官不賜卹者王紹徽徐光魁喬應甲三

人他若王德完黃克纘王永光章光岳徐鼎臣徐卿伯陸澄

源名不麗逆案而爲清議所抑者亦賜卹有差

等周雷之觸禍幾罹淫刑

明史周鑑列傳周鑑字仲馭金壇人父泰峙雲南布政使鑑

桃花扇傳奇

後序詳註卷二

五

舉鄉試第一。崇禎元年成進士。授南京戶部主事。權稅蕪湖。憂歸。服闋。授南京禮部主事。極論內臣言官二事。言張夔憲用而高^宗圖金鉉。罷王坤用。而魏呈潤趙東曦斥。鄧希詔用。而曹文衡罷閒。王^宗祖李曰輔。熊開元。罹罪。每讀邸報。半屬內侍溫綸。自今鍛鍊臣子。委喪天言。祇徇中貴之心。臣不知何所極也。言官言出禍隨。黃道周諸臣薦賢不效。而惠世揚劉宗周勿獲進。華允誠諸臣驅奸無濟。而陳于廷姚希孟鄭三俊皆蒙譴。每奉嚴諭。率皆直臣封章。自今播棄忠良。獎成宵小。祇快奸人之計。臣益不知何所極矣。帝怒。斥爲民鑣。由是名聞天下。初鑣。世父應秋叔父御史維持。以附魏忠賢。並麗逆案。鑣深耻之。通籍後。卽交東林。矯矯樹名節。及被放。與宣城沈壽民讀書茅山。廷臣多薦之。十五年起禮部主事。進郎中。爲吏部尙書。鄭三俊所倚。然爲人。好名。頗飾僞。給事中韓如愈疏論之。罷歸。福王立於南京。馬士英旣逐呂大器。以鑣及雷縯祚。曾主立潞王議。令朱統鑣劾姜曰廣。因言鑣縯祚等皆曰廣私黨。請悉置於理。遂令逮治。而士英劾鑣從弟

鍾從逆并及鑣鍾亦逮治。阮大鍼居金陵時諸生顧杲等出留都公揭討之。主之者鑣也。大鍼以故恨鑣。鑣獄急屬御史陳丹衷求解於士英。爲緝事者所獲。丹衷出爲長沙知州。於是察處御史羅萬貫希大鍼指上疏痛詆鑣。而光祿卿祁逢吉鑣同邑人。見人輒詈鑣。遂得爲戶部侍郎。亡何左良玉稱兵。檄討士英罪。言引用大鍼。搆陷鑣。續祚鍛鍊周內士英大鍼益怒。大鍼謂鑣實召良玉兵。王乃賜鑣續祚自盡。鍾棄市。○明史雷續祚列傳雷續祚太湖人。崇禎三年舉於鄉。十三

年夏。帝思破格用人。而考選止及進士。特命舉人貢生就試教職者。悉用爲部寺司屬。推官知縣凡二百六十三人。號爲庚辰特用。而續祚得刑部主事。明年三月。劾楊嗣昌六大罪可斬。鳳陽總督朱大典安慶巡撫鄭二陽河南巡撫高名衡山東巡撫王公弼宜急易。帝不悅。十五年擢武德道兵備僉事。山東被兵。續祚守德州。有詔獎勵。乃疏劾督師范志完縱兵淫掠。折除軍餉。搆結大黨。帝心善其言。以淫掠事責兵部。而令續祚再陳。志完者首輔周延儒門生也。續祚意有所忌。

久不奏明年五月延儒下廷議。續祚乃奏言志完兩載僉事。驟陟督師。非有大黨。何以至是。大僚則尙書范景文等。詞林則諭德方拱乾等。言路則給事中朱徽沈允培。袁彭年等。皆其黨也。方德州被攻不克。去掠臨清。又五日志完始至。聞後部破景州。則大懼。欲避入德州城。漏三下。邀臣議。臣不聽。志完乃偕流寓詞臣拱乾。見臣南城古廟。臣告以督師非入城官。薊州失事。由降丁內潰。志完不懌而去。若夫座主當朝。罔利曲庇。隻手有燎原之勢。片語操生死之權。稱功頌德。徧於班聯。臣不忍見陛下以周召待大臣。而大臣以嚴嵩薛國觀自待也。臣外藩小吏。乙榜孤蹤。不言不敢。盡言不敢。感陛下虛懷俯納。故不避首輔延儒。與舉國媚附時局。略進一言。至中樞主計。請餉必餽常例。天下共知他乾沒更無算。疏入。帝益心動。命議舊計。臣李待問。傅淑訓。樞臣張國維。及戶科荆永祚。兵科沈迅。張嘉言。罪而召續祚。陛見。越數日抵京。又數日入對。召志完。拱乾。質前疏中語。拱乾爲志完辨。帝頷之。問續祚。稱功頌德者誰。對曰。延儒招權納賄。如起廢清獄。蠲租。

皆自居爲功。考選臺諫。盡收門下。凡求總兵巡撫者。必先賄幕客杜廷獻。帝怒。逮廷獻。誅志完。而令續祚還任。續祚尋以憂去。福王時。統鑣劾曰。廣因及之。遂逮治。明年四月。與鑣同賜自盡。故事。小臣無賜自盡者。因良玉兵東下。故大鉞輩急殺之。○後漢書李固列傳論。豈不知守節之觸禍。恥夫覆折之傷任也。○左傳。僖公二十三年。淫刑以逞。誰則無罪。柳敬亭評話。溥民投誅惡鋤奸之檄。

吳偉業柳敬亭傳。柳敬亭者。揚之泰州人。蓋曹姓。年十五。獷

桃花扇傳奇

後序評註卷三

三

悍無賴。名已在捕中。走之盱眙。困甚。挾稗官一冊。非所習也。耳剽久。妄以其意抵掌盱眙市。則已傾其市人。好博。所得亦緣手盡。有老人日爲釀百錢從寄食。久之。過江。休大柳下。生攀條泫然。已撫其樹。顧同行數十人曰。嘻。吾今氏柳矣。聞者以生多端。或大笑以去。後二十年。金陵有善談論柳生衣冠懷之。輻輳門車。嘗接轂所到。坐中皆驚。有識之者。此固嚮年過江時。休樹下者也。柳生之技。其先後江湖間者。廣陵張樵陳思姑蘇吳逸與柳生四人者。各名其家。柳生獨以能著。或

問生何師。生曰。吾無師也。吾之師。乃儒者雲間莫君。後光莫君言之曰。夫演義雖小技。其以辨性情。考方俗。形容萬類。不與儒者異道。故取之欲其肆。中之欲其微。促而起之欲其迅。舒而繹之欲其安。進而止之欲其留。整而歸之欲其潔。非天下至精者。其孰能與於斯矣。柳生乃退就舍。養氣定詞。審音辨物。以爲揣摩。期月而後請莫君。莫君曰。子之說未也。聞子說者。驩哈嗙噉。是得子之易也。又期月曰。子之說幾矣。聞子說者。危坐變色。毛髮盡悚。舌橋然不能下。又期月。莫君望見驚起曰。子得之矣。目之所視。手之所倚。足之所跂。言未發而哀樂具乎其前。此說之全矣。於是聽者儼然若有見焉。其竟也。恤然若有亡焉。莫君曰。雖以行天下。莫能難也。已而柳生辭去。之揚州。之杭之吳。吳最久之。金陵所至與其豪長者相結。人人暱就生。其處已也。雖甚卑賤。必折節下之。卽通顯。傲弄無所詘。與人談。初不甚諧謔。徐舉一往事。相酬答。澹辭雅對。一坐傾靡。諸公以此重之。亦不盡其技強也。當是時。士大夫避寇南下。僑金陵者。萬家大司馬吳橋范公。以本兵開府。

名好士。相國何文端。闔門避造請。兩家引生爲上客。客有謂生者曰。方海內無事。生所談皆豪猾大俠草澤亡命。吾等聞之笑。謂必無是。乃公故善誕耳。孰圖今日不幸。竟親見之乎。生聞其語慨然。屬與吳人張燕筑。沈公憲俱。張沈以歌。生以談。三人者。酒酣悲吟擊節。意懷愴傷懷。凡北人流離在南者。聞之無不流涕。未幾而有左兵之事。左兵者。寧南伯良玉軍。譟而南。尋奉詔守楚。駐皖城待發。守皖者杜將軍密域。於生爲故人。寧南奏酒。思得一異客。杜旣已洩之矣。會兩人用軍。

桃花扇傳奇

後序評註卷三

三

事不相中。念非生莫可解者。乃檄生至。進之。左以爲此天下辨士。欲以觀其能。帳下用長刀遮客。引就席坐。客咸振懼失次。生拜訖。索酒。詠嘲諧笑。旁若無人者。左大驚。自以爲得生晚也。居數日。左沉吟不樂。熟視生曰。生揣我何念。生曰。得毋以亡卒入皖。而杜將軍不法治之乎。左曰。然。生曰。此非有君侯令。杜將軍不敢以專也。生請銜命矣。馳一騎入杜將軍軍中。斬數人乃定。左幕府多儒生。所爲文檄。不甚中窾會。生故不知書。口盡便宜。輒合左起卒伍。少孤貧。與母相失。請地封。

不能得其姓。泪承曉不止。生曰。君侯不聞天子賜姓事乎。此吾說書中故實也。大喜。立具奏。左武人。卽以爲知古今。識大體矣。阮司馬懷寧。生舊識也。與左郟。而新用事。生還南中。請左曰。見阮云何。左無文書。卽令口報。阮以捐棄故嫌。圖國事於司馬也。生歸。對如寧南指。且約結還報。及聞坂磯築城。則頓足曰。此示西備。疑必起矣。後果如其慮焉。左喪過龍江關。生祠哭已。有迎且拜。拜不肯起者。則其愛將陳秀也。秀常有急生活之具。爲予言救秀狀。始左病恚怒。而秀所犯重。且必死。生莫楮梧。乃設之以事。曰。今日飲酒不樂。君侯有奇物玩好。請一觀可乎。左曰。甚善。出所畫已像二。其一關隴破賊圖也。覽鏡白照。歎曰。良玉天下健兒也。而今衰。指其次曰。吾破賊後將入山。此圖所以志也。見衲而杖者數童子。從其負瓢笠且近。則秀也。生佯不省。而徐睨爲誰。左語之。且告其罪。生曰。若負恩當死。顧君侯以親信。卽入山。且令自從。而殺之。卽此圖爲不全矣。左領之。其善用權譎。爲人排患解紛。率此類。初生從武昌歸。以客將新道軍所來。朝貴皆傾動。顧自安舊。

節起居故人無所改。逮江上之變。生所攜及留軍中者。亡散累千金。再貧困。而意氣自如。或問之曰。吾在盱眙市上時。夜寒。藉束藁卧。屣履踵決。行雨雪中。竊不自料。以至於此。今雖復落。尙足爲生。且有吾技在。寧渠憂貧乎。乃復來吳中。每被酒。嘗爲人說故寧南時事。則歔歔灑灑。旣在軍中久。其所談益習。而無聊不平之氣。無所用。益發之於書。故晚節尤進云。舊史氏曰。予從金陵識柳生。同時有楊生季衡。故醫也。亦客於左。奏攝武昌守。拜爲真。左因強柳生以官。笑弗就也。楊今

桃花扇傳奇

後序詳註卷二

三

去官。仍故業。在南中。亦縱橫士。與予善。○冒襄贈柳敬亭詩。憶惜孤軍鄂渚秋。武昌城外戰雲愁。如今衰白誰相問。獨對西風哭故侯。○毛奇齡贈柳敬亭詩。流落人間柳敬亭。消除豪氣鬢星星。江南多少前朝事。說與人間不忍聽。○王士禛分甘餘話。左幕下有柳敬亭。蘇崑生者。一善說評話。一善度曲。按柳敬亭各曹遇春見顧開雍柳敬亭歌序○禮記王制。無曠土。無游民。○前漢書食貨志。末技游食之民。○陸賈新語道基篇。承天誅惡。克暴除殃。又慎微篇。誅鋤奸臣賊子之黨。○宋書武帝本紀。

投檄之日。神馳賊廷。左良玉討馬士英第一檄。蓋聞大義之垂。炳於星日。無禮之逐。嚴於鷹鷂。天地有至公。臣民不可罔也。奸臣馬士英者。根原赤身。種類藍面。昔冒九死之罪。業已僞妾作妓。屠髮爲僧。重荷三代之恩。徒爾狐窟白門。狼吞泗上。會當國家多難之日。侈言擁戴。勸進之功。以今上歷數之歸。爲私家攜贈之物。竊弄威福。煬蔽聰明。持兵力以脅人。致天子閉目拱手。張僞旨以讐俗。俾邱氏重足寒心。本爲報讐而立君。乃事事與先帝爲讐。不祇矯誣聖德。初因民願而立主。乃事事拂民之願。何由冀麗民生。幻蜃蔽天。妖墓障日。賣官必先姻婭。試看七十老囚。三木敗類。居然節鉞監軍。漁色罔識君親。託言六宮備選。二八紅顏。變爲桑間濮上。蘇松常鎮。橫征之使肆行。樵李會稽。妙選之音日下。江南無夜安之枕。言馬家便爾殺人。北斗有朝。彗之心。謂英名實應圖識。除誥命贈蔭之餘。無朝政。自私怨舊。讐之外。無功能。類此之爲。何其亟也。而乃冰山發焰。鱷水興波。羣小充斥於朝端。賢良竄逐於崖谷。同己者。罪同寇盜。行列猪猡。如阮大鍼。張孫

桃花扇傳奇

後序評註卷三

三

削色日月倏以無光。又况皇嗣幽囚。

見下幽拘太子句

烈祖怨恫。海

內懷忠之臣。誰不願食其肉。敵國向風之士。咸思操盾其家。本藩先帝舊臣。招討重任。頻年痛心疾首。願爲鼎邊雞犬。以無從此日履地戴天。誓與君側豺狼而併命。在昔陶八州靖石頭之難。大義於今炳然。迄乎韓蘄王除苗氏之奸。臣職於斯。乃盡是用礪兵抹馬。振旅興師。當鄭畋討賊之軍。憶裴度閉邪之語。謂朝中奸黨盡去。則外患不討自平。倘左右兇惡未除。則河北雖平無用。三軍之士。戮力同仇。申明仁義之聲。

聞首嚴焚戮之隱禍。不敢妄殺一人。以傷天心。不敢荒忽一日。以忘王室。義旗所指。正明爲人臣子。不忘君父之心。天意中興。必有間世英靈。矢翼皇明之運。並告先帝。揭此心肝。願斬賊臣之首。以報九京。還收阮奴之黨。以報四望。倘惑於邪說。註誤流言。或受奸人之指揮。或樹義兵之仇敵。本藩一腔熱血。鬱爲輪囷離奇。勢必百萬雄兵。化作蛟螭妖孽。玉石俱焚之禍。近在目前。水火無情之時。追惟心痛。故敬布苦衷。願言共事。嗚呼。朝無直臣。誰斥李林甫之奸邪。國有同心。尙懷桃花扇傳奇。

後序詳註卷三

三

鄭虎臣之素志。我祖宗三百年養士之德。豈其決裂於僉王。大明朝十五國忠義之心。正宜暴白於天日。速張殪虎之機。勿作通猿之藪。燃董卓之腹。膏溢三旬。籍元載之厨。椒盈八百。國士盡快。中外甘心。謹檄蘇崑生歌謳賤士。羣亂軍死帥之骸。

吳偉業楚兩生行序。蔡州蘇崑生。維揚柳敬亭。其地皆楚分也。而又客於楚。左寧南駐武昌。柳以談。蘇以歌。爲幸舍重客。寧南歿於九江舟中。百萬衆皆奔潰。柳已先期東下。蘇生痛

桃花扇傳奇

後序詳註卷二

美

哭。削髮入九華山。久之。出從武林汪然明。然明亡。之吳中。吳中以善歌名海內。然不過嚶緩柔曼爲新聲。蘇生則於陰陽抗墜。分判比度。如崑刀之切玉。叩之栗然。非時所爲工也。嘗遇虎邱廣場大集。生睨其旁。笑曰。某郎以某字不合律。有識之者曰。彼僞楚乃竊言是非。思有以挫之。間請一發聲。不覺屈服。顧少年耳。剽日久。終不肯輕自貶下。就蘇生問所長。生亦落落難合。到海濱。寓吾里蕭寺。風雪中。以予與柳生有雅。故爲立小傳。援之以請曰。吾浪跡三十年。爲通侯所知。今失路憔悴。而來過此。惟願公一言。與柳生並傳足矣。柳生近客於雲間帥。識其心敗。苦無以自脫。浮沉傲弄。在軍政一無所關。其禍也。幸以免。蘇生將渡江。余作楚兩生行送之。以之寓柳生。俾知予與蘇生游。且爲柳生危之也。○吳偉業口占贈蘇崑生詩。樓船諸將碧油幢。一片降旗出九江。獨有龜年卧吹笛。暗潮打枕泣篷窻。有客新經墜淚碑。武昌官柳故垂垂。扁舟夜半聞蘆管。獨把當年水調吹。西興哀曲夜深聞。絕似南朝汪水雲。回首岳墳下路。亂山何處葬將軍。故國傷

心在寢邱。蒜山北望淚交流。饒他劉毅思鵝炙。不比君今憶蔡州。○〔北齊書〕元會大饗歌。歌謳被琴瑟。○〔晉書〕韋忠列傳。吾茨簷賤士。本無宦情。○〔淮南鴻烈〕解詮言訓。羣其骸於曠野之中。祀其鬼神於明堂之上。〔按〕蘇崑生名周如松。見余懷板橋雜記。○又按傳奇稱左寧南討馬阮。敬亭爲之投檄。其卒於軍也。崑生塋之。玩梅村岳侯墳下句。其塋於杭乎。狎客歸山。丁繼之效徐伯珍之操。

〔陳書〕江總列傳。後主之世。總當權宰。不持政務。但日與後主遊宴後庭。共陳暄。孔範。王瑗等十餘人。當時謂之狎客。○〔余

桃花扇傳奇

後序詳註卷三

七

懷板橋雜記。丁繼之扮張驢兒娘。張燕筇扮賓頭盧。朱維章扮武大郎。皆妙絕一時。丁張二老亦壽九十餘。錢虞山題三老圖詩。末句云。秦淮煙月經遊處。華表歸來白鶴知。不勝黃公酒壚之歎。○〔南齊書〕徐伯珍列傳。宅南九里有高山。班固謂之九巖山。後漢龍邱萇隱處也。山多龍鬚檉柏。望之五采。世呼爲婦人巖。二年伯珍移居之。

書商破產。蔡益所擔孔文學之辜。

〔袁桷〕次韻善之雜興詩。嗜癖成書賈。○〔李白〕經下邳圯橋懷

張子房詩。子房未虎嘯。破產不爲家。○後漢書孔融列傳。孔融字文舉。魯國人。孔子二十世孫也。○又山陽張儉。爲中常侍。

侯覽所怨。覽爲刊章下州郡。以名捕儉。儉與融兄褒有舊。亡

抵於褒。不遇。時融年十六。儉少之而不告。融見其有窘色。謂

曰。兄雖在外。吾獨不能爲君主耶。因留舍之。後事泄。國相以

下密就掩捕。儉得脫走。遂並收褒融送獄。二人未知所坐。融

曰。保納舍藏者融也。當坐之。褒曰。彼來求我。非弟之過。請甘

其罪。吏問其母。母曰。家事任長。妾當其辜。一門爭死。郡縣疑

桃花扇傳奇

後序詳註卷三

三

不能決。乃上讞之。詔書竟坐褒焉。

按傳奇稱金陵書商蔡益所者爲捕社黨株連棄家

逃難事未考。

藍田叔身隱畫師。引領蛾眉而入道。

陶宗儀書史會要。藍瑛字田叔。浙江人。善畫。老而彌工。蒼古

頗類沈啟南。

按藍田叔一字螭叟。錢塘人。見畫系。

○杜甫送鄭虔貶台州司戶

詩。酒後常稱老畫師。○詩。衛風碩人篇。螭首蛾眉。○梁簡文

帝元圃園講頌。析論冥空。○機入道。

按傳奇稱藍田叔引卞玉京出家爲女道士。

卞玉京名逃樂部。掉轉螭首而修真。

余懷板橋雜記下賽一名賽賽。後爲文道士。自號玉京道人。知書工小楷。善畫蘭鼓琴。喜作風枝猿娜。一落筆十餘紙。年十八遊吳門。居虎邱。湘簾斐凡。地無纖塵。見客初不甚酬對。若遇佳賓。則諧謔周作。談詞如雲。一座傾倒。尋歸秦淮。遇亂復遊吳門。吳梅村學士作聽女道士卞玉京彈琴歌贈之。中所云昨夜城頭吹簫築。教坊也被傳呼急。碧玉班中怕點留。樂營門外盧家泣。私更粧束出江邊。恰遇丹陽下渚船。剪就黃繩貪入道。攜來綠綺訴嬋娟者。正此時也在吳作道人裝桃花扇傳奇

後序詳註卷二

完

然亦聞有所至。侍兒柔柔承奉。硯席如弟子。指揮如意。亦靜好女子也。踰兩年渡浙江。歸於東中一諸侯。不滿意。進柔柔當夕。乞身下髮。後歸吳。依良醫鄭保御。築別館以居。長齋繡佛。持戒律甚嚴。刺血書法華經。以報保御。又十餘年而卒。塋於惠山祇陀菴錦樹林。○新唐書禮樂志自周陳以上。雅鄭淆雜而無別。隋文帝始分雅俗二部。○細素雜記江南野錄載李家明事。當嗣主時。爲樂部頭。能滑稽。善諷諫。○天隱子易有漸卦。道有漸門。人之修真達性。不能頓悟。必須漸而進。

之安而行之。故設漸門。

之數人者。境實卑微。志堅嶽瀆。

蔡邕青衣賦。金生砂磧。珠出蚌泥。歎之窈窕。產於卑微。賈至許誠言。太僕卿制心和志堅。訥言敏行。蔡邕陳仲弓碑文。徵士陳君秉嶽瀆之精。苞靈曜之純。

品雖高邁。位陋泥沙。

晉書裴楷列傳。楷風神高邁。容儀俊爽。陸雲嘲褚常侍文。才則邵矣。位實陋矣。白居易答故人詩。我本蓬華人。鄙賤

桃花扇傳奇

後序詳註卷二

平

劇泥沙。

挹彼風標。似聽足音於空谷。

魏書彭城王勰列傳。風標才氣。實足軌範。莊子徐無鬼篇。夫逃虛空者。藜藿柱乎鼯鼯之逕。跟位其空。聞人足音。蹵然而喜矣。詩小雅白駒篇。在彼空谷。

揭斯氣節。允當底柱於頽波。

史記汲黯列傳。黯爲人。性倨少禮。面折不能容人之過。合已者善待之。不合已者不能忍見。士亦以此不附焉。然好學游

俠任氣節。內行脩潔。書禹貢。東至於底柱。○酈道元水經註。砥柱。山名也。昔禹治洪水。山陵當水者鑿之。故破山以通河。河水分流。包山而過。山見水中。若柱。故曰底柱也。○又聖水。又東逕玉石山。謂之玉石口。其水伏流里餘。潛源東出。又東。頽波瀉澗。一丈有餘。屈而南流也。○劉禹錫咏史絕句。世道劇頽波。我心如底柱。

奇可傳者又其一也。

嗚呼。當是時也。臨傾廣廈。一木何支。

桃花扇傳奇

後序詳註卷三

聖

王通中說事。君篇。芮城府君起家爲御史。將行。謂文中子曰。何以贈我。子曰。清而無介。直而無執。曰。何以加乎。子曰。太和爲之表。至心爲之內。行之以恭。守之以道。退而謂董常曰。大厦將顛。非一木所支也。○南史袁粲列傳。本知一木不能止大厦之崩。但以名義至此耳。

待斃膏肓。九還莫救。

五代史。任圜列傳。然坐而待斃。曷若伏而俟命。○左傳。成公十年。晉侯夢大厲。被髮及地。搏膺而踴曰。殺予孫不義。予得

請於帝矣。壞大門及寢門而入。公懼入於室。又壞戶。公覺。召桑田巫。巫言如夢。公曰。何如。曰。不食新矣。公疾病。求醫於秦。秦伯使醫緩爲之。未至。公夢疾爲二豎子。曰。彼良醫也。懼傷我。焉逃之。其一曰。居育之上。膏之下。若我何。醫至。曰。疾不可爲也。在育之上。膏之下。攻之不可達。之不及。藥不至焉。不可爲也。公曰。良醫也。厚爲之禮而歸之。六月丙午。晉侯欲麥。使甸人獻麥。饋人爲之。召桑田巫。示而殺之。將食。張如廁。陷而卒。○葛洪抱朴子內篇金丹九丹者。長生之要。非凡人所當聞見也。反第一之丹。名曰丹華。當先作元黃。用雄黃水礬石水一鉢作汞。戎鹽鹵醎礬石牡蠣赤石脂滑石胡粉各數十觔。以六一泥封之。火之三十六日成。服之七日。仙入以元膏。凡此丹置猛火上。須火成黃金。又以二百四十銖。合水銀百觔。火之。赤成黃金。金成者。藥成也。金不成。更封藥而火之。百數如前。無不成也。第二之丹。名曰神丹。亦曰神符。服之百日。仙也。行度水火。以此丹塗足下。步行水上。服之三刀圭。三尸九蟲皆卽消壞。百病皆愈也。第三之丹。名曰神丹。服之刀圭。

桃花扇傳奇

後序詩評卷二

聖

百日仙也。以與六畜吞之。亦終不死。又能辟五兵。服百日仙
人玉女。山川鬼神。皆來侍之。見人如形。第四之丹。名曰還丹。
服一刀圭。百日仙也。朱烏鳳凰。翔覆其上。玉女至旁。以一刀
圭。合水銀一觔。火之。立成黃金。以此丹塗錢物用之。即日皆
還。以此丹書凡人口上。百鬼走避。第五之丹。名餌丹。服之三
十日仙也。鬼神來侍。玉女至前。第六之丹。名鍊丹。服之十日
仙也。又以汞合火之。亦成黃金。第七之丹。名柔丹。服一刀圭。
百日仙也。以缺盆汁和服之。九十老翁。亦能有子。與金公合
火之。即成黃金。第八之丹。名伏丹。服之即日仙也。以此丹如
棗核。缺不敢前。又辟盜賊虎狼也。第九之丹。名寒丹。服一刀
圭。百日仙也。仙童玉女來侍。飛行輕舉。不用羽翼。凡此九丹。
得一丹便仙。不在悉作之。在人所好者耳。凡服九丹。欲昇天
則去。欲且止人間。亦任意皆能出入無間。不可得而害之矣。
○隱丹經九還丹者。合九轉言九遍循環也。按此乃寓言。不
足信。世未有服

金石藥而
不死者。

世事如此。對風景以奚堪。

周禮地官大司徒十曰以世事教能則民不失職。○史記屈原列傳上稱帝嚳下道齊桓中述湯武以刺世事。○晉書王導列傳過江人士每至暇日相邀出新亭飲宴周顗中坐而歎曰風景不殊舉目有江山之異皆相視流涕惟導慨然變色曰當共戮力王室尅復神州何至作楚囚相對泣耶衆收淚謝之。○晉書桓溫列傳溫自江陵北伐行經金城見少爲瑯琊時所種柳皆已十圍慨然曰木猶如此人何以堪攀枝執條泣然流涕。

桃花扇傳奇

後序詳註卷二

品

天運可知望川原而欲涕

陶潛責子詩天運苟如此且進杯中物。○陳子昂樂游縣詩

川原迷舊國道路入邊城。○劉向九歎望高邱而欲涕兮

爰有夷門望族梁苑畸人

廣輿記河南開封府古蹟夷門卽大梁城門。○史記信陵君列傳魏有隱士曰侯嬴年七十家貧爲夷門監者。○秦觀王儉論王謝二氏最爲望族。○廣輿記河南歸德府古蹟梁園府城東一名梁苑或曰卽兔園梁孝王築。○前漢書梁孝王

列傳於是孝王築東苑方三百餘里。廣睢陽城七十里。大治宮室。爲複道。自宮連屬。至於平臺。三十餘里。○莊子大宗師篇子貢曰。敢問畸人曰。畸人者。畸於人而侔於天。○邵長蘅侯方域傳。侯方域字朝宗。南邱人。祖執蒲。官太常。父恂。崇禎間。官戶部尙書。方域。既世家子。幼從其父宦京師。習知中朝事。而於君子小人門戶始終之故尤熟悉。喜結納名士。與貴池吳應箕。宜興陳貞慧。最善。阮大鍼者。故魏奄義兒。屏居金陵。謀復用。諸名士共爲檄。檄大鍼罪。應箕貞慧主之。大鍼愧。

桃花扇傳奇

後序詳註卷三

三

且恚然無可如何。訶知方域與二人者相善也。私念得交侯生。因侯生以交於二人。事當已。乃屬其客陽交。懼方域。方域覺之。謝客不與通。而大鍼家有伶一部。以聲伎擅名。能歌所演劇。號燕子箋者。而會諸名士以試事。集金陵。朝宗置酒高會。趣徵阮伶。大鍼心竊喜。立遣伶往。而令他奴訶之。方度曲。四座稱善。奴走告。大鍼心益喜。已而抗聲論天下事。箕踞呌呌語。稍及大鍼。遂戟手罵詈不絕。大鍼聞之。乃大怒。而恨三人者尤刺骨。後數年。南都擁立。大鍼驟枋用。興大獄。將盡殺。

黨人捕貞慧入獄。應箕亡命。方域夜出走。渡揚子。依鎮帥高傑。得免。方域儻蕩。任俠使氣。好大言。遇人不肯平面視。然一語合。輒吐出肝肺。譽之不容口。振友之阨。能不恡千金。然亦喜睚眦報復。居鄉時。扞文網。崇禎末。劇寇李自成圖汴急。詔侯恂出督師。援汴。方域進曰。大人受命討賊。廟堂議論牽制。奏請不應。徵調難集。願破文法。以賜劍首。誅一甲科令守。而晉帥許定國師噪。當斬以徇軍事。辦威立疾。驅渡河。就左良玉於襄陽。約陝督孫公傳庭犄角於秦。賊乃可圖也。恂叱曰。是跋扈也。小子多言。趣遣歸。方域既負才名。以明經累舉於鄉。趣報罷。尋邑邑致疾。卒年三十七。是歲順治十一年也。明季古文辭。自嘉隆諸子。貌爲秦漢。稍不厭衆望。後乃爭矯之。而矯之者。變愈下。明文極敝。以迄於亡。朝宗始倡韓歐之學。於舉世不爲之口。遂以古文雄視一世。末年遊吳下。將刻集。集中文未脫稿者。一夕補綴立就。人益奇之。旣歿。而文章乃大著。初。陳貞慧就逮。入詔獄。鍛鍊久之。會大鉞敗。脫歸。後十餘年卒於家。

王師下金陵。吳應筮謀起兵。被執不屈死。方域著有壯悔堂文十卷。詩六卷。又遺稿一卷。板行。

慨琴劍之飄零。孤踪白下。

梁元帝法寶聯璧序。箴興琴劍。銘白盤孟。杜甫送李勉詩。垂老見飄零。廣輿記江南江寧府古蹟。白下城。府治西北。本江乘之白石壘。

憫陝川之蹂躪。滿地黃巾。

廣輿記陝西西安府建置沿革。禹貢雍州之域。天文井鬼分。

桃花扇傳奇

後序詳註卷三

七

野。周王畿地。秦曰關中。漢初曰渭南。曰內史。武帝立京兆馮翊。扶風爲三輔。東漢曰雍州。唐曰關內。曰祐國。自周秦漢晉西魏後周隋唐並都於此。五代梁曰永平。晉曰晉昌。宋曰永興。元曰安西。曰奉元。明爲西安府。廣輿記四川全省總畧。四川者。取岷江。沱江。黑水。白水。四大川以爲名。班固西都賦。草木塗地。山川反覆。蹂躪其二三。乃拗怒而少息。後漢書靈帝本紀。中平元年春二月。鉅鹿人張角。自稱黃天。其部師有三十六萬。皆著黃巾。同日反叛。

懷晉悼齊。斬拭南冠之泣。

北周王褒于謹碑銘。晏子悼齊。隨武懷晉。左傳成公十年。

晉侯觀於軍府。見鍾儀。問之曰。南冠而縶者誰也。有司對曰。

鄭人所獻楚囚也。

按楚囚對泣。見上風景句。

嘲風咏月。聊追北里之歡。

白居易將歸渭村先寄舍弟詩。咏月嘲風先要減。登山臨水

亦宜稀。史記殷本紀。帝乙崩。子辛立。是爲帝辛。天下謂之

紂。又。好酒淫樂。嬖於婦人。愛妲己。妲己之言是從。於是使師

桃花扇傳奇。

後序詳註卷三

哭

消作新淫聲。北里之舞。靡靡之樂。王勃春思賦。南鄰少婦

多妖嬈。北里王孫駐行憶。

恰遇香君。實爲尤物。

侯方域李姬傳。李姬者。名香。母曰貞麗。貞麗有俠氣。嘗一夜

博輸千金立盡。所交接皆當世豪傑。尤與陽羨陳貞慧善也。

姬爲其養女。亦俠而慧。略知書。能辨別士大夫賢否。張學士

溥。夏吏部允彝。頭稱之。少風調。皎爽不羣。十三歲從吳人周

如松受歌。玉茗堂四傳奇。皆能盡其音節。尤工琵琶詞。然不

輕發也。雪苑侯生已卯來金陵。與相識。姬嘗邀侯生爲詩。而歌以償之。初。皖人阮大鍼者。以阿附魏忠賢論城旦。屏居金陵。爲清議所斥。陽羨陳貞慧。貴池吳應箕。實首其事。持之力。大鍼不得已。欲侯生爲解之。乃假所善王將軍。日載酒食與侯生遊。姬曰。王將軍貧。非結客者。公子盍叩之。侯生三問。將軍乃屏人述大鍼意。姬私語侯生曰。妾少從假母識陽羨君。其人有高義。聞吳君尤錚錚。今皆與公子善。奈何以阮公負至交乎。且以公子之世坐。安事阮公。公子讀萬卷書。所見豈

桃花扇傳奇

後序詳註卷三

完

後於賤妾耶。侯生大呼稱善。醉而卧。王將軍者殊怏怏。因辭去。不復通。未幾侯生下第。姬置酒桃葉渡。歌琵琶詞以送之。曰。公子才名文藻。不減中郎。中郎學不補行。今琵琶所傳固妄。然嘗昵董卓。不可掩也。公子豪邁不羈。又失意。此去相見未可期。願終自愛。無忘妾所歌琵琶詞也。妾亦不復歌矣。侯生去後。而故開府田仰者。以金三百邀姬一見。姬固却之。開府慚且怒。且有以中傷姬。姬歎曰。田公寧異於阮公乎。吾向之所贊於侯公子者。諳何。今乃利其金而赴之。是妾賣公子

矣。卒不往。○余懷板橋雜記李香。身軀短小。膚理玉色。慧俊婉轉。調笑無雙。人名之爲香扇墜。予有詩贈之曰。生小傾城是李香。懷中婀娜袖中藏。何緣十二巫峰女。夢裡偏來見楚王。武塘魏于一。爲書於粉壁。貴陽楊龍友。寫崇蘭詭石於左偏。時人稱爲三絕。由是香之名盛於南曲。四方才士。爭一識以爲榮。○左傳昭公二十八年。初叔向欲娶於申公巫臣氏。其母欲娶其黨。叔向曰。吾母多而庶鮮。吾懲舅氏矣。其母曰。子靈之妻。殺三夫一君一子。而亡一國兩卿矣。可無懲乎。吾聞之。甚美必有甚惡。是鄭穆少妃姚子之子。子貉之妹也。子貉早死無後。而天鍾美於是。將必以是大有敗也。昔有仍氏生女。黥黑而甚美。光可以鑑。名曰元妻。樂正后夔取之。生伯封。實有豕心。貪惏無厭。忿類無期。謂之封豕。有窮后羿滅之。夔是以不祀。且三代之亡。共子之廢。皆是物也。汝何以爲哉。夫有尤物。足以移人。苟非德義。則必有禍。

遂爾握巫峰之暮雨。

宋玉高唐賦。昔者楚襄王。與宋玉遊於雲夢之臺。望高唐之

桃花扇傳奇

後序詳註卷三

辛

觀其上獨有雲氣。崢嶸兮直上。忽兮改容。須臾之間。變化無窮。
王問玉曰。此何氣也。玉對曰。所謂朝雲者也。王曰。何謂朝雲。
玉曰。昔者先生嘗遊高唐。怠而晝寢。夢見一婦人。曰。妾巫山
之女也。爲高唐之客。聞君遊高唐。願薦枕席。王因幸之。去而
辭曰。妾在巫山之陽。高邱之阻。旦爲朝雲。暮爲行雨。朝朝暮
暮。陽臺之下。旦朝視之。如言。故爲立廟。號曰朝雲。○天中記
巫山十二峰。曰望霞峰。翠屏峰。朝雲峰。松巒峰。集仙峰。聚鶴
峰。淨壇峰。上昇峰。起雲峰。飛鳳峰。登龍峰。聖水峰。○楊炯少

桃花扇傳奇

後序詳註卷二

至

室山少姨廟碑陽臺之下暮雨潛通

攜洛浦之晴雲

曹植洛神賦昭明文選大臣註記曰。魏東阿王。漢末求甄逸
女。旣不遂。太祖回。與五官中郎將植殊不平。晝思暮想。廢寢
與食。黃初中入朝。帝示植甄后玉鏤金帶枕。植見之。不覺泣。
時已爲郭后讒死。帝意亦尋悟。因令太子留晏飲。仍以枕賚
植。植還。輶轅少許時。將息洛水上。思甄后。忽見女來。自云我
本託心君王。其心不遂。此枕是在我家時從嫁。前與五官中

郎將令與君王。遂用薦枕席。懽情交集。豈常辭能具。爲郭后以糠塞口。今被髮羞將此形貌。重覩君王。爾言訖。遂不復見所在。遣人獻珠於王。王答以玉珮。悲喜不能自勝。遂作感甄賦。後明帝見之。改爲洛神賦。○張衡思元賦召洛浦之宓妃。○李商隱蜀中離席詩江上晴雲雜雨雲。三四千里之星娥。朱絲繫足。

李商隱海客詩海客乘槎上紫氛。星娥罷織一相聞。○李復言續幽怪錄杜陵韋固少孤。思早娶婦。多歧求婚不成。貞觀桃花扇傳奇。後序詳註卷三。

三

二年。將遊清河。旅次宋城南店。客有以前清河司馬潘昉女爲議者。來旦期店西龍興寺門。固以求之意切。旦往焉。斜月尙明。有老人倚巾囊。坐於階上。向月檢書。覘之不識其字。固問曰。老父所尋者何書。固少小苦學字書。無不識者。西國梵字。亦能讀之。惟此書目所未覲。如何。老人笑曰。此非世間書。君何因得見。固曰。然則何書也。曰。幽冥之書。固曰。幽冥之人。何以到此。曰。君行自早。非某不當來也。凡幽吏皆主生人之事。可不行其中乎。今道途之行。人鬼各半。自不辨耳。固曰。然

則君何主。曰。天下之婚牘耳。固喜曰。固少孤。願早娶。以廣後嗣。爾來十年。多方求之。竟不遂意。今者人有期此。與議潘司馬女。可以成乎。曰。未也。君之婦適三歲矣。十七當入君門。固問囊中何物。曰。赤繩子。以繫夫婦之足。雖讐敵之家。貧賤懸隔。天涯從宦。吳楚異鄉。此繩一繫。終不可遑。君之脚已繫於彼矣。他求何益。○鮑照代白頭吟。直如朱絲繩。

二十八字之月老。素箋盟心。

桃花扇傳奇

後序評註卷三

三

王直方詩話。白藕作花風已秋。不堪殘睡更回頭。晚雲帶雨歸來急。去作西窻一夜愁。此趙德麟細君王氏所作也。德麟鰥居。因見此篇。遂娶之。予以爲此二十八字媒也。○揚雄方言。扇。白關而東謂之筴。自關而西謂之扇。

百寶箱中。珍藏便面。

馬祖常宮詞。八姨粉翠錫千箱。脂盞新粧百寶勻。○前漢書。張敞列傳。敞爲京兆。朝廷每有大議。引古今。處便宜。公卿皆服。天子數從之。然敞無威儀。時罷朝會。過走馬章臺街。使御吏驅白以便面拊馬。師古曰。便面。所以障面。蓋車之類也。不

欲見人。以此自障面。則得其便。故曰便面。亦曰屏面。今之沙門所持竹扇。上表平而下圓。卽古之便面也。

雙鉤簾下。鑒賞聚頭。

〔元稹禁中玩月詩〕玉鉤簾下影沉沉。○〔劉元卿賢奕篇〕摺疊扇一名撒扇。蓋收則摺疊。用則撒開。或寫作𦏧者。非是。𦏧卽團扇。可以遮面。故又謂之便面。觀前人題咏及圖畫中可見矣。聞撒扇始於永樂中。因朝鮮國進撒扇。上喜其卷舒之便。命工如式爲之。南方女人皆用團扇。惟妓女用撒扇。近年良

桃花扇傳奇

後序詳註卷二

壺

家女婦亦有用撒扇者。○〔張東海集〕中國古無摺扇。嘗見王秋澗記。元初東南夷使者持聚頭扇。當時譏笑之。我朝永樂初始有。特僕隸下人所持。以便事人耳。及倭國充貢。太宗偏賜羣臣。內府又倣其制。以供賜予。天下迨徧用之。而團扇革矣。○〔春風堂隨筆〕今世所用摺疊扇。亦名聚頭扇。吾鄉張東海先生以爲貢於東夷。永樂間始盛行於中國。予見南宋以來詩詞咏聚頭扇者頗多。予收得楊妹子所寫絹扇面。摺痕尙存。東坡謂高麗白松扇。展之廣尺餘。合之止兩指許。正今

摺扇。蓋自北宋已有之。倭人亦製爲泥金面烏竹骨充貢出。自東夷果然。

所謂摺疊雖輕。才子投一時之贈。

左傳文公十八年。昔高陽氏有才子八人。○潘岳西征賦。終童山東之英妙。賈生洛陽之才子。○祖咏酬李別駕詩。所愧能投贈。

咏題甚重。麗人定百歲之情焉。

宋无甘露寺放舶至瓜州詩。題咏記曾經。○曹植洛神賦。靚桃花扇傳奇。後序詳註卷三。

五

一麗人於巖之畔。○詩唐風葛生篇。百歲之後。○樂府古題要解。定情篇。漢繁欽所作也。言婦人不能以禮從人。而自相悅媚。乃解衣服。翫好致之。用叙綢繆之志。而期於山隅山陽。山西山北。終而不答。乃自悔焉。

其奈文章憎達。旣落第於吳宮。

杜甫天末懷李白詩。文章憎命達。○唐詩紀事。開元中進士唱第。尙書省落第者。至省門散去。○白居易把酒思閒事詩。乞錢羈客面。落第舉人心。○廣輿記。江南蘇州府古蹟。吳宮。

吳縣界。吳王離宮也。○李白登金陵鳳凰臺詩。吳宮花草埋幽徑。

適值兵牒求援。則從戎於洛水。

白居易新樂府折臂翁篇。是時翁年二十四。兵部牒中有名字。○杜審言贈蘇綰書記詩。知君書記本翩翩。爲許從戎赴朔邊。○廣輿記河南河南府山川。洛水府城南。經偃師宜陽永寧鞏縣界。禹治水時。神龜負書出此。○劉滄寓居寄友人詩。夕陽雲盡嵩峰出。遠岸烟消洛水平。

桃花扇傳奇

後序詳註卷二

美

遠入蓮花之幕。郎是參軍。

南史庾杲之列傳。庾杲之字景行。新野人也。○王儉謂人曰。

昔袁公作衛軍。欲用我爲長史。雖不獲就。要是意向如此。今

亦應須我輩人也。乃用杲之爲衛將軍長史。安陸侯蕭繹與

儉書曰。盛府元僚。實難其選。庾景行泛淥水。依芙蓉。何其麗

也。時人以儉府爲蓮花池。故緬書美之。○韓偓寄湖南從

事詩。蓮花幕下風流客。○晉書職官志。諸公及開府位從公。

爲持節都督。增叅軍爲六人。

按叅軍之職。有錄事叅軍。記室叅軍。中兵叅軍。行叅軍。等名。皆

三公
屬官。

獨登楊柳之樓。妾爲思婦。

〔王昌齡聞怨詩〕聞中少婦不曾愁。終日凝粧上翠樓。忽見陌頭楊柳色。悔教夫婿覓封侯。〔陸機爲顧彥先贈婦詩〕東南有思婦。長歎充幽閨。借問歎何爲。佳人眇天末。遊宦久不歸。山川脩且澗。形影參商乖。音息曠不達。離合非有常。譬彼弦與箏。願保金石軀。慰妾長饑渴。

感時撫景。慘淡吟詩。

桃花扇傳奇

後序詳註卷三

三

〔古詩十九首〕此物何足貴。但感別經時。〔陳旅題米元章漂陽溪山圖〕撫景正若此。別離嗟願違。〔杜甫送從弟亞赴河西判官詩〕踴躍常人情。慘淡苦士志。

觀物懷人。淒涼玩扇。

〔蔡邕童幼胡根碑〕聞言斯識。觀物知名。〔詩周南卷耳篇〕嗟我懷人。〔李白留別曹南羣官之江南詩〕懷君路綿邈。覽古情淒涼。

籠藏袖裏。弗捨撲蝴蝶之風。

徐陵春情詩年芳袖裏出春色黛中安。誠齋詩話東京二月十二日曰花朝爲撲蝶會。高啟扇詩驅螢臨几席撲蝶近欄杆。徐璣梅花詩片細俄隨蛺蝶風。

繫近褰腰留待殉鴛鴦之塚。

吳均續齊諧記會稽趙文韶爲東宮扶侍坐清溪中橋與尚書王叔卿家隔一巷相去二百步許秋夜嘉月悵然思歸倚門唱西夜烏飛曲其聲甚哀忽有青衣婢年十五六前曰王家娘子白扶侍聞君歌聲有閒人逐月遊戲遣相問耳時桃花扇傳奇後序詳註卷二

五

未息文韶不之疑委曲答之急邀相過須臾女到年十八九行步容色可憐猶將兩婢自隨問家在何處舉手指王尚書宅曰是聞君歌聲故來相詣豈能爲一曲耶文韶卽爲歌草生盤石音韻清暢又深會女心乃曰但令有疑何患不得水顧謂婢子還取箜篌爲扶侍鼓之須臾至女爲酌兩三彈冷泠更增楚絕乃令婢子歌繁霜自解褰帶繫箜篌腰叩之以倚歌歌曰日暮風吹葉落依枝丹心寸意愁君未知歌繁霜侵曉幕何意空相守坐待繁霜落歌闌夜已久遂相與燕寢

竟四更別去。脫金簪以贈文韶。文韶亦答以銀腕白琉璃七
各一枚。旣明。文韶出。偶至清溪廟。歇。神坐上見椀甚疑。而悉
委之。屏風後則琉璃匕在焉。篋篋帶縛如故。祠廟中惟女姑
神像。青衣婢立在前。細視之。皆夜所見者。於是遂絕。當宋元
嘉五年也。○南史齊魚腹侯子響列傳。密作啟數紙。藏妃王
氏裙腰中。具自申明。○形管集韓憑爲宋康王舍人。妻何氏
美。王欲奪之。乃造青陵臺而望焉。奪何囚。憑何乃作烏鵲歌
二首以見志。又作書答夫。憑得書自殺。何卽陰腐其衣。與王
桃花扇傳奇

後序詳註卷三

堯

登臺遽自投下。得遺書於帶間。曰。願以屍還韓氏合塋。王大
怒。令分埋之。兩塚相望。經宿。忽有梓木各生於塚。枝連於上。
根交於下。又有烏如鴛鴦。常雙棲其樹。朝夕悲鳴。人皆謂韓
憑夫婦之精魂也。

紅粉於房中計日。正自含愁。

杜審言贈蘇綰書記詩紅粉樓中應計日。燕支山下別經年。
青衣於樓下催粧。忽令改志。

蔡邕青衣賦。噉噉青衣。○東京夢華錄凡娶婦。先一日下催

狴冠帔花粉。

緣以中堂薦美。驅象而送向蛇吞。

〔新唐書百官志〕初三省長官議事於門下省之政事堂。其後裴炎自侍中遷中書令。乃徙政事堂於中書省。開元中張說爲相。又改政事堂號中書門下。列五房於其後。○〔杜甫〕莫相疑行。集賢學士如堵牆。視我落筆中書堂。○〔庾信〕羽調曲踰桂林而驅象。○〔山海經〕海內南經。巴蛇食象。三歲而出其骨。○〔楚辭〕天問。靈蛇吞象。厥大何如。

桃花扇傳奇

後序評註卷三

卒

亦因開府覓姬。釣鯉而毆由獺祭。

〔晉書職官志〕開府儀同三司。漢官也。殤帝延光元年。鄧騭爲車騎將軍。儀同三司。儀同之名。始自此也。及魏黃權以車騎將軍開府。儀同三司。開府之名。起於此也。○〔左思〕吳都賦。雖復臨河而釣鯉。○〔孟子〕故爲淵毆魚者。獺也。○〔呂氏春秋〕孟春紀獺祭魚。

香君則冰凝作骨。日出當心。

〔程俱〕古釣臺歌。彼一人兮咬獨立。清風爲神冰爲骨。○〔韓憑〕

妻咨夫歌其雨淫淫。河大水深。日出當心。王得詩以問蘇賀。蘇賀曰。雨淫淫。愁且思也。河水深。不得往來也。日當心。死志也。

不樂求鳳。寧甘打鴨。

韓憑妻烏鵲歌。烏鵲高飛。不樂鳳凰。妾是庶人。不樂宋王。

史記司馬相如列傳。司馬相如者。蜀郡成都人也。字長卿。

素與臨邛令王吉相善。吉曰。長卿久宦遊不遂。而來過我。於是相如往舍都亭。

桃花扇傳奇

後序詳註卷三

空

爲具召之。並召令。酒酣。臨邛令前奏琴。曰。竊聞長卿好之。願以自娛。相如辭謝。爲鼓一再行。是時卓王孫有女文君新寡。好音。故相如繆與令相重。而以琴心挑之。相如之臨邛。從車騎。雍容閒雅甚都。及飲卓氏弄琴。文君竊從戶窺之。心悅而好之。恐不得當也。既罷。相如乃使人重賜文君侍者。通殷勤。文君夜亡奔相如。索隱曰。其詩曰。鳳兮鳳兮。歸故鄉。遨遊四海。求其凰。有一豔女在此堂。室邇人遐。毒我腸。何由交接。爲鴛鴦。又曰。鳳兮鳳兮。從凰棲。得托子尾。永爲妃。交情

通體必和諧。中夜相從別有誰。○趙今時侯鯖錄宣城守呂
士龍好緣微罪杖營妓。後樂籍得一客娼。妙麗善歌。有聲於
江南。士龍眷之一日。復欲杖營妓朱麗華。麗華曰。不遵杖。但
恐新到某人不安耳。士龍笑而從之。麗華短肥。故梅聖俞作
莫打鴨詩以解之。曰。莫打鴨。打鴨驚鴛鴦。鴛鴦新自南洲落。
不比孤洲老禿鶻。禿鶻尚有獨飛去。何況鴛鴦羽翼長。
擲去香囊之聘。弗愛彼瑟瑟珠衫。

繫欽定情篇。何以致叩叩。香囊繫肘後。○舊唐書德宗本紀

桃花扇傳奇

後序詳註卷三

空

陝州盧氏山治出瑟瑟。請以充貢。○博雅瑟瑟碧珠也。○前
漢書霍光列傳。太后被珠襦盛服。坐武帳中。

罵回油壁之車。徒駕到。○瑟瑟。繡轂。

蘇小小歌。妾乘油壁車。郎騎青驄馬。何處結同心。西泠松柏

下。○詩秦風車鄰篇。有車鄰鄰。○元稹代曲江老人詩。沸天

雷殷殷。匝地轂鄰鄰。○虞世南門有車馬客行。赭汗千金馬。

繡轂五香車。

而且粧崩墜馬。金投約指於樓窗。

後漢書五行志桓帝元嘉中京都婦女作愁眉啼粧墜馬髻折腰步齟齬笑所謂愁眉者細而曲折啼粧者薄拭目下若啼處墜馬髻者作一邊折腰步者足不在體下齟齬笑者若齒痛樂不欣欣始自大將軍梁冀家所爲京師翕然諸夏皆倣效○西京雜記戚姬以百鍊金爲彊環○繁欽定情篇何以致殷勤約指一雙銀○王勃七夕賦王母瓊箱薦金約髻壞盤龍玉觸搔頭於柱礎

崔豹古今注盤龍釵梁冀婦所制又長安婦人好爲盤桓髻

桃花扇傳奇

後序詳註卷三

三

到於今其法不絕○西京雜記武帝過李夫人就取玉簪搔頭自是後宮人搔頭皆用玉玉價倍貴焉○褚載句躡蹠馬搖金絡腦嬋娟人墜玉搔頭○淮南鴻烈解說林訓山雲蒸柱礎潤○正韻礎柱下石

舞非如意鄧夫人血滴眉尖

王嘉拾遺記孫和悅鄧夫人常置膝上和於月下舞水精如意誤傷夫人頰血流污袴嬌妮彌苦自舐其瘡命太醫合藥醫曰得白癩髓雜玉與琥珀屑當滅此痕卽購致百金能得

白獺髓者厚賞之。有富春漁人云。此物知人欲取。則逃入石穴。伺其祭魚之時。獺有鬪死者。穴中應有枯骨。雖無髓。其骨可合玉春爲粉。歆於瘡上。其痕則滅。和乃命合此膏。琥珀太多。及差。而有赤點如朱。逼而視之。更益其妍。諸嬖人欲邀寵者。皆以丹脂點頰。而後進幸。○蘇軾詞學畫鴉兒猶未就。眉尖已作傷春縷。

傷豈飛刀。韋娘子紅淋額角。

續幽怪錄接朱絲繫足句註他求何益下曰。固妻安在其家。
桃花扇傳奇 後序詳註卷二

卷

何爲。曰。此店北賣菜陳嫗女耳。固曰。可見乎。曰。陳常抱之來賣菜。於是能隨我行。當示君。及明。所期不至。老人捲書揭囊而行。固逐之。入菜市。有眇嫗抱三歲女。敝陋亦甚。老人指曰。此君之妻也。固怒曰。殺之可乎。老人曰。此人命當食大祿。因子而食邑。庸可殺乎。老人遂隱。固磨一小刀。付其奴曰。汝素幹事。能爲我殺彼女。賜汝萬錢。奴曰。諾。明日袖刀入菜肆中。於衆中刺之而走。一市紛擾。奔走獲免。問奴曰。所刺中否。曰。初疑刺其心。不幸方中眉間耳。後求婚娶不遂。又十四年以

父蔭叅栢州軍。刺史王泰。俾攝司戶椽。專鞫獄。以爲能。因妻以女。年可十六七。容色華麗。固稱愜之極。然其眉間常貼一花鈿。雖沐浴閒處。未嘗誓去。歲餘。固逼問之。妻潸然曰。妾郡守之猶子。非其女也。疇昔父曾宰宋城。終於官。時妾在襁褓。母兄次歿。惟一莊在宋城南。與乳母陳氏居。去店近。鬻蔬以給朝夕。陳氏憐妾幼小。不忍誓棄。三歲時。抱行市中。爲狂賊所刺。刀痕尚在。故以花子覆之。七八年間。叔從事盧龍。遂得在左右。以爲女嫁君耳。固曰。陳氏眇乎。曰。然。何以知之。固曰。所刺者。固也。乃曰。奇也。因盡言之。相敬愈極。後生男鯁。爲鴈門太守。封太原夫人。知陰陽之定。不可變也。宋城宰聞之。題其店曰。定婚店。○北史奚康生列傳。飛刀亂斫。○庾信舞嬌娘樂府。眉心濃黛直點額。角輕黃細安。

遂致扇似團圓明月。灑來幾點流星。

班婕妤怨歌行。新製齊紈素。皎潔如霜雪。裁成合歡扇。團圓似明月。出入君懷袖。動搖微風發。常恐秋節至。涼颼歛炎熱。棄捐篋笥中。恩情中道絕。○溫庭筠三洲詞。團圓莫作波中。

桃花扇傳奇

後序詳註卷三

奎

月。庾信燈賦風起則流星細落。

詩如李杜文章。迸起一層光焰矣。

韓愈調張籍詩。李杜文章在。光焰萬丈長。

時則豪強難忤。猿亡而必致魚殃。

前漢書翟方進列傳。搏擊豪強。京師畏之。○魏收移梁檄。但恐楚國亡猿。禍延林木。城門失火。殃及池魚。

委曲求全。桃僵而何妨李代。

陶潛感士不遇賦。寧固窮以濟急。不委曲而累已。○古辭雞

桃花扇傳奇

後序詳註卷三

亥

鳴曲。桃生露井上。李樹生桃旁。蟲來齧桃根。李樹代桃僵。

麗娘惜女。竟以身充。

朱彞尊明詩綜。李貞麗字淡如。桃葉妓。○按李貞麗詳侯方域李姬傳。○駱

賓王爲徐敬業討武曌檄。昔以身充下陳。○按傳奇稱李貞麗代香君嫁田仰。

香女離娘。惟餘影對。

李白擣衣篇。聞裏佳人年十餘。顰蛾對影恨離居。

梨花雲裏。傷魂只有夢懷人。

王建夢梨花雲歌。薄薄落落路不分。夢中喚作梨花雲。○顏

真卿石尊聯句離別益傷魂。○詩周南卷耳篇嗟我懷人。
燕子樓中啼眼更誰愁似我。

百居易燕子樓詩三首並序徐州故張尚書有愛妓曰盼盼
善歌舞雅多風態予爲校書郎時遊徐泗間張尚書宴予酒
酣出盼盼以佐歡歡甚予因贈詩醉嬌勝不得風嫋牡丹花
盡歡而去爾後絕不相聞迨茲僅一紀矣昨日司勳員外張
仲素續之訪予因吟新詩有燕子樓三首詞甚婉麗詰其由
爲盼盼作也續之從事武寧軍累年頗知盼盼始末云尚書

桃花扇傳奇

後序詳註卷三

李

旣歿歸葬東洛而彭城有張氏舊第第中有小樓名燕子盼
盼念舊愛而不嫁居是樓十餘年幽獨塊然於今尚在予愛
續之新咏感彭城舊遊因同其題作三絕句滿窓明月滿簾
霜被冷燈殘拂臥床燕子樓中霜月夜秋來只爲一人長鈿
暈羅彩色似烟幾回欲着卽潸然自從不舞霓裳曲疊在空
箱十一年今春有客洛陽回曾到尚書墓上來見說白楊堪
作柱爭教紅粉不成灰又感故張僕射諸妓詩黃金不惜買
蛾眉揀得如花四五枝歌舞教成心力盡一朝身去不相隨

○將一蔡堯山堂外紀此詩爲諷盼盼而作盼盼得詩反覆
讀之泣曰自我公薨背妾非不能死恐百載之後人以我公
重色有從死之妾是玷我公清範也乃答白公詩曰自守空
房恨斂眉形同春後牡丹枝舍人不曾人深意謂道泉臺不
去隨旬日不食而死○麗情集關盼盼者徐之絕色也張建
封鎮武寧納之建封歿盼盼不嫁有燕子樓詩三首樓上殘
燈伴曉霜獨眠人起合歡牀相思一夜情多少地角天涯未
是長北邙松柏鎖愁眉燕子樓中思悄然自埋劍履歌塵絕
桃花扇傳奇後序詳註卷二 矣

紅袖香消二十年。適看鴻鴈岳陽回。又觀元會遍社來。瑤瑟
玉簫無意緒。任從蛛網任從灰。○白居易柳詩葉含濃露如
啼眼。枝嫋輕風似舞腰。○蘇軾分火詩鑽研安然誰似我。

乃有石城舊令粉署閒曹。

廣輿記江南江寧府古蹟石頭城。在府治西。據石頭山爲城。
諸葛亮稱石城虎踞卽此。○後漢書章帝本紀勉思舊令。○
漢官儀尙書省中皆胡粉塗壁。故曰粉署。○白帖諸曹郎曰
粉署。亦曰仙署。○張籍咏懷詩都無作官意。賴得在閒曹。○

明史楊文驄列傳楊文驄字龍友貴陽人浙江叅政師孔子萬曆末舉於鄉崇禎時官江寧知縣御史詹兆恒劾其貪污奪官候訊事未竟福王立於南京文驄戚馬士英當國起兵部主事歷員外郎中皆監軍京口以金山踞大江中控制南北請築城資守禦從之文驄善書有文藻好交遊干士英者多緣以進其爲人豪俠自喜頗推獎名士士亦以此附之明年遷兵備副使分巡常鎮二府監大將鄭鴻達鄭彩軍及文驄駐金山扼大江而守五月朔擢右僉都御史巡撫其

桃花扇傳奇

後序詳註卷二

完

大清兵隔江相持

地兼督沿海諸軍文驄乃還駐京口合鴻達等兵南岸與

大清兵編大筏置燈火夜放之中流南岸軍發礮石以爲克敵也日奏捷初九日

大清兵乘霧潛濟迫岸諸軍始知倉皇列陣甘露寺鐵騎衝之悉潰文驄走蘇州十三日

大清兵破南京百官盡降命鴻臚寺卿黃家鼐往蘇州安撫文驄襲殺之遂走處州時唐王已自立於福州矣初唐王在鎮江時與

文驄好。至是文驄遣使奉表稱賀。鴻達又數薦。乃拜兵部右侍郎。兼右僉都御史。提督軍務。令圖南京。加其子鼎卿右都督。太子太保。鼎卿士英甥也。士英遣迎福王。遇王於淮安。王貧窶甚。鼎卿賜給之。王與定布衣交。以故寵鼎卿甚。及鼎卿上謁。王以故人子遇之。獎其父子。擬以漢朝大小耿。然其父子以士英故。多爲人詆譏。明年衢州告急。誠意侯劉孔昭亦駐處州。王令文驄與共援衢。七月。

大清兵至。文驄不能禦。退至浦城。爲追騎所獲。與監紀孫臨俱不降。被

桃花扇傳奇

後序詳註卷三

年

戮

○余懷板橋雜記。龍友名文驄。以詩畫名。華亭董文敏亟

賞之。

按傳奇稱龍友取香君血。漱之扇。就血痕作折枝桃花。

竊將點口之脂。分來染扇。

〔劉熙釋名首飾篇〕唇脂。以丹作之。象唇赤也。○〔唐〕白官志中

尚署。臘日獻口脂。面脂。頭膏。○〔楊萬里〕新荔枝詩。一點臙脂

染蒂旁。

借用畫眉之筆。誓以描花。

前漢書張敞列傳。又爲婦畫眉。長安中傳張京兆眉無有司

以奏敵。上問之。對曰。臣聞閨房之內。夫婦之私。有過於畫眉者。○歐陽修詞。弄筆俚人久。描花試手初。

趙合德裾上津華。變作○都嫩蕊。

俗○飛燕外傳。接溫柔佳話。註合德尤幸號爲趙婕妤。何婕妤。好事。后常爲兒拜。后與婕妤坐。后誤唾婕妤。婕妤曰。姊唾染人紺衷。正似石上華。假令尙方爲之。未必能如此衣之華。以爲石華廣衷。○玉京經○都在玉京山。有七寶城。太上無極大道玉虛皇君之所治也。○劉禹錫元和十一年自朗州桃花扇傳奇。後序詳註卷三。

主

召至京戲贈看花諸君子。紫陌紅塵拂面來。無人不道看花回。○都觀裏桃千樹。盡是劉郎去後栽。○杜甫江上獨步尋花七絕句。嫩蕊商量細細開。

薛靈芸壺中唾色。化成度索蟠根。

王嘉拾遺記。魏文帝所愛美人。姓薛。名靈芸。常山人也。父名鄴。爲鄧鄉亭長。母陳氏。隨鄴舍於亭旁。居生窮賤。至夜。每聚鄰婦夜績。以麻蒿自照。靈芸年至十五。容貌絕世。鄰中少年夜來竊窺。終不得見。咸熙元年。答習出守常山郡。聞亭長有

美女而家甚貧。時文帝選良家子女以入六宮。習以千金寶
賂聘之。既得。乃以獻文帝。靈芸聞之。別父母。歔歔累日。淚下
霑衣。至升車就路之時。以玉唾壺承淚。壺則紅色。既發常山
及至京師。壺中淚凝如血。○應劭風俗通義祀典類。謹按黃
帝書。上古之時。有荼與鬱壘。昆弟二人。性能執鬼。度索山上
章桃樹下。簡閱百鬼。無道理妄爲人禍害。荼與鬱壘縛以葦
索。執以飼虎。於是縣官常以臘除。飾桃人。垂葦茱。畫虎於門。
皆追效其前事。冀以衛凶也。○杜甫冬日洛城北謁元皇
桃花扇傳奇 後序詳註卷三

三

帝廟詩仙李蟠根大。

扇喚桃花。歌臺曾有。

晏殊詞。舞低楊柳樓心月。歌盡桃花扇底風。○呂令問雲中
古城賦。歌臺舞榭。月殿雲堂。

紅叨人面。畫苑所稀矣。

孟榮本事詩。博陵崔護。資質甚美。而孤潔寡合。舉進士下第。
清明日。獨遊都城南。得居人莊。一畝之宮。而花木叢萃。寂若
無人。叩門久之。有女子自門隙窺之。問曰。誰也。以姓字對曰。

桃花扇傳奇

後序詳註卷二

七

尋春獨行。酒渴求飲。女入以杯水至。開門設牀命坐。獨倚小
桃斜柯佇立。而意屬殊厚。嬌姿媚態。綽有餘妍。崔以言挑之。
不對。目注者久之。崔辭去。送至門。如不勝情而入。崔亦睖盼
而歸。嗣後絕不復至。及來歲清明日。忽思之情不可抑。徑往
尋之。門牆如故。而已鎖扃之。因題詩於左扉曰。去年今日此
門中。人面桃花相映紅。人面祇今何處去。桃花依舊笑東風。
後數日。偶至都城南。復往尋之。聞其中有哭聲。叩門問之。有
老父出曰。君非崔護耶。曰是也。又哭曰。君殺吾女。護驚怕。莫
知所答。老父曰。吾女笄年知書。未適人。自去年以來。常恍惚
若有所失。比日與之出。及歸。見左扉有字。讀之。入門而病。遂
絕食數日而死。吾老矣。此女所以不嫁者。將求君子以託吾
身。今不幸而殞。得非君殺之耶。又持崔大哭。崔亦感慟。請入
哭之。尚儼然在牀。崔舉其首枕其股。哭而祝曰。某在斯。某在
斯。須臾開目。半日復活矣。父大喜。遂以女歸之。○柳貫三月
十日觀南安趙使君所藏書畫古器物詩穰穰畫苑姑撥棄。
伸眉更請評法書。

詎知節屆靈辰。貴介賞鍾山雪景。

歐陽修水谷夜行寄蘇子美詩。我來夏云暮。素節今已屆。

揚雄甘泉賦。歷吉日。協靈辰。左傳襄公二十六年。天子爲

王子圍寡君之貴介弟也。韋昭吳錄。劉備曾使諸葛亮至

京觀秣陵山阜。歎曰。鍾山龍蟠。石城虎踞。真帝王之宅也。

按鍾

山改名蔣山。
見上蔣阜句。

渡名桃葉名姬奏玉樹歌聲。

廣輿記江南江寧府關梁桃葉渡。在秦淮口。王獻之愛妾名

桃花扇傳奇。後序詳註卷三

岳

桃葉嘗渡此。獻之作歌送之。古今樂錄。晉王獻之愛妾名

桃葉。妹曰桃根。獻之嘗臨渡作歌以送之。曰。桃葉復桃葉。渡

江不用楫。但渡無所苦。我自來迎接。又曰。桃葉復桃葉。桃葉

連桃根。白居易代書詩。一百韻寄微之。徵伶皆絕藝。選妓

悉名姬。白居易後宮詞。夜深前殿按歌聲。按玉樹。見陳書
後主本紀。已詳

大捨
句註。

錦席旣張。香君與侍。

杜甫重泛鄭監前湖詩。錦席淹留還出浦。

命如斯薄。誰不畏丞相天威。

蔣防霍小玉傳。我爲女子。薄命如斯。○晉書職官志丞相相國並秦官也。○明史職官志自洪武十三年罷丞相。不設析中書省之政。歸六部。以尙書任天下事。侍郎貳之。而殿閣大學士祇備顧問。帝方自操威柄。學士鮮所參決。○三國志蜀書諸葛亮列傳。裴松之註引漢晉春秋。亮在南中。所在戰捷。聞孟獲者爲夷漢所並服。募生致之。旣得。使觀於營陣之間。問曰。此軍何如。獲對曰。向者不知虛實。故敗。今蒙賜觀看營陣。若祇如此。卽定易勝耳。亮笑。縱使更戰。七縱七擒。而亮猶遣獲。獲止不去。曰。公天威也。南人不復反矣。

情有所鍾。儂已作使君新婦。

晉書王衍列傳。衍嘗喪幼子。山簡弔之。衍悲不自勝。簡曰。孩抱中物。何至於此。衍曰。聖人忘情。最下不及於情。然則情之所鍾。正在我輩。簡服其言。更爲之慟。○正韻俗謂我爲儂。○

韓愈灋吏詩。儂幸無負犯。○又鱣魚大於船。牙眼怖殺儂。○古

樂府陌上桑。使君白有婦。○古詩爲焦仲卿妻作。新婦謂府

桃花扇傳奇

後序詳註卷三

七

吏無復重紛紜。

不覺頰潮紅暈。忿忿而言。

陸游宴西樓詩。酒暈徐添玉頰紅。阮瑤爲曹公與孫權書。用是忿忿懷慙反側。

眉蹙青顰。申申以詈。

秦觀和子瞻雙石詩。春眉鏡中蹙。杜甫江月詩。滅燭翠眉顰。楚辭離騷經。女嬃之嬋娟兮。申申其詈予。朱子集註。女嬃屈原姊也。嬋娟眷戀牽持之意。申申舒緩貌也。

桃花扇傳奇

後序詳註卷三

美

熱雖炙手。危如燕雀之堂。

新唐書崔鉉列傳。宣宗初。擢河中節度使。以御史大夫召用。會昌故官輔政。進尚書左僕射。兼門下侍郎。封博陵郡公。鉉所善者。鄭魯。楊紹復。段瓌。薛蒙。頗叅議論。時人語曰。鄭楊段薛炙手可熱。欲得命通。魯紹瓌蒙。孔叢子論勢篇。秦兵攻趙。魏大夫以爲於魏便。子順曰。何謂也。曰。勝趙則吾因而服焉。不勝趙。則可乘敝而擊之。子順曰。不然。秦自孝公以來。戰未嘗屈。今皆良將。何敝之乘。大夫曰。縱其勝趙。於我何損。鄰

之不修。國之福也。子順曰。秦貪暴之國也。勝趙必復他求。吾恐於時受其師也。先人有言。燕雀處屋。子母相哺。煦煦然其相樂也。自以爲安矣。竈突炎上。棟宇將焚。燕雀顏不變。不知禍之及已也。今子不悟。趙破患將及已。可以人而同於燕雀乎。

焰縱薰天。醜是麒麟之植。

宋史韓侂胄列傳。羣小阿附。勢焰薰灼。陸機演連珠。虐暑

薰天。朝野僉載。楊炯每呼朝士爲麒麟植。曰。今之弄假麒

桃花扇傳奇

後序詳註卷三

老

麟者。必刻割頭角。修飾皮毛。覆之驢上。宛然異物。及去皮褐。依然驢耳。無德而朱紫。何以異是。

女灌夫詞鋒怒挺。滿座俱驚。

史記魏其武安侯列傳。灌將軍夫者。潁陰人也。爲人剛直。

使酒。不好面諛貴戚。諸有勢在己之右。不欲加禮。必陵之。諸士在己之左。愈貧賤。尤益敬與鈞。及魏其侯失勢。亦欲倚。

灌夫引繩批根。生平慕之後棄之者。灌夫亦倚魏其而通列侯宗室。爲名高。兩人相爲引重。武安由此大怨灌夫魏其。

夏丞相娶燕王女爲夫人。有太后詔。列侯宗室皆往賀。其侯過灌夫。又強與俱飲酒酣。武安起爲壽。坐皆避席伏。曰。

魏其侯爲壽。獨故人避席耳。餘半膝席。灌夫不悅。起行酒。至武安。武安膝席曰。不能滿觴。夫怒。因噉笑曰。將軍貴人也。屬之時。武安不肯行酒。次至臨汝侯。臨汝侯方與程不識。耳語。又不避席。夫無所發怒。乃罵臨汝侯曰。生平毀程不識。不值一錢。今日長者爲壽。乃效女兒咕囁耳語。武安謂灌夫曰。程李俱東西宮衛尉。今衆辱程將軍。仲孺獨不爲李將軍地乎。

桃花扇傳奇

後序詳註卷三

吳

灌夫曰。今日斬頭陷胸。何知程李乎。坐乃起更衣。稍稍去。魏其侯去。麾灌夫出。武安遂怒曰。此吾驕灌夫罪。又乃麾騎縛灌夫。置傳舍。召長史曰。今日召宗室有詔。劾灌夫。罵坐不敬。繫居室。○徐陵與楊僕射書。足下素挺詞鋒。○杜牧兵部尙書席上詩。華堂今日綺筵開。誰喚分司御史來。忽發狂言驚滿座。兩行紅粉一時回。○孟榮本事詩。牧爲御史。分務洛陽。時李司徒愿。罷鎮閒居。聲伎豪華。爲當時第一。洛中名士咸謁見之。李乃大開筵席。當時朝客高流。無不臻赴。以杜持憲。

不敢邀致。杜遣座客達意。願與斯會。李不得已。馳書方對花。獨酌亦已酣飲。聞命遽來。時會中已飲酒。女奴百餘人。皆絕藝殊色。杜獨坐南向。睨目注視。引滿三卮。問李曰。聞有紫雲者。孰是。李指示之。杜凝睇良久。曰。名不虛傳。宜以見惠。李俯而笑。諸妓亦回首破顏。杜又自飲二爵。朗吟此詩而起。意氣閒逸。旁若無人。

活林甫腹劍陰藏當腸反怨。

朱子資治通鑑綱目唐明皇天寶二年。李林甫爲相。凡才望桃花扇傳奇

後序詳註卷三

堯

功業出己右者。必百計去之。尤忌文學之士。或陽與之善。而陰陷之。世謂林甫口有蜜。腹有劍。

休休相度。不居殺歌妓之名。

書秦誓其心休休焉。○金史完顏賽不列傳贊臨陣對壘。既有將畧。泊秉鈞衡。殊有相度。○孟浩然春中喜王九相尋詩歌妓莫停聲。

隱隱奸謀。但唆入樂伶之選。

劉向九歎志隱隱而鬱悒。○孫光憲北夢瑣言孔緯拜官教。

坊樂伶繼至。各求利市。

嗣後虬壺聽漏。寂寂長門。

〔張衡漏水轉渾天儀制〕以銅爲器。百疊差置。實以清水。下各開孔。以玉虬吐漏水。入兩壺。右爲夜。左爲晝。○〔王昌齡〕長信宮詞。熏籠玉枕無顏色。卧聽南宮清漏長。○〔杜甫〕清城縣香積寺官閣詩。小院迴廊春寂寂。○〔三輔黃圖〕長門宮。離宮在長安城。孝武陳皇后。得幸頗妒。居長門宮。○〔司馬相如〕長門賦序。孝武皇帝陳皇后。時得幸。頗妒。別在長門宮。愁悶悲思。

桃花扇傳奇

後序詳註卷三

全

聞蜀郡成都司馬相如。天下工爲文。奉黃金百斤。爲相如文君取酒。因於解悲愁之辭。而相如爲文。以悟主上。皇后復得幸。

蟬鬢驚秋。淒淒永巷。

〔馬縞〕中華古今註。魏文帝宮人。絕所愛者。有莫瓊樹。薛夜來。陳尚衣段巧笑。皆日夜在帝側。瓊樹始製爲蟬鬢。望之縹緲如蟬翼。故曰蟬鬢。巧笑始以錦衣絲履。作紫粉拂面。尚衣能歌舞。夜來善爲衣裳。皆爲一時之冠絕。○〔白居易〕井底引銀

瓶樂府。嬋娟兩鬢秋。翼。○盧照隣。晚渡渭橋。寄示京邑同
好詩時。晚鬢驚秋。○詩小雅。四月篇。秋日淒淒。○爾雅。釋宮
宮中術謂之壺。○疏王肅云。今後宮稱永巷。○瑣語。周宣王
夜卧而晏起。后夫人不出於房。姜后既出。乃脫簪珥。待罪於
永巷。使其傳毋通於宣王。曰。妾之淫心見矣。至使君王失禮
而晏起。以見君王之樂色而忘德也。亂之興。從婢子起。敢請
王曰。寡人不德。實自生過。非夫人之罪也。遂復姜后。而勤於
政事。早朝晏退。卒成中興之名。

桃花扇傳奇

後序詳註卷三

全

昭陽日影。樹頭空盼。盡寒鴉。

三輔黃圖。武帝時。後宮八區。有昭陽。飛翔。增成。合歡。蘭林。披
香。鳳凰。鴛鴦。等殿。後有增修。安處。常寧。蒞若。椒風。發若。蕙草
等殿。爲十四位。成帝趙皇后。居昭陽殿。有女弟俱。爲婕妤。貴
傾後宮。昭陽舍蘭房椒壁。其中庭彤朱。而庭上髹漆。砌皆銅
沓。黃金塗。白玉階。壁帶往往爲黃金釭。函藍田璧。明珠翠羽
飾之。自後宮未嘗有焉。○韓偓春盡日詩。樹頭初日照西簷。
○王昌齡長信秋詞。奉帚平明金殿開。且將團扇共徘徊。玉

顏不及寒鴉色。猶帶昭陽日影來。

御苑溝流。葉上又難通錦字。

李適奉和立春遊苑詩。御苑仙宮待獻春。○青瑣高議。唐僖宗時。于祐於御溝中拾得一紅葉。上有詩云。流水何太急。深宮盡日閒。殷勤謝紅葉。好去到人間。祐亦題詩於葉云。曾聞葉上題紅怨。葉上題詩寄阿誰。溝逆流。爲宮女韓翠蘋拾之。後祐託韓詠門館。值帝放宮人三千。詠以韓夫人有同姓之親。作伐嫁祐。成禮之夕。各於箚中取紅葉相視。乃曰。事豈偶桃花扇傳奇。後序詳註卷三。

全

然。詠開宴慶之曰。二人可謝媒矣。韓氏作詩云。一聯佳句隨流水。十載幽思縈素懷。今日得成秦晉會。方知紅葉是良媒。○郎瑛七修類藁。紅葉題詩。凡有五焉。本事詩云。顧況在洛。乘間與三詩友遊苑中。坐流水上。得梧葉題詩云。一入深宮裡。年年不見春。聊題一片葉。寄與有情人。况明日亦題葉。放於上流。詩云。愁見鶯啼柳絮飛。上陽宮女斷腸時。君恩不禁東流水。葉上題詩寄與誰。十餘日客來苑中。又於水上得葉詩以示况。曰。一葉題詩出禁城。誰人酬和獨含情。自嗟不及

桃花扇傳奇

後序詳註卷三

全

波中葉蕩漾。乘春取次行。雲溪友議云。明皇時。楊妃號國寵甚。宮女咸怨。書落葉隨御溝水流。出云。舊寵悲秋扇。新恩寄早春。聊題一片葉。將寄接流人。顧况聞而和之。卽前四句。無後復出之事。又盧渥應舉。拾紅葉於御溝。置之巾笥。及宣宗省放宮人。而盧娶其一。宮人偶覩紅葉。吁嗟曰。當時偶題不意。郎君收藏。遂爲奇事。詩云。流水何太急。深宮盡日閒。殷勤付紅葉。好去到人間。北夢瑣言云。進士李茵嘗遊苑中。見御溝紅葉。題句與盧渥同。玉溪編事云。侯繼圖秋日登大慈寺樓。倚闌。忽木葉飄墜。上有詩曰。拭翠斂愁蛾。爲鬱心中事。擗筆下庭除。書成相思字。此字不書名。此字不書紙。書向秋葉上。願逐秋風起。天下有情人。盡解相思死。談藪以爲雖出多書。止則一事。傳記自異耳。予逐書細考。意此必三事也。雲溪友議第一段。卽本事詩之記也。雖有舊寵新恩二句。韻脚又是焉。知記者非忘之而自補之耶。若李茵者。卽盧渥之事。此北夢瑣言之差記。而事故略焉。不然。何其詩之同耶。侯繼圖之詩。既不同於二人。事亦大異。豈可因題葉而卽爲一事目。

之也。况雲溪友議一書而紀二事。豈有差之理耶。但後之小說流紅記。又訛而爲于祐之事。言多鄙妄。此則可笑。唐則天皇后璿璣圖詩序。前秦苻堅時。秦州刺史扶風竇滔妻蘇氏。陳留令武功蘇道質第三女也。名蕙。字若蘭。智識精明。儀容秀麗。謙默自守。不求顯揚。年十六。歸於竇氏。滔甚敬之。然蘇氏性近於急。頗傷嫉妒。滔字連波。右將軍于真之孫。朗之第二子也。神風偉秀。該通經史。允文允武。時論高之。苻堅委以心膂之任。備歷顯職。皆有政聞。遷秦州刺史。以忤旨。謫戍燉煌。會堅克晉襄陽。慮有危逼。藉滔才畧。詔拜安南將軍。留鎮襄陽。初。滔有寵姬趙陽臺。歌舞之妙。無出其右。滔置之別所。蘇氏知之。求而獲焉。苦加箠辱。滔深以爲恨。陽臺又專伺蘇氏之短。讒毀交至。滔益忿蘇氏。蘇氏時年二十一。及滔將鎮襄陽。邀蘇氏同往。蘇氏忿之。不與偕行。乃攜陽臺之任。絕蘇氏音問。蘇氏悔恨自傷。因織錦爲迴文。五采相宣。瑩心輝目。縱廣八寸。題詩二百餘首。計八百餘言。縱橫反覆。皆爲文章。其文點畫無缺。才情之妙。超今邁古。名曰璿璣圖。然讀者

不能悉通。蘇氏笑曰。徘徊宛轉。自爲語言。非我佳人莫之能解。遂發著頭。齎至襄陽。潛覽之。感其妙絕。因送陽臺之關中。而具車從盛禮。邀迎蘇氏。歸於漢南。恩好愈至。蘇氏所著文詞五千餘言。屬季喪亂。文字散落。追求弗獲。而獨錦字迴文。盛傳於世。朕聽政之暇。留心墳典。散帙之次。偶見斯圖。因述若蘭之多才。復美連波之悔過。遂製此記。聊以示將來也。

○杜甫江月詩。誰家挑錦字。○辛棄疾詞。錦字偷裁。立盡西風雁不來。

桃花扇傳奇

後序詳註卷三

金

懸憶天涯夫婿。雨櫛風餐。

李白惜餘春賦。寄遙影於明月。送夫君於天涯。○古詩陌上桑篇。東方千餘騎。夫婿居上頭。○魏文帝黎陽作。載馳載驅。沐雨櫛風。○鮑照代昇天行。風餐委松宿。

自憐殿角嬋娟。花耀月冷。

楊巨源張郎中段員外初直翰林詩。金鑾殿角直三清。○司空圖遊仙詩。蛾眉新畫覺嬋娟。鬪走將花阿母邊。○孟郊嬋娟篇。花嬋娟。泛春泉。竹嬋娟。籠曉烟。妓嬋娟。不長妍。月嬋娟。

真可憐。○〔范成大梅詩〕人憐疏影瘦。花笑病翁臞。○〔陸龜蒙懷章來二上人詩〕月冷風微宿上方。無何洪河失守。記室從間道逃歸。

〔班固西都賦〕右界褒斜隴首之險。帶以洪河涇渭之川。○〔廣輿記〕江南揚州府山川伊婁河。游龍河。○〔左傳〕宣公十年。凡諸侯之大夫違。告於諸侯曰。某氏之守臣某。失守宗廟。敢告。○〔後漢書百官志〕諸王三公及大將軍幕府皆有記室。掌章表書記文檄。○〔前漢書高祖本紀〕沛公旦日從百騎見羽鴻桃花扇傳奇。後序詳註卷三。

全

門。〔羽〕因留沛公飲。范增數目羽擊沛公。羽不應。〔羽〕有頃沛公起如廁。招樊噲出。置車官屬。獨騎與樊噲斬彊滕公。紀成步。從間道走軍。○〔杜甫〕後出塞詩。中夜間道歸。文社重聯。鈞黨陷園扉禁錮。

〔按〕文社詳復社句。

○〔都城紀勝〕社會文字。則有西湖詩社。○〔後漢書〕

靈帝本紀。建寧二年。冬十月丁亥。中常侍侯覽。諷有司奏前司空虞放。太僕杜密。長樂少府李膺。司隸校尉朱瑁。潁川太守巴肅。沛相荀翌。河南太守魏朗。山陽太守翟超。皆爲鈞黨。

下獄死者百餘人。〔註〕鈞謂相牽引也。○周禮秋官大司寇以

圜土聚教罷民。〔註〕圜土獄城也。○王融三月三日曲水詩序

鞠茂草於圜扉。○後漢書靈帝本紀熹平五年閏月永昌太

守曹鸞坐訟黨人棄市。詔黨人門生故吏父兄子弟在位者

皆免官禁錮。

罰以驢之拔櫪。光祿則快意私讐。

新唐書酷吏王旭列傳每治獄囚皆逆服製獄械率有名曰

驢駒拔櫪憤子懸等以怖下。○後漢書百官志光祿勳卿一

桃花扇傳奇

後序詳註卷三

全

人中二千石。本注曰掌宿衛宮殿門戶典謁署郎更直執戟

宿衛門戶考其德行而進退之。○史記樂布列傳孝文時爲

燕相至將軍布乃稱曰窮困不能辱身下志非人也富貴不

能快意非賢也於是嘗有德者厚報之有怨必以法滅之。○

隋書刑法志若亦刑隨喜怒道睽正直布憲擬於秋荼設網

踰於朝脛恣興夷剪取快情靈若隋高祖之揮刃無辜齊文

宣之輕刀鬻割此謂匹夫私讐非關國典。○明史馬士英列

傳阮大鍼附初舉朝以逆案攻大鍼大鍼恨甚及見北都從

逆諸臣有附會清流者。因倡言曰。彼攻吾逆案。吾作順案。與之對。以李自成僞國號曰順也。士英因疏糾從逆光時亨等。時亨名附東林。故重劾之。大鍼又誣逮顧杲。及左光斗弟光先。下獄。劾周鑣雷續祚殺之。時有狂僧大悲。出語不類。爲總督京營戎政趙之龍所捕。大鍼欲假以誅東林。及素所不合者。因造十八羅漢。五十三叅之曰。書史可法。高崇圖。姜曰廣等姓名。納大悲袖中。海內人望。無不備列。錢謙益先已上疏。頌士英。且爲大鍼訟冤修好矣。大鍼恨不釋亦列焉。將窮治妖言律。斬而止。

歎其麟也。傷鋤。廷尉則酸心清議。

孔子家語辯物篇。叔孫氏之車士曰。子鉏商採薪於大野。獲麟焉。折其左足。載以歸。叔孫以爲不祥。棄之於郭外。使人告孔子曰。有麇而角者何也。孔子往觀之。曰。麟也。胡爲來哉。反袂拭面。涕泣沾襟。叔孫聞之。然後取之。子貢問曰。夫子何泣爾。孔子曰。麟之至爲明王也。出非其時而見害。吾是以傷焉。

○後漢書百官志廷尉卿一人中二千石本注曰掌平獄奏所當應凡郡國讞疑罪皆處當以報○蔡文姬胡笳十八拍十七拍兮心鼻酸○新唐書許孟容列傳孟容方勁有禮學每所折衷咸得其正好提拔士天下清議尚之乃若張金吾者

後漢書百官志執金吾一人中二千石本注曰掌宮外戒司非常水火之事月三繞行宮外及主兵器吾猶禦也○明史職官志錦衣衛掌侍衛糾捕刑獄之事又凡承制鞫獄錄囚桃花扇傳奇後序詳註卷三

允

勘事偕三法司○朱夢尊明詩綜張鹿徵字瑤星後更名怡亦作遺應天人都督司大子以府學生承廕錦衣衛正千戶甲申陷賊不屈受刑潔身歸隱棲霞山自號白雲道者按傳張徵字瑤星光立後爲南京錦衣衛爲捕壯黨過人棲霞山爲道士奇作

受詔捕囚下吳導伏牀之淚

庾信哀江南賦望廷尉之捕囚○後漢書黨錮范滂列傳建寧二年遂大誅黨人詔下急捕滂等督郵吳導至縣抱詔書閉傳舍伏牀而泣滂聞之曰必爲我也卽自詣獄

棄官避罪。識通明解組之機。

左傳文公十六年。棄官則族無所庇。董仲舒賢良策三。民不樂生。尚不避死。安能避罪。南史隱逸陶宏景列傳。陶宏

景字通明。丹陽秣陵人也。齊高帝作相。引爲諸王侍讀。除

奏朝請。雖在朱門。閉影不交外物。惟以披閱爲務。朝儀故事。

多所取焉。家貧。求宰縣不遂。永明十年。脫朝服掛神武門上。

表辭祿。詔許之。周興嗣千字文。兩疏見機。解組誰逼。唐

明皇送賀知章歸明詩序。天寶三年。太子賓客賀知章。鑒止

桃花扇傳奇

後序詳註卷三

卒

足之分。抗歸老之疏。解組辭榮。志期入道。

遁跡棲霞。學仙辟穀。

鮑照秋夜詩。遁跡避紛喧。廣輿記江南江寧府山川攝山。

在府東北。產攝生草。上有千佛嶺棲霞寺。南史明僧紹列

傳。明僧紹字休烈。平原鬲人。齊建元元年冬。徵爲正員外

郎。稱疾不就。僧紹聞沙門釋僧遠風德。往候雲林寺。高帝

欲出寺見之。僧遠問僧紹曰。天子若來。居士若爲相對。僧紹

曰。山藪之人。正當鑿坏以遁。若辭不獲命。便當依戴公故事。

旣而遁還攝山。建棲霞寺而居之。高帝甚以爲恨。昔戴仲若
高卧牖下。以山人之服加其身。僧紹故云。○史記封禪書黃
帝且戰且學仙。○隋書王貞列傳答齊王暕索文集啟仰而
不至。方見學仙之遠。窺而不覩。始知遊聖之難。○史記留侯
世家漢六年正月封功臣。又乃封張良爲留侯。又留侯乃稱
曰家世相韓。及韓滅。不愛萬金之資。爲韓報讐。强秦天下振
動。今已三寸舌。爲帝者師。封萬戶侯。此布衣之極。於良足矣。
願棄人間事。欲從赤松子遊耳。乃學辟穀。導引輕身。

桃花扇傳奇

後序詳註卷二

三

置是非於弗問。付榮辱於罔聞矣。

莊子齊物論故有儒墨之是非。以是其所非。而非其所是。○
趙嘏贈王明府詩誰向人間問是非。○蘇軾次孔毅父集古
人句見贈詩何當一醉百弗問。○易繫辭樞機之發榮辱之
主也。○書允征義和尸厥官罔聞知。

桃花扇傳奇後序詳註卷三終







05120

桃花扇傳奇後序詳註卷四

花庭閒客編輯

哀哉廟堂錯亂。擾擾如棋。

〔詩〕雨無正篇。哀哉不能言。○〔劉向說苑政理篇〕衛靈公謂孔

子曰。有語寡人爲國家者。謹之廟堂之上。而國家治矣。其可乎。孔子曰。可。○〔晉書〕石季龍載記。趙攬。申鍾。石璞等。上疏。陳

天文錯亂。蒼生凋敝。○〔宋〕玉神女賦。紛紛擾擾。未知何意。○

〔白居易〕郡中卽事詩。遙思九城陌。擾擾趨名利。○〔左傳〕襄公

桃花扇傳奇

後序詳註卷四

二十五年。衛獻公自夷儀。使與甯喜言。甯喜許之。太叔文子

聞之。曰。嗚呼。詩所謂我躬不閱。皇恤我後者。甯子可謂不恤

其後矣。將可乎哉。殆必不可。君子之行。思其終也。思其復也。

書曰。慎終敬始。終以不困。詩曰。夙夜匪懈。以事一人。今甯子

視君不如奕棋。其何以免乎。奕者舉棋不定。不勝其耦。而况

置君而弗定乎。必不免矣。九世之卿族。一舉而滅之。可哀也

哉。○〔杜甫〕秋興詩。聞道長安似奕棋。

將相顛狂。紛紛似瘡。

史記太史公自序國有賢相良將民之師表也。惟見漢興以來將相名臣年表。賢者記其治。不賢者彰其事。作漢興以來將相名臣年表第十。南史袁粲列傳。昔有一國。國中一水。號曰狂泉。國人飲此水。無不狂。惟國君穿井而汲。獨得無恙。國人既並狂。反謂國主之不狂爲狂。於是聚謀共執國主。療其狂疾。火艾針藥。莫不畢具。國主不任其苦。於是到泉所。酌水飲之。飲畢便狂。若臣大小。其狂若一。元稹廳前柏詩。我本顛狂醉酒人。徐鉉水志。分寧縣本常州瘖市也。西蜀曰瘖市。如瘖疾。開日作也。

桃衣扇傳奇

後序詳註卷四

二

幽拘太子。誰爲世上江充。

古今樂錄。拘幽操。紂拘文王於羑里而作也。陳高懲愆詩。

念昔賢與哲。難危尙拘幽。前漢書江充列傳。江充字次倩。

趙國邯鄲人也。拜爲直指繡衣使者。督三輔盜賊。禁察踰

侈。貴戚近臣多奢僭。充皆舉劾。奏請沒入車馬。充從上甘

泉。逢太子家使。乘車馬行馳道中。充以屬吏。太子聞之。使人

謝充曰。非愛車馬。誠不欲令上聞之。以教敕亡素者。惟江君

寬之充不聽。遂白奏。上曰。人臣當如是矣。大見信用。威震京師。遷爲水衡都尉。又久之。坐法免。會陽陵朱安世告丞相公孫賀子太僕敬聲爲巫蠱事。又賀父子皆坐誅。又後上幸甘泉。疾病。充見上年老。恐晏駕後爲太子所誅。因是爲姦。奏言上疾祟在巫蠱。於是上以充爲使者治巫蠱。充將胡巫掘地求偶人。捕蠱。及夜祠視鬼。染污令有處。輒收捕驗治。燒鐵鉗灼強服之。民轉相誣以巫蠱。吏輒劾以大逆無道。坐而死者前後數萬人。是時上春秋高。疑左右皆爲蠱祝詛。有與無莫敢訟其寃者。充既知上意。因言宮中有蠱氣。先治後宮希幸夫人。以次及皇后。遂掘蠱於太子宮。得桐木人。太子懼不能自明。收充。自臨斬之。又太子由是遂敗。又後武帝知充有詐。夷充三族。○遺愁集○光三月甲申。太子來自金華。遣內使持御札召至。聞者爭赴。明日有旨禁私謁。中夜移入內。己丑。乃命會審於大明門。楊維垣颺言。謂駙馬王昺姪孫王之明貌相類。因而誤傳。辛卯於午門外復審。馬士英復疏其疑似甚多。左都李沾喚王之明不應。詰之。乃大聲曰。何不呼明之。

王沾喝上校。太子號呼皇天列帝。聲徹內廷。傳諭放校。發鎮撫司。有無名子題於皇城。有海上扶蘇原未死。獄中病已又奚猜之句。會御史陳言。奏稱民口籍籍。皆言諸臣欲絕先帝血_祈。因得溫旨。着好生護養。弗輕用刑。以招民謗。乃得不死。○楊陸榮三藩紀事本末。順治二年乙酉二月。僞鴻臚寺少卿高夢箕。密奏先帝太子在浙。初甲申之變。太監栗宗周。王之俊。以太子二王獻於李賊。賊幽之劉宗敏所。至是南來。左良玉疏稱吳三桂實有明驗。今不可考。三月初一日。命太監桃花扇傳奇。

後序詳註卷四

四

李繼周往浙召至。寓僧寺。內員迎入宮。內員報不實。尋命移寓錦衣衛都督馮可宗家。傳文武識認。大學王鐸指原任講官方拱乾。問曰。此何人。對曰。方先生。而講官劉正宗趨上。不識也。又問先帝親鞫吳昌時。時東宮立何地。不能對。於是給事中戴英詰其僞。授以紙筆。供稱高陽人王之明。係駙馬都尉王昺姪孫。家破南奔。遇高夢箕家人穆虎。教以詐冒東宮。王鐸等回奏。遂勅法司根究。御史陳以瑞奏。愚民觀聽易惑。將謂諸臣有意傾先帝血_祈。請勿加刑。時有內員上密疏於

王。王令持示士英。士英言。細閱密疏。其言雖似疑處實多。既爲東宮。幸脫虎口。不卽到官說明。却走紹興。可疑一也。東宮厚質凝重。此人機辯百出。可疑二也。公主現養周奎家。而云已死。可疑三也。臣愚宜付法司。窮究主使。與臣民共見而棄之。越三日。鞫於午門外。夢箕穆虎皆具服下刑獄。士英欲并傾姜黃。令法司究主使附逆者。寧南侯左良玉具疏言。東宮之來。吳三桂實有明驗。朝廷諸臣俱知逢君不顧大體。前者李賊逆亂。尙錫王封。賊獲太子慈。張爲封宋王。何至一家視同讐敵。明知

桃花扇傳奇

後片評註卷四

五

窮究必無別情。必欲展轉誅求。遂使陛下忘屋烏之德。臣下絕委裘之義。親親而仁民。願陛下省之。靖南侯黃得功言。東宮之來。何人定爲姦僞。先帝之子。卽陛下之子。未有不明不白付之刑獄。人臣之義。謂何在。廷諸臣諂徇者多。抗顏者少。卽使明白識認。誰敢出頭取禍乎。廣昌伯劉良佐言。王之明童氏兩案。未協輿論。懇求曲全。兩朝髮倫。毋貽天下後世口實。湖撫何騰蛟言。太子到南。何人奏聞。何人物色。取召至京。馬士英何以獨知其僞。既是王昺姪孫。何人舉發。內官公侯多

北來之人何無一人確認而泛云自供高夢箕前後兩疏何不發抄此事關天下萬世是非何可不慎江督袁繼咸言太子移氣移體必非外間兒童所能假襲王持原係巨族高陽未聞屠害豈無父兄羣從何以隻身流轉到南望陛下勿信偏辭使一人免向隅之泣則宇宙享蕩平之福矣各疏上王惟以王之明白供甚明將審明節略諭之而已四月左良玉稱奉太子密旨舉兵南下至九江江督袁繼咸請赦太子以止之王切責不聽五月十一日

後序詳註卷四

六

大清兵薄南都王奔南都士民出太子於獄奉之監國十四日同趙之龍出降北去

輔元妃忍作朝中孟德

司馬相如上林賦徒車之所輔轡註郭璞曰輔踐也轡轡也

○左傳隱公元年惠公元妃孟子○後漢書獻帝伏皇后列

傳承女爲貴人操誅承而求貴人殺之帝以貴人有姦累

爲請不能得○楊陸榮三藩紀事本末順治二年乙酉三月

十三日福王故妃童氏自越其杰所至命錦衣衛監候氏故

周府宮人洛陽破氏逃至尉氏縣。與王遇於旅邸。相依生一子。王之南也。妃與太妃各散不相顧。已迎太妃於河南。陳潛夫奏妃故在。王弗召。至是自其杰所至。王益不悅。劉良佐言童氏必非假冒。馬士英亦言。苟非至情所關。誰敢與陛下爲敵體。王終不應。命馮可宗鞠之。氏細書入宮年月。及相離情事甚悉。求可宗呈覽。王棄弗視。可宗亦辭弗審。改命屈尙忠嚴刑拷掠。氏號呼詛罵。尋死獄中。

獨有一藩恚恨。欲來內靖於苗劉。

桃花扇傳奇

後序詳註卷四

七

晉書八王列傳序。向使八王之中。一藩繫賴。○史記外戚世家。王夫人知帝望栗姬。因怒未解。陰使人趣大臣立栗姬爲皇后。大行奏事畢。曰。子以母貴。母以子貴。今太子母無號。宜立爲皇后。景帝怒曰。是而所宜言邪。遂案誅大行。而廢太子爲臨江王。栗姬愈恚恨。不得見。以憂卒。○宋史苗傅列傳。劉正彥附苗傅。上黨人。大父授父履。授在元豐中。爲殿前指揮。便。康王建元帥府。信德守臣梁揚祖。以兵萬人至。傅與張俊楊沂中田師中皆隸麾下。隆祐太后南渡。傅爲統制官。以所

部八千扈衛駐於杭州。有劉正彥者。不知何許人。父法政。和
閒爲熙和路經略使。死王事。正彥由闔門祇候。易文資。至朝
奉大夫。後以事責降。會法部曲王淵爲御營都統制。正彥歸
之。淵以法故。薦正彥於朝。復爲武德大夫。知濠州。擢御營右
軍副都統制。淵分精兵三千與之。以平丁進功。進武功大夫。
威州刺史。反尋被命從六宮皇子至杭州。建炎三年二月壬
戌。高宗從王淵議。由鎮江幸杭州。時諸大將如劉光世。張俊。
楊沂中。韓世忠。分守要害。扈衛者獨苗傅。先是王淵裝大船
十數。自維揚來杭。杭人相謂曰。船所載皆淵平陳通時殺奪
富氏家財也。內侍省押班康履頗用事。威福由已出。其徒致
民居肆爲暴橫。傅等恨之。曰。天子顛沛至此。猶敢爾耶。其黨
張達復激怒諸軍曰。能殺淵及內侍。則人人可富。朝廷豈能
偏罪哉。三月辛巳。拜王淵同僉書樞密院事。初。淵建幸杭州
議。內侍實左右之。及淵躡躡蹙蹙。衆謂薦由內侍。傅自負宿
將。疾淵驟貴。正彥雖由淵進。淵擢取所予兵。亦怨之。於是傅
積不能平。與王世修。張達。王鈞甫。馬柔吉等謀作亂。鈞甫等

皆燕人所將。號赤心軍。傳部分既定。乃給淵以臨安縣有盜意。欲使淵出其兵於外。康履得黃卷小文書。有兩統制作。出金字署卷末。田乃苗。金乃劉也。於是頗洩賊謀。以告淵。淵伏兵天竺。明日賊黨亦伏兵城北橋下。俟淵退朝。誣以結宦官謀反。正彥手殺淵。以兵圍履第。分捕內官。凡無鬚者盡殺之。揭淵首。引兵犯闕。中軍統制吳湛守宮門。潛與傳通。導其黨入。奏曰。苗傳不負國。止爲天下除害。知杭州康允之聞變。率從官叩闕。請帝御樓。百官皆從。殿帥王允大呼聖駕來。傳見桃花扇傳奇

後序詳註卷四

九

黃屋猶山呼而拜。帝憑欄呼二賊問故。傳厲聲曰。陛下信任中官。軍士有功者不賞。私內侍者皆得美官。黃潛善汪伯彥誤國。猶未遠竄。王淵遇敵不戰。因友康履得除樞密。臣立功多。止作遙郡團練。已斬淵首。更乞斬康履。藍珪曾擇以謝三軍。帝諭以當流海島。可與軍士歸營。且曰。已除傳承宣。使御營都統制正彥觀察使御營副都統制賊不退。帝問百官計安出。浙西安撫司主管機宜文字時希孟曰。禍由中官。不悉除之。禍未已也。帝曰。朕左右可無給使耶。軍器監葉宗諤曰。

陛下何惜康履。遂命吳湛捕履。得於清漏閣承塵中。傳卽樓下腰斬履。傳猶肆惡言。謂帝不當卽大位。淵聖來歸。何以處也。帝使朱勝非絕樓下曲諭之。傳請隆祐太后同聽政。及遣使與金議和。帝許諾。卽下詔請太后垂簾。傳等聞詔不拜。曰。自有皇太子可立。又帝徐謂勝非曰。朕當退避。又是日帝幸顯忠寺。甲申太后垂簾降赦。號帝爲睿聖仁孝皇帝。以顯忠寺爲睿聖宮。留內侍十五人。餘悉編置丙戌赦至平江府。張浚知有變。不拜。丁亥至江寧。制置呂頤浩遣浚書。痛述事變。浚乃舉兵。戊子御營前軍統制張俊至平江。浚諭以起兵。俊泣奉命。又傳欲改元。正彥欲遷都建康。太后謂勝非曰。二事如俱不允。恐賊有他變。己丑改元明受。張俊遣書二凶。褒其忠義以慰安之。庚寅百官朝睿聖宮。以傳爲武當軍節度使。辛卯張浚遣進士馮輅赴行在。請帝親總要務。復抵書馬柔吉王鈞甫。宜早反正。以解天下之惑。浚旣遣輅。旣檄諸路。約呂頤浩劉光世會平江。又癸巳韓世忠引兵至常熟。辛道宗謂浚曰。賊萬一邀駕入海。何以爲計。浚乃聲言防遏海寇。奏

道宗爲節制司叅議官。措置海船以防賊。甲午貶曹擇藍珪於嶺南。傅追斬擇。賊欲以所部代禁衛守睿聖宮。又欲邀帝幸微越。張激勝非曲論止之。馮轡說二凶反正。傅按劍瞋目視轡。正彥解之曰。須張侍郎來乃可。卽遣歸。朝官趙休與轡共招浚。乙未呂頤浩勤王兵至丹陽。劉光世引所部來會。丙申韓世忠兵至平江。卽欲進兵。浚曰。已遣馮轡甘言誘賊矣。投鼠忌器。不可太急。賊遣張彥王德。聲言防淮。德伺彥醉并其軍。自采石濟江。歸劉光世。彥尋爲人所殺。戊戌浚以世忠兵少。分張俊兵二千益之。發平江。馮轡至平江。浚復遣入賊。責以大義。諭以禍福。期雖死無悔。傅等初聞浚集兵未之信。及得浚書。始悟見討。奏請誅浚以令天下。詔責浚黃州團練使。郴州安置。鄭懋上疏謂浚不當責。密遣所親謝嚮。變姓名告浚。宜持重緩進。賊當自遁。浚然之。是日賊遣苗瑀馬柔吉將赤心隊。及王淵舊部曲。駐臨平以拒勤王之師。馮轡至臨平。見馬柔吉同繼入城。詰朝與傅等議。傅曰。爾尙敢來耶。欲拘轡。浚逆知之。謬爲書遺轡。言客自杭來。知二公於朝廷初

無異心。殊悔前書失於輕易。賊得浚遺輜書大喜。乃釋輜王寅。浚得謫命。恐將士解體。給曰。趣召之命也。是日呂頤浩至平江。與浚對泣曰。事不諧。不過赤族。乃命幕客李承造草檄告四方討賊。賊聞勤王之兵大集。卽呼馮轡勝非議復辟。癸卯張俊發平江。劉光世繼之。賊亦遣兵二千屯湖州小林。丙午頤浩浚以大兵發平江。詔以浚爲知樞密院事。丁未勝非召二凶至都堂議復辟。率百官三上表以請。夏四月戊申朔。帝還宮。都人大悅。帝御前殿。詔尊太后曰隆祐皇太后。立嗣君爲皇太子。辛酉徙傳淮西制置使。正彥副之。庚戌詔復建炎號。是日頤浩浚軍次臨平。苗翊馬柔吉以兵阻河。韓世忠率先鋒力戰。俊光世乘之。翊敗走。勤王兵進北闕。二凶詣都堂。趣得所賜鐵券。引精兵二千。夜開湯金門遁。辛酉頤浩俊引勤王兵入城。世忠手執王世脩以屬吏。苗傳犯富陽。統制官喬仲福追擊之。癸丑犯桐廬。甲寅斬吳湛。時希孟編管吉陽軍。丙辰傳等至白沙渡。所遇燔橋以阻官軍。丁巳犯壽昌縣民充軍。庚申犯衢州。守臣胡唐老拒卻之。丙寅犯常山。世

忠請任討賊。丁卯以世忠爲江浙制置使。自衢信追擊賊。戊辰賊犯玉山縣。辛未賊屯沙溪鎮。統制關師古自江東討賊還。與喬仲福王德會信州。賊聞之。還屯衢信。閏五月戊寅朔。世忠發杭州。庚寅賊黨張翼斬釣甫及柔吉父子首以降。江浙制置使周望受之以聞。賊寇浦城縣。夾溪而屯。據險設伏。以邀官軍。統制官馬彥博死之。賊乘勝犯中軍。世忠瞋目大呼。揮軍直前。正彥障馬生擒之。賊將江池殺孟臯。擒苗翊。降衆悉解甲。張達收餘兵入崇安。喬仲福追殺之。傳棄軍。變姓桃花扇傳奇。

名夜遁建陽。土豪詹標覺之。執送世忠。檻車赴行在。壬寅詔班師。秋七月辛巳。世忠軍還。俘傅正彥以獻。殲於建康市。

〔明史馬士英列傳〕阮大鍼附。先是左良玉接監國詔書。不肯拜。袁繼咸強之。乃開讀如禮。而屬承天守備何志孔巡按御史黃澍入賀。陰伺朝廷動靜。澍挾良玉勢。當陛見。面數士英奸貪不法。且言嘗受張獻忠僞兵部尙書周文江重賄。爲題授叅將罪。當斬。志孔亦論士英罔上行私諸罪。司禮太監韓贊周叱志孔退。士英跪乞處分。澍舉笏直擊其背。曰。願與奸

臣同死。士英大號呼。王搖首不言者久之。贊周卽執志孔候命。王因澍言。意頗動。夜諭贊周。欲令士英避位。士英佯引疾。而賂福邸舊奄田成等。向王泣曰。上非馬公不得立。逐馬公。天下將議上背恩矣。且馬公去。誰念上者。王嘿然。卽慰留士英。士英亦畏良玉。請釋志孔。而命澍速還湖廣。故都督掌錦衣衛劉僑者。嘗遣戍。由周文江賄張獻忠受僞命。爲錦衣衛指揮使。及良玉復斬黃僑。削髮逃去。澍持之急。而士英納僑賄。令許澍遂復僞官。削澍職。尋以楚府中尉言逮澍。良玉令

桃花扇傳奇

後序詳註卷四

而

部將羣譁。欲下南京索餉。因解救澍。袁繼成爲上疏。代澍申理。士英不得已。乃免逮。澍遂匿良玉軍中。良玉與士英由此有隙。及僞太子獄起。良玉遂假爲兵端。太子之來也。識者指其僞。而都下士民譁然是之。又有童氏者。自稱王妃。亦下獄。督撫鎮將交章爭太子及童妃事。王亟出獄辭。徧示中外。衆論益籍籍。謂士英等朋奸。導王滅絕倫理。澍在良玉軍中。日夜言太子冤狀。請引兵除君側惡。良玉亦上疏請全太子。斥士英等爲奸臣。又以士英裁其大餉。大恨。移檄遠近。聲士英

罪復上疏言自先帝之變。士英利災擅權。事事爲難。逆案先帝手定。士英首翻之。要典先帝手焚。士英復脩之。越其杰貪婪。遣戍。濫受節鉞。張振孫賊污殺犯。驟昇京卿。他如袁^宏勲。楊文驄。劉泌。王燧。黃鼎等。或行同狗彘。或罪等叛逆。皆用之當路。已爲首輔。用腹心阮大鍼爲添註尙書。又募死士伏皇城。詭名禁軍。動曰廢立由我。陛下卽位之初。恭儉明仁。士英百計誑惑。進優童豔女。傷損盛德。復引用大鍼。睚眦殺人。如雷縝。祚。周鑣等。鍛鍊周內。株連蔓引。尤其甚者。借三案爲題。桃花扇傳奇。

後序詳註卷四

五

凡生平不快意之人。一網打盡。令天下士民。重足解體。目今皇太子至。授受分明。大鍼一手握定。抹殺識認之方。拱乾而信明謀之劉正宗。忍以十七年嗣君。付諸幽囚。凡有血氣。皆欲寸磔士英大鍼。以謝先帝。乞立肆市朝。傳首桴憤。疏上。遂引兵而東。士英懼。乃遣阮大鍼。朱大典。黃得功。劉孔昭等。禦良玉。而撤江北劉良佐等兵。從之西。

按左良玉疏參馬士英數其七大罪。明史所載

疏文。係史臣改削。今將原疏附錄之。竊見逆賊馬士英。出自苗種。性本兇頑。先帝皇太子至京。道路洶傳。陛下屢發矜慈。士英以真爲假。必欲置之死地。臣前兩疏。望皇上從容審處。以存先帝一綫。不意士英奸謀日甚。臣自此義不與奸賊

桃花扇傳奇

後序詳註卷四

六

共天日矣。臣已提師在途。將士睨目髮指。皆欲食其肉。臣恐百萬之衆。發而難收。震驚宮闕。且聲其罪狀。正告陛下。仰祈剛斷。與天下共棄之。自先帝之變。人人號泣。士英利災擅權。事事與先帝爲仇。逆案先帝手定者。士英首翻之。要典先帝手焚者。士英復脩之。思宗收諡毅宗。明示先帝不足思。以絕天下報雪之心。罪不容於死者一也。國家提衡文武。全恃名器。士英賣官鬻爵。殆無虛刻。致都門有職方賤如狗。都督滿街走之謠。罪不容於死者二也。閣臣司票擬。政事歸於六部。士英占握兵柄。不放是弁髦。太祖法度。又引腹心阮大鍼爲添註。尙書以濟其篡弑之謀。兩子梟獍。各操重兵。司馬昭復生於今日。罪不容於死者三也。陛下選立中宮。典禮攸闕。士英先擇其尤。以充下陳。罪通於天。而又私買歌女。寄於阮大鍼家。希圖進選。計亂中宮。陰謀叵測。罪不容於死者四也。陛下恭儉仁明。士英百計誑惑。進優童豔女。損傷聖德。每對人言。惡則歸君。罪不容於死者五也。國家遭此大變。須寬仁慈愛。以收人心。士英乃睚眦殺人。將生平不快之人。一網打盡。

罪不容於死者六也。又募死士。竄伏皇城。詭名禁軍。以觀陛下動靜。曰廢立由我。罪不容於死者七也。先帝殉難。皇子幸存。士英乃與大鍼一手拏定。採煞的確。認識之方。拱乾而信。申還朋謀之劉正宗。不畏萬世綱常。忍以先帝已立十七年之嗣君。四海謳歌。訟獄所歸者。付諸幽囚。天荒地慘。神人共憤。凡有血氣。皆欲寸磔士英。大鍼等。以謝先帝。此非臣之私言。諸將士之言也。非獨臣標將士之言。天下忠臣義士。愚夫愚婦之公言也。伏乞陛下。立將士英等肆諸市朝。傳首四方。用抒公憤。臣謹束兵計刻以聞。

○左良玉討馬士英第二檄略云。馬士英者。蠶僚無知。貪狼背義。挾異人爲奇貨。私膠毒以種奸。欺蝦蟇之不聞。恣鹿馬以任意。不難屠滅。皇宗遂敢刑戮太子。效胡濙之名。訪邈邈。既不使之遯於荒野。踵錢寧節。

訊大千。又不容其斃於深宮。羣小羅織。比燕啄而已。深中狃
幽囚。視雀探而更慘。李沾威拷。何如崔季舒拳毆。王鐸喝招。
有甚朱友恭塞謗。豈先帝不足復留種。旣沉其弟。又滅其兄。
將小朝自有一番人。旣削其臣。并剪其主。嗟乎。安金藏之不
作。丙定侯之已亡。附會成羣。誰敢曰吾君之子。依違欲了。咸
稱云的係他人。臨江之當乳虎。是可忍也。子與之遇毒蟒。尙
何言哉。良玉受恩故主。爵忝通侯。寧無食蕊之思。詎忘結草
之報。願同義士。共討天仇。豎虎豹之亟驅。風雲氣憤。矢鷹鷂
之必逐。日月光昭。鵬鳩豐盈。應有燃臍之禍。漸臺高擁。難逃
切舌之災。

其如三鎮糊塗。反去外防於韓馬。

〔新唐書林蘊列傳〕涇原鳳翔邠寧三鎮。皆右臂大藩。〔明史〕
黃得功列傳。黃得功號虎山。開原衛人。其先自合肥徙。早孤。
與母徐居。少負奇氣。膽略過人。年十二。母釀酒熟。竊飲至盡。
母責之。笑曰。償易耳。時遼事急。得功持刀雜行伍中。出斬首
二級。中賞。率得白金五十兩。歸奉母。曰。兒以償酒也。由是隸

經略爲親軍。累功至遊擊。崇禎九年。遷副總兵。分管京衛營。十一年。以禁軍從總督熊文燦。擊賊於舞陽。鏖光固間。最八月。又從擊賊馬光玉於浙川之吳村。王家寨。大破之。詔加太子太師。署總兵。銜。十三年。從太監盧九德。破賊於板石。販賊革里眼等五營降。十四年。以總兵與王憲分護鳳陽。泗州。陵。得功駐定遠。張獻忠攻桐城。挾營將廖應登至城下。誘降。得功與劉良佐合兵。擊之於鮑家嶺。賊敗遁。追至潛山。禽斬賊將闖世王馬武三。鵠子王興國三。鵠子獻忠養子最驍勇者。桃花扇傳奇。後序詳註卷四。

六

也得功箭傷面。愈自奮。與賊轉戰十餘日。所殺傷獨多。明年移鎮廬州。十七年。封靖南伯。福王立江南。進封侯。旋命與劉良佐劉澤清高傑爲四鎮。又左良玉東下。以清君側爲名。至九江病死。軍中立其子夢庚。命得功趨上江禦之。駐師荻港。得功破夢庚於銅陵。解其圍。命移家鎮太平。一意辦賊。論功加左柱國。明史劉澤清列傳。興平伯劉澤清。曹縣人。以將材授遼東寧前衛守備。遷山東都司僉書。加叅將。崇禎三年。大清兵攻鐵廠。欲據以絕豐潤糧道。授守三屯總兵楊肇基。遣澤清來。

援未至鐵廠十五里遇

大清兵力戰自辰至午不決得濟師轉戰至遵化夾擊遂得入城叙功

加二級至副總兵五年以侵尅軍糧被劾詔立功衝要地六年遷總兵其冬加左都督恢復登州有功八年詔統山東兵防漕九年京師戒嚴統兵入衛令駐新城爲南北控扼復命留守通州加左都督太子太師十三年五月山東大饑民相聚爲寇曹濮尤甚帝命澤清會總兵楊御蕃兵勦捕之八月降石都督鎮守山東防海澤清以生長山東久鎮東省非宜

桃花菴傳奇

後序評註卷四

五

請辭任帝令整旅渡河合諸鎮星馳援勦十六年二月賊圍開封久澤清赴援以朱家寨去汴八里提五千人南渡倚河爲寨疏水環之欲以次結入寨達大堤築甬道饋饌城中壁壘未成賊來爭相持三日互有殺傷澤清卽命拔營去惶擾奔迸士爭舟多溺死者澤清爲人性恇怯懷私觀望嘗妄報大捷邀賞賜又詭稱墮馬被傷詔賚藥資四十兩命赴保定勦賊不從日大掠臨清率兵南下所至焚劫一空寇氛日急給事韓如愈馬嘉植皆謀奉使南歸如愈常劾澤清過東昌

澤清遣人殺之於道。無敢上聞者。京師陷。澤清走南都。福王以爲諸鎮之一。封東平伯。駐廬州。時武臣各占分地。賦入不以上供。給其所用。置封疆兵事。一切不問。與廷臣互分黨援。干預朝政。排擠異己。奏牘紛如。紀綱盡裂。而澤清所言尤狂悖。王初立。卽援靖康故事。請以今歲五月改元。又請宥故輔周延儒。助餉贖銀。都御史劉宗周劾諸將跋扈狀。澤清遂兩疏劾宗周。且曰。上若誅宗周。臣卽卽職。朝廷不得已。溫詔解之。又請禁巡按不得尋訪追贓。請法司嚴緝故總督侯恂。及

桃花扇傳奇

後序詳註卷四

三

其子方域。朝廷皆曲意從之。

順治二年四月。揚州告急。命澤清等往援。而澤清已濟謀輪欵矣。

大清惡其反覆。磔誅之。澤清頗涉文藝。好吟咏。嘗召客飲酒。唱和幕中。蓄兩猿。以名呼之。卽至。一日宴其故人子。酌酒金甌中。甌可容三升許。呼猿捧酒。跪送客。猿猱甚。客戰掉。遂巡不敢取。澤清笑曰。君怖耶。命取囚撲死。墻下。劍其腦及心肝。置甌中。和酒。付猿捧之前。飲。顏色自若。其兇忍多此類。○緩寇未

刻編廣昌伯劉良佐。字明宇。故東撫朱大典之舊將。後總督
淮揚。再率麾下從護祖陵。禦革左。最後收永城亦有功。劉良

佐降於我

大清是以

明史不立傳。其時高傑已爲許定國所殺。故止稱三鎮。宋

史呂端列傳。呂端字易直。幽州安次人也。太宗欲相端。或

曰。端爲人糊塗。太宗曰。端小事糊塗。大事不糊塗。後漢書

董卓列傳。李傕郭汜。以王允呂布殺董卓故。恐乃先遣

使詣長安。求乞赦免。王允以爲一歲不可再赦。不許。於是

共結盟。率軍數千晨夜西行。隨道收兵。比至長安。已千餘

桃花扇傳奇

後序詳註卷四

主

萬。呂布戰敗出奔。司徒王允見殺。催汜共秉朝政

初卓之入關。要韓遂馬騰謀山東。遂騰見天下方亂。亦欲

倚卓起兵。興平元年。馬騰從隴右來朝。進屯霸橋。時騰私有

求於催。不獲而怒。遂與侍中馬宇。右中郎將劉範。前涼州刺

史种邵。中郎將杜稟。合兵攻催。連日不決。韓遂聞之。乃率衆

來。欲和騰催。旣而復與騰合。催使兄子利。共郭汜樊稠。與騰

等戰於長平觀下。遂騰敗。斬首萬餘級。种邵劉範等皆死。遂

騰走還涼州。

壁壘之長槍大劍。未分誰弱誰強。

史記黥布列傳。漢王收諸侯。還守城皐營陽。下蜀漢之粟。深溝壁壘。分卒守微乘塞。○歐陽修五代史史○肇列傳○肇曰。安朝廷。定禍亂。真須長槍大劍。若毛錐子。安足用哉。三司使王章曰。無毛錐子。軍賦何從集乎。毛錐子。蓋言筆也。板礮之快馬輕刀。總屬自屠自戮。

名勝志。繁昌縣西大陽山麓。有龍池。旱禱見虺蜴。雨。山盡於江。脉出江者。爲板子礮。一名返秦礮。○恭引

桃花扇傳奇

後序詳註卷四

三

御批歷代通鑑輯覽。明左良玉死於九江。○其子夢庚秘不發喪。諸將

共推爲帥。留七日而東。兵勢尙盛。自彭澤以下皆陷。黃得功方駐軍荻港。進拒夢庚於銅陵。破之。解其圍。阮大鍼等。日虛張捷音。以邀爵賞。得功尋復敗其衆於板子礮。乃封得功靖國公。○古詩折楊柳歌辭。健兒須快馬。輕刀。見上私讐有。江南撤守。人歎城空。

爾雅釋地。江南曰揚州。○自江南至海。○異聞錄。後周強練。好言未然事。以一無底囊。乞於長安市。人以米及麥遺之。隨

卽漏地曰。但欲使人知盛空耳。後隋移都龍首山。城空之應。淮北乘虛。兵從天降。

前漢書高帝本紀。下令曰。楚地已定。義帝無後。欲存卹楚衆。以定其主。齊王信。習楚風俗。更立爲楚王。王淮北。都下邳。○前漢書周勃列傳。孝景帝三年。吳楚反。亞夫以中尉爲太尉。東擊吳楚。因自請上曰。楚兵剽輕。難與爭鋒。願以梁委之。絕其食道。乃可制也。上許之。亞夫旣發。至霸上。趙涉遮說亞夫曰。將軍東誅吳楚。勝則宗廟安。不勝則天下危。能用臣之言。桃花扇傳奇。

後序詳註卷四

三

乎。亞夫下車禮而問之。涉曰。吳王素懷輯死士久矣。此知將軍且行。必置閒人於殷亂阨之間。且兵事尙神密。將軍何不從此右去。走藍田。出武關。抵雒陽間。不過差一二日。直入武庫。擊鳴鼓。諸侯聞之。以爲將軍從天而下也。太尉如其計。至雒陽。使吏搜殺閒人。果得吳伏兵。乃請涉爲護軍。○明史馬士英列傳。阮大鍼附。

大清兵日南下。大理寺少卿姚思孝。御史喬可聘。成友謙。請無撤江北兵。亟守淮陽。士英厲聲叱曰。若輩東林。猶藉口防江。欲縱左。

逆入犯耶。北兵至。猶可議歟。左逆至。則若輩高官。我君臣
死耳。力排思孝等議。淮陽備禦益弱。會良玉死。其子夢庚連
陷郡縣。率兵至采石。得功等與相持。大鉞孔昭方虛張捷音。
以邀爵賞而

大清兵已破揚州。逼京城。

灰釘乞命。公輔則烏已焚巢。

〔南史徐勉列傳〕時人間喪事多不遵禮。朝終夕殮。相尙以速。
勉上疏曰。禮記問喪云。三日而後斂者。以俟其生也。三日而
桃花扇傳奇 後序詳註卷四 五

不生。亦不生矣。頃來不遵斯制。送終之禮。殯以期日。潤屋豪
家。乃或半暑衣衾棺槨。以速爲榮。親戚徒隸。各念休反。故屬
纊纊畢。灰釘已具。忘狐鼠之順步。愧燕雀之迴翔。傷情戚理。
莫此爲大。○三國志魏書王凌列傳。司馬宣王旣誅曹爽。進
凌爲太尉。假節鉞。凌謂齊王不任天位。楚王彪長而才。欲迎
立彪。都許昌。〔又〕遣將軍楊〔宏〕以廢立事告刺史黃華。華
〔宏〕連名以白太傅司馬宣王。宣王將中軍乘水進。至逼
凌。〔又〕凌面縛水次。〔又〕送至京師。至項。飲藥死。裴松之註引魏

晁凌自知罪重。試索棺釘。以觀太傅意。太傅給之。凌行到項。夜呼掾屬與訣曰。行年八十。身名並滅耶。遂自殺。○前漢書。孔光列傳。光。凡爲御史大夫。丞相。各再壹。爲大司徒。太傅。太師。歷三世。居公輔位。前後十七年。○易旅卦上九。烏焚其巢。旅人先笑。後號咷。喪羊于易。凶。註。上九過剛。處旅之上。離之極。驕而不順。凶之道也。故其象占如此。○明史馬士英列傳。阮大鍼附。五月三日。王出走太平。奔得功軍。孔昭斬關遁。明日。士英奉王母妃。以黔兵四百人爲衛。走浙江。經廣德州。知桃花扇傳奇。後序詳註卷四。

五

州趙景和疑其詐。閉門拒守。士英攻破。執景和殺之。大掠而去。走杭州。守臣以總兵府爲母妃行宮。不數日。大鍼。大典方國安。俱倉皇至。則得功已兵敗死。王被擒。次日。請潞王監國。不受。未幾。

大兵至。王率衆降。尋同母妃北去。此卽大器等所議欲立者也。杭州旣降。士英欲謁監國魯王。魯王諸臣力拒之。大鍼投朱大典於金華。亦爲士民所逐。大典乃送之嚴州。總兵方國安軍。士英國安同鄉也。先在其軍中。大鍼掀髯指掌口談兵。國安甚喜。

而士英以南渡之壞半由大鍼而已居惡名頗以爲恨已我兵擊敗士英國安無何士英國安率衆渡錢塘窺杭州大兵擊敗之溺江死者無算

組馬隨營國主則魚難脫網

史記秦始皇本紀子嬰爲秦王四十六日楚將沛公破秦軍入武關遂至霸上使人約降子嬰子嬰卽繫頸以組白馬素車奉天子璽符降軹道旁○歐陽修五代史南唐世家李景初自恃水戰以周兵非敵且未能至江及陳覺奉使見舟師桃花扇傳奇後序詩評卷四

三

列於江次甚盛以爲自天而下乃請曰臣願還國取景表盡獻江北諸州如約世宗許之始賜景書曰皇帝恭問江南國主勞其良苦而已○史記酷吏列傳網漏於吞舟之魚○趙師秀官田之集次陳伯壽韻詩快若魚脫網○明史諸王列傳我

大清兵以是年五月己丑渡江辛卯夜由崧出走太平蓋趨得功軍也士辰士英挾由崧母妃奔杭州癸巳由崧至蕪湖丙申大兵至南京城北文武官出降丙午執由崧至南京九月甲寅以歸於

京師

以致猛將自裁於虎帳。轍亂旗靡。

李陵答蘇武書。猛將如雲。謀臣如雨。○司馬遷報任安書。此人皆身至王侯將相。聲聞隣國。及罪至罔加。不能引決自裁。在塵埃之中。古今一體。安在其不辱也。○陸游南唐書。徐知諤列傳。一日遊蒜山。除地爲場。連虎皮爲大幄。號虎帳。與賓僚會飲其中。忽大風至。裂帳盡碎如飛蝶。○左傳。莊公十年。夫大國難測也。懼有伏焉。吾視其轍亂。望其旗靡。故逐之。

桃花扇傳奇

後序詳註卷四

三

大星忽落於鳧舟。冰消瓦解。

三國志蜀書諸葛亮列傳。裴松之註引晉陽秋。有星赤而芒角。自東北西南流。投於亮營。三投再還。投大還小。俄而亮卒。○杜甫故衛將軍挽詞。前軍落大星。○張協七命。乘鳧舟兮爲水嬉。○新唐書李密列傳。因其倒戈之心。乘我破竹之勢。曾未旋踵。瓦解冰消。○明史黃得功列傳時。

大清兵已渡江。知福王奔。分兵襲太平。得功方收兵屯蕪湖。福王潛入其營。得功驚泣曰。陛下死守京城。臣等猶可盡力。奈何聽奸。

人言倉卒至此。且臣方對敵。安能屈駕。王曰。非卿無可仗者。得功泣曰。願效死。得功戰荻港時。傷臂幾墮。衣葛衣。以帛絡臂。佩刀坐小舟。督麾下八總兵。結束前迎敵。而劉良佐已先歸命。大呼岸上招降。得功怒叱曰。汝乃降乎。忽飛矢至。中其喉偏左。得功知不可爲。擲刀。拾所拔箭。刺吭死。其妻聞之。亦自經。總兵翁之琪投江死。中軍田雄。遂挾福王降。得功粗猛。不識文義。江南初立。王詔書指揮。多出羣小。得功得詔紙。或對使罵裂之。然忠義出天性。聞以國事相規誠者。輒屈已改。不旋踵。北來太子之獄。得功抗疏爭曰。東宮未必假冒。先帝子卽上子。未有了無證明。混然雷同者。臣恐在廷諸臣。諂媚者多。抗顏者少。卽明白讞認。亦不敢抗詞取禍矣。時太子真僞莫敢決。而得功忠憤不阿如此。得功每戰。飲酒數斗。酒酣氣益厲。喜持鐵鞭戰。鞭漬血沾手腕。以水濡之。久乃得脫。軍中呼爲黃鬪子。始爲偏裨。隨大帥立功名。未嘗一當大敵。及專鎮封侯。不及一年餘。而南北轉徙。主逃將潰。無所一用其力。束手就殲。與國俱亡而已。其軍行紀律嚴。下無敢犯。所至

大清賜諡忠桓。

○按黃得功我人感其德。廬州桐城定遠皆爲立生祠。塋儀真方山母墓側。

拋戈抱馬秣陵差比車師。

〔新唐書〕李光顏列傳。元和元年討蔡。以成州刺史充忠武軍。

都知兵馬使。始踰月。擢本州節度使。詔以其軍當一面。〔又〕光

顏躍馬入賊營大呼。衆萬餘人。拋戈棄甲請命。○〔後漢書〕耿

秉列傳。十七年夏。詔秉與竇固合兵萬四千騎出白山。擊車

師。車師有後王。前王。前王卽後王之子。其廷相去五百餘里。

桃花扇傳奇

後片詳註卷四

无

固以後王道遠山谷深。士卒寒苦。欲攻前王。秉議先赴後王。

以爲并力根本。則前王自服。固計未決。秉奮身而起曰。請行

前。乃上馬引兵北入。衆軍不得已遂進。並縱兵抄掠。斬首數

千級。收馬牛十餘萬頭。後王安得震怖。〔又〕走出門脫帽抱馬

足降。秉將以詣固。其前王亦歸命。遂定車師而還。〔又〕〔後秣陵

句。○恭引

御批歷代通鑑輯覽我

大清兵定南京。

大軍營城北。總督京營忻城伯趙之龍奉表納款。勲戚自魏國公徐州
爵。駙馬都尉齊贊。元。靈壁侯湯國祚。安遠侯柳昌等。大臣自
大學士王鐸。禮部尚書錢謙益等。文武數百員。并城內官民
迎降。高傑子元爵及廣昌伯劉良佐等。亦於沿途歸附。得馬
步兵二十三萬。

投水楚魚汨羅卽同胥浦。

昭明文選離騷經下逸註。序曰。離騷經者。屈原之所作也。屈
原與楚同姓。仕於懷王。爲三閭大夫。同列大夫上官靳尚。如
桃花扇傳奇。後序詳註卷四。

三

害其能。共譖毀之。王乃流屈原。原乃作離騷經。不忍以清白
亦居濁世。遂赴汨淵自投而死也。楚辭漁父篇。寧赴湘流。
葬於江魚之腹中。史記屈原列傳。於是懷石。遂自投汨羅
以死。正義曰。故羅城在岳州湘陰縣東北六十里。春秋時
羅子國。秦置長沙郡。而爲縣也。按縣北有汨水及屈原廟。
廣輿記江南揚州府山川。胥浦在儀真。相傳爲伍子胥解劍
渡江處。明史史可法列傳。史可法字憲之。大興籍。祥符人。
世錦衣百戶。祖應元舉於鄉。官黃平知州。有惠政。語其子從

質曰。我家必昌。從質妻尹氏有身。夢文天祥入其舍。生可法。以孝聞。舉崇禎元年進士。授西安府推官。稍遷戶部主事。歷員外郎。郎中。八年遷右叅議。分守池州太平。其秋總理侍郎盧象昇大舉討賊。改可法副使。分巡安慶池州。監江北諸軍。黃梅賊掠宿松潛山太湖。將犯安慶。可法追擊之。潛山天堂寨。明年祖寬破賊滁州。賊走河南。十二月賊馬守應合羅汝才李萬慶自郎陽東下。可法馳駐太湖扼其衝。十年正月。賊從間道突安慶石碑。羣移桐城。叅將潘可大擊走賊。賊復爲竄。潛山太湖山中。三月可大及副將程龍敗歿於宿松。賊分其黨搖天動別爲一營。而合八營二十餘萬衆。分屯桐城之練潭石井陶冲。總兵官牟文綬劉良佐擊敗之。挂車河。當是時。陝寇聚漳寧。分犯岷洮秦楚應皖。羣盜遍野。總理盧象升既改督宣大。代以王家禎。祖寬關外兵亦北歸。未幾上復以熊文燦代家禎。專撫賊。賊益狂逞。盤牙江北。南都震驚。七月。

擢可法右僉都御史。巡撫安慶廬州。太平。池州。四府。及河南之光州。光山。固始。羅田。湖廣之蘄州。廣濟。黃梅。江西之德化。湖口。諸縣。提督軍務。設額兵萬人。賊已東陷和州。含山。定遠。六合。犯天長。盱眙。趨河南。可法奏免被災田租。冬。部將汪雲鳳敗賊潛山。京軍復連破老回回。舒城。廬江。賊遁入山。時監軍僉事湯開遠善擊賊。可法東西馳禦。賊稍稍避其鋒。十一年夏。以平賊踰期。戴罪立功。可法短小精悍。面黑。目爍爍。有光。廉信。與下均勞苦。軍行。士不飽。不先食。未授衣。不先禦。以

桃花扇傳奇

後片詳註卷四

三

故得士死力。連敗賊英山。六合。順天王乞降。十二年夏。丁外艱。去服闋。起戶部右侍郎。並右僉都御史。代朱大典總督漕運。巡撫鳳陽。淮安。揚州。勅罷督糧道三人。增設漕儲道一人。大濟南河。漕政大釐。拜南京兵部尚書。叅贊機務。因武備久弛。奏行更新八事。十七年四月朔。聞賊犯闕。誓師勤王。渡江抵浦口。聞北都旣陷。縞衣發喪。會南都議立君。張愼言。呂大器。姜曰廣等曰。福王由松。神宗孫也。倫序當立。而有七不可。貪淫。酗酒。不孝。虐下。不讀書。干預有司也。潞王常澆。神宗姪。

也。賢明當立。移牒可法。可法亦以爲然。鳳陽總督馬士英。潛與阮大鍼計議。主立福王。咨可法。可法以七不可告之。而士英已與黃得功。劉良佐。劉澤清。高傑。發兵迎福王。至儀真。於是可法等迎王。五月朔。王謁孝陵。奉先殿。出居內守備府。羣臣入朝。王色赧欲避。可法曰。王毋避。宜正受。旣朝。議戰守。可法曰。王宜素服郊次。發師北征。示天下以必報讐之義。王唯唯。明日再朝。出議監國事。張慎言曰。國虛無人。可遂卽大位。可法曰。太子存亡未卜。倘南來若何。誠意伯劉孔昭曰。今日旣定。誰敢復更。可法曰。徐之乃退。又明日王監國。廷推閣臣。衆舉可法。高圖。姜曰廣。孔昭攘臂欲並列。衆以本朝無勲臣入閣例。遏之。孔昭勃然曰。卽我不可。馬士英何不可。乃并推士英。又議起廢。推鄭三俊。劉宗周。徐石麒。孔昭舉大鍼。可法曰。先帝欽定逆案。毋復言。越二日。拜可法禮部尙書。兼東閣大學士。與士英。高圖並命。可法仍掌兵部事。士英仍督師鳳陽。乃定京營制。如北都故事。侍衛及錦衣衛諸軍。悉入伍操練。錦衣東西兩司房。及南北兩鎮撫司官。不備設。以杜告

密安人心。當是時。士英旦夕冀入相。及命下。大怒。以可法七不可書奏之王。而擁兵入覲。拜表卽行。可法隨請督師出鎮淮陽。十五日王卽位。明日可法陞辭。加太子太保。改兵部尙書。武英殿大學士。士英卽以是日入直。議分江北爲四鎮。東平伯劉澤清。轄淮海。駐淮北。經理山東一路。總兵官高傑。轄徐泗。駐泗水。經理開歸一路。總兵官劉良佐。轄鳳壽。駐臨淮。經理陳杞一路。靖南伯黃得功。轄滁和。駐廬州。經理光固一路。可法啟行。卽遣使訪大行帝后梓宮。及太子二王所在。奉

命祭告泗鳳二陵。可法去。士英孔昭輩益無所憚。孔昭以愼言舉吳甦。譁殿上。拔刀逐愼言。可法馳疏解。孔昭卒扼甦不用。可法祭二陵畢。上疏曰。陛下踐阼初。祇謁孝陵。哭泣盡哀。道路感動。若躬謁二陵。親見鳳泗蒿萊滿目。雞犬無聲。當益悲憤。願慎終如始。處深宮廣廈。則思東北諸陵魂魄之未安。享玉食大庖。則思東北諸陵麥飯之無展。膺圖受籙。則念先帝之集木馭朽。何以忽遘危亡。早朝晏罷。則念先帝之克儉克勤。何以卒隳大業。戰兢惕厲。無時怠荒。二祖列宗。將默佑

中興若晏處東南。不思遠畧。賢奸無辨。威斷不靈。老成投簪。豪傑裹足。祖宗怨恫。天命潛移。東南一隅。未可保也。王嘉咎之。得功澤清傑爭欲駐揚州。傑先至。大殺掠。屍橫野。域中洶懼登陴守。傑攻之。浹月。澤清亦大掠淮上。臨淮不納。良佐軍亦被攻。朝命可法往解。得功良佐澤清皆聽命。乃詣傑。傑素憚可法。可法來。傑夜掘坎。十百埋暴骸。旦日朝。可法帳中。辭色俱變。汗浹背。可法坦懷待之。接偏裨以溫語。傑大喜過望。然傑亦自是易可法。用已甲士防衛。文檄必取視而後行。可

桃花扇傳奇

後序諸註卷四

三

法夷然爲具疏屯其衆於瓜州。傑又大喜。傑去。揚州以安。可法乃開府揚州。六月。

大清兵

擊敗賊李自成。自成棄京師西走。青州諸郡縣爭殺僞官。據城

自保。可法請頒監國登極二詔。嶽山東河北軍民心開。禮賢館招四方才智。以監紀推官應廷吉領其事。八月出巡淮南。閱澤清士馬。返揚州。請餉爲進取資。士英靳不發。可法疏趣之。因言邇者人才日耗。仕途日淆。由名心勝。而實意不脩。議論多。而成功少。今事勢更非昔比。必專主討賊復讐。舍籌兵

籌餉無議論。舍治兵治餉。無人才。有撫拾浮談。巧營華要者。罰無赦。王優詔答之。初。可法虞傑跋扈。駐得功儀真防之。九月朔。得功傑搆兵。曲在傑。賴可法調劑。事得解。北都降賊。諸臣南還。可法言諸臣原籍北土者。宜令赴吏兵二部錄用。否則恐絕其南歸之心。又言北都之變。凡屬臣子皆有罪。在北者應從死。豈在南者非人臣。卽臣可法。謬典南樞。臣士英。叨任鳳督。未能悉東南甲。疾趨北援。鎮臣澤清傑。以兵力不支。折而南走。是首應重論者。臣等罪也。乃因聖明繼統。鈇鉞未加。恩榮疊被。而獨於在北諸臣。毛舉而繫繩之。豈散秩閒曹。責反重於南樞鳳督哉。宜摘罪狀顯著者。重懲示儆。若僞命未汚。身被刑辱。可置勿問。其逃避北方。徘徊而後至者。許戴罪討賊。赴臣軍前酌用。廷議並從之。傑居揚州。桀驁甚。可法開誠布公。導以君臣大義。傑大感悟。奉約束。十月。傑帥師北征。可法赴清江浦。遣官屯田開封。爲經畧中原計。諸鎮分汛地。自王家營而北至宿遷。最衝要。可法自任之。築壘緣河南岸。十一月四日。舟至鶴鎮。謀報我。

大清兵入宿遷。可法進至白洋河。令總兵官劉肇基往援。

大清兵還攻邳州。肇基復援之。相持半月而解。時自成既走陝西。猶未

滅。可法請頒討賊詔書。言自三月以來。大讐在目。一矢未加。

昔晉之東也。其君臣日圖中原。而僅保江左。宋之南也。其君

臣盡力楚蜀。而僅保臨安。蓋偏安者。恢復之退步。未有志在

偏安。而遽能自立者也。大變之初。黔黎洒泣。紳士悲哀。猶有

朝氣。今則兵驕餉絀。文恬武嬉。頓成暮氣矣。河上之防。百未

經理。人心不肅。威令不行。復讐之師。不聞及關陝。討賊之詔。

桃花扇傳奇

後序詳註卷四

三

不聞達燕齊。君父之讐。置諸膜外。夫我卽卑宮菲食。嘗膽卧薪。聚才智精神。枕戈待旦。合方州物力。破釜沉舟。尙虞無救。以臣觀廟堂謀畫。百執事經營。殊未盡然。夫將所以能克敵者。氣也。君所以能御將者。志也。廟堂志不奮。則行間氣不鼓。夏少康不忘出賣之辱。漢光武不忘燕薪之時。臣願陛下爲少康光武。不願左右在位。僅以晉元宋高之說進也。先皇帝死於賊。恭皇帝亦死於賊。此千古未有之痛也。在北諸臣死節者無多。在南諸臣討賊者復少。此千古未有之耻也。庶民

之家。父兄被殺。尙思穴胸斷脛。得而甘心。況在朝廷。顧可漠置。臣願陛下速發討賊之詔。責臣與諸鎮。悉簡精銳。直指秦關。懸上爵以待有功。假便宜而責成效。絲綸之布。痛切淋漓。庶海內忠臣義士。聞而感憤也。國家遭此大變。陛下嗣登大寶。與先朝不同。諸臣但有罪之當誅。曾無功之足錄。今恩外加恩未已。武臣腰玉。名器濫膺。自後宜慎重。務以爵祿待有功。庶猛將武夫。有所激勵。兵行最苦無糧。搜括既不可行。勸輸亦難爲繼。請將不急之工程。可已之繁費。朝夕之燕衍。左

桃花扇傳奇

後序詳註卷四

美

右之進獻。一切假借。卽事關典禮。亦宜概從節省。蓋賊一日未滅。卽有深宮曲房。錦衣玉食。豈能安享。必刻刻在復讐雪耻。振舉朝之精神。萃萬方之物力。盡并於選將練兵一事。庶人心可鼓。天意可回。可法每繕疏。循環諷誦。聲淚俱下。聞者無不感泣。比

大清兵已下邳宿。可法飛章報上。英謂人曰。渠欲叙防河將士功耳。慢弗省。而諸鎮逡巡無進師意。且數相攻。明年是爲

大清順治之二年。正月缺餉。諸軍皆飢。頃之河上告警。詔良佐得功率

師扼潁壽。傑進兵歸徐。傑至睢州。爲許定國所殺。部下兵大亂。屠睢旁近二百里殆盡。變聞。可法流涕頓足歎曰。中原不可爲矣。遂如徐州。以總兵李本身爲提督。統傑兵。本身者傑甥也。以胡茂順爲督師中軍。李成棟爲徐州總兵。諸將各分地。又立傑子元爵爲世子。請恤於朝。軍乃定。傑軍旣還。於是大梁以南皆不守。士英忌可法威名。加故中允衛允文兵部右侍郎。總督興平軍。以奪可法權。允文傑同鄉也。陷賊南還。傑請爲已監軍。傑死。允文承士英旨。疏請可法。士英喜。故有

桃花扇傳奇

後序詳註卷四

完

是命。駐揚州。二月。可法還揚州。未至。得功來襲興平軍。城中大懼。可法遣官講解。乃引去。時

大清兵已取山東河南。北逼淮南。四月朔。可法移軍駐泗州。護祖陵。將行。左良玉稱兵犯關。召可法入援。渡江抵燕子磯。得功已敗。良玉可法乃趨天長。檄諸將救盱眙。俄報盱眙已降。

大清泗州援將侯方巖全軍沒。可法一日夜奔還揚州。訛傳定國兵將至。殲高氏部曲。城中人悉斬關出。舟楫一空。可法檄各鎮兵。無一至者。二十日。

大清兵大至。屯斑竹園。明日總兵李棲鳳監軍副使高岐鳳拔營出降。城中勢益蹙。詩文武分陴拒守。舊城西門險要。可法自守之。作書寄母妻。且曰。死葬我高皇帝陵側。越二日。

大清兵薄城下。礮擊城西北隅。城遂破。可法自刎。不殊。一叅將擁可法出小東門。遂被執。可法大呼曰。我史督師也。遂殺之。揚州知府任民育。同知曲從。直王纘爵江都知縣周志畏。羅伏龍兩淮鹽運使揭振熙。監餉知縣吳道正。江都縣丞王志端。賞功副將汪思誠。幕客盧渭等皆死。可法初以定策功。加少保。兼桃花扇傳奇

後序詳註卷四

早

太子太保。以太后至。加少傅。兼太子太傅。叙江北戰功。加少師。兼太子太師。擒劇盜程繼孔功。加太傅。皆力辭不允。後以宮殿成。加太師。力辭乃允。可法爲督師。行不張蓋。食不重味。夏不筵。冬不裘。寢不解衣。年四十餘無子。其妻欲置妾。太息曰。王事方殷。敢爲兒女計乎。歲除。遣文牒至夜半。倦索酒。庖人報殺肉已分給將士。無可佐者。乃取鹽豉下之。可法素善飲。數斗不亂。在軍中絕飲。是夕進數十觥。思先帝。泫然淚下。凭几臥。比明。將士集轅門外。門不啟。左右遙語其故。知府民

育曰。相公此夕。卧不易得也。命鼓人仍擊四鼓。戒左右毋驚相公。須臾可法寤。聞鼓聲。大怒曰。誰犯吾令。將士述民育意。乃獲免。嘗子處鈴閣。或舟中。有言宜警備者。曰。命在天。可法死。覓其遺骸。天暑。衆屍蒸變。不可辨識。踰年。家人舉袍笏招魂。葬於揚州郭外之梅花嶺。其後四方弄兵者。多假其名號。以行。故時謂可法不死云。可法無子。遺命以副將史德威爲之後。有弟可程。崇禎十六年進士。擢庶吉士。京師陷。降賊。賊敗。南歸。可法請置之理。王以可法故。令養母。可程遂居南京。

桃花扇傳奇

後序詳註卷四

四

後流寓宜興。閱四十年而卒。

○按史可法我

大清賜諡忠正。

○又按傳奇稱史可法投江而死。屬誤。

恭引

御批歷代通鑑輯覽先是我睿親王

令南來副將韓拱薇叅將

陳萬春等。齎書致史。可法書曰。予向在瀋陽。卽知燕京物望咸推司馬。後入關破賊。得與都人士相接。識介弟於清班。曾託其手勒平安。拳致衷緒。未審以何時得達。比聞道路紛紛。多謂金陵有自立者。夫君父之讐。不共戴天。春秋之義。有賊不討。則故君不得書塋。新君不得書卽位。所以防亂臣賊子。

法至嚴也。闖賊李自成稱兵犯闕。手毒君親。中國臣民不聞加遺一矢。平西王吳三桂介在東陲。獨效包胥之哭。

朝廷感其忠義。念累世之宿好。棄近日之小嫌。爰整貔貅。驅除狗鼠。入京之日。首崇懷宗帝后諡號。卜塋山陵。悉如典禮。親郡王將軍以下。一仍故封。不加收削。勲戚文武諸臣。咸在朝列。恩禮有加。排市不驚。秋毫無擾。方擬秋高氣爽。遣將西征。傳檄江南。聯兵河朔。陳師鞠旅。戮力同心。報乃君國之讐。彰我

朝廷之德。豈意南州諸君子。苟安旦夕。弗審事機。聊慕虛名。頓忘實害。

桃花扇傳奇

後序評註卷四

三

予甚惑之

國家之撫定燕都。乃得之於闖賊。非取之於明朝也。賊毀明朝之廟王。

辱及先人。我

國家不憚征繕之勞。悉索敝賦。代爲雪耻。孝子仁人。當如何感恩圖報。

茲乃乘逆寇稽誅。

王師暫息。遂欲雄據江南。坐享漁人之利。揆諸情理。豈可謂平。將以天塹不能飛渡。投鞭不足斷流耶。夫闖賊但爲明朝祟耳。未嘗得罪於我。

國家也。徒以薄海同誓。特申大義。今若擁號稱尊。便是天有二日。儼爲
勍敵。予將簡西行之銳。轉旆東征。且擬釋彼重誅。命爲前導。
夫以中華全力。受制潢池。而欲以江左一隅。兼支

大國。勝負之數。無待著龜矣。予聞君子之愛人也。以德。細人則以姑息。
諸君子果識時知命。篤念故主。厚愛賢王。宜勸令削號歸藩。
永綏福祿。

朝廷當待以虛懷。統承禮物。帶羈山河。位在諸王侯上。庶不負

朝廷伸義討賊。興滅繼絕之初心。至南州羣彥。翩然來儀。則爾公爾侯。

桃花扇傳奇

後序詳註卷四

三

列爵分土。有平西之典。劍在。惟執事實圖利之輓。近士大夫。
好高樹名義。而不顧國家之急。每有大事。輒同築舍。昔宋人。
議論未定。兵已渡河。可爲殷鑒。先生領袖名流。主持至計。必。
能深維終始。寧忍隨俗浮沉。取舍從違。應早審定。兵行在即。
可西可東。南國安危。在此一舉。願諸君子同以討賊爲心。毋。
貪一身瞬息之榮。而重故國無窮之禍。爲亂臣賊子所笑。予。
實有厚望焉。記有之。惟善人能受盡言。敬布腹心。佇聞明教。
江天在望。延跂爲勞。書不宣意。可法旋遣人答善書。書曰。南中。

向接好音。法隨遣使問訊。吳大將軍未敢遽通左右。非妄隆
誼於草莽也。誠以大夫無私交。春秋之義。今倥忽之際。忽捧
金玉之章。真不啻從天而降也。循讀再三。殷殷至意。若以逆
賊。尙稽天討。煩。

貴國憂。法且感且愧。懼左右不察。謂南中臣民。媮安江左。竟忘君父之
怨。敬爲

貴國陳之。我大行皇帝。敬天法祖。勤政愛民。真堯舜之主也。以庸臣誤

國。致有三月十九日之事。法待罪南樞。救援莫及。師次淮上。

桃花扇傳奇

後序詳註卷四

器

凶問遂來。地拆天崩。山枯海泣。嗟乎。人孰無君。雖肆法於市
朝。以爲泄泄者之戒。亦奚足謝先皇帝於地下哉。爾時南中
臣民。哀慟如喪考妣。無不拊膺切齒。欲悉東南之甲。立剪兇
讐。而二三老臣。謂國破君亡。宗社爲重。相與迎立今上。以繫
中外之心。今上非他。神宗之孫。光宗猶子。而大行皇帝之兄
也。名正言順。天與人歸。五月朔日。駕臨南都。萬姓夾道歡呼。
聲聞數里。羣臣勸進。今上悲不自勝。讓再讓三。僅允監國。迨
臣民伏闕屢請。始以十五日正位南都。從前鳳集河清。瑞應

非一卽告廟之日。紫雲如蓋。祝文升霄。萬目共瞻。欣傳盛事。大江湧出。桄桺數十萬章。助脩宮殿。豈非天意也哉。越數日。遂命法視師江北。刻日西征。忽傳我大將吳三桂。借兵。

貴國。破走逆成。爲我先皇帝后發喪成禮。掃清宮闕。撫輯羣黎。且罷雍

髮之令。示不忘本朝。此等舉動。振古鑠今。凡爲大明臣子。無不長跼北向。頂禮加額。豈但如明諭所云。感恩圖報已乎。謹於八月。薄治筐篚。遣使犒師。兼欲請命鴻裁。連兵西討。是以王師旣發。復次江淮。乃辱明誨。引春秋大義。來相詰責。善哉。

桃花扇傳奇

後片詳註卷四

畢

乎。推言之。然此乃爲列國君薨。世子應立。有賊未討。不忍死其君者立說耳。若夫天下共主。身殉社稷。青宮皇子。慘變非常。而猶拘牽不卽位之文。坐昧大一統之義。中原鼎沸。倉猝出師。將何以維繫人心。號召忠義。紫陽綱目。踵事春秋。其間特書如莽移漢鼎。光武中興。丕廢山陽。昭烈踐阼。懷愍亡國。晉元嗣基。徽欽蒙塵。宋高續統。是皆於國讐未剪。亟正位號。綱目未嘗斥爲自立。率以正統與之。甚至如元宗幸蜀。太子卽位靈武。議者疵之。亦未嘗不許以行權。幸其光復舊物也。

本朝傳世十六。正統相承自治。冠帶之族。繼絕存亡。仁恩遐被。

貴國昔在先朝。夙膺封號。載在盟府。寧不聞乎。今痛心本朝之難。驅除亂逆。可謂大義復著於春秋矣。昔契丹和宋。止歲輸以金繒。回紇助唐。原不利其土地。況

貴國篤念世好。兵以義動。萬代瞻仰。在此一舉。若乃乘我蒙難。棄好崇讐。規此幅順。爲德不卒。是以義始。而以利終。爲賊人所竊笑也。

桃花扇傳奇

後序詳註卷四

哭

貴國豈其然。往先帝軫念潢池。不忍盡戮。勦撫互用。貽誤至今。今上天縱英明。刻刻以復讐爲念。廟堂之上。和衷體國。介冑之士。飲泣枕戈。忠義民兵。願爲國死。竊以爲天亡逆闖。當不越於斯時矣。語曰。樹德務滋。除惡務盡。今逆成未服。天討諜知。捲土西秦。方圖報復。此不獨本朝不共戴天之恨。抑亦

貴國除惡未盡之憂。伏乞堅同讐之誼。全終始之德。合師進討。問罪秦中。共梟逆賊之頭。以洩敷天之憤。則

貴國義問。炤耀千秋。本朝圖報。惟力見視。從此兩國。世通盟好。傳之無

窮不亦休乎。至於牛耳之盟。則本朝使臣久已在道。不日抵燕。奉盤盂從事矣。法北望陵廟。無涕可揮。身蹈大戮。罪應萬死。所以不卽從先帝者。實爲社稷之故。傳曰。竭股肱之力。繼之以忠貞。法處今日。鞠躬致命。克盡臣節。所以報也。惟殿下實昭鑒之。

○按讀睿親王之書。知我

大清得天下之正。讀史可法之書。知人臣無二心之義。以彼景仰聖朝誠知

非由崧之開庸所能抗拒。但以身爲明臣。當爲明死耳。夫大夏傾頽。一木何能支柱。觀其督帥江上。受制於權奸。倚我

大清之天戈遲指。

可法且將爲熊廷弼袁崇煥之續矣。是可法之得正命而死

桃花扇傳奇

後序詳註卷四

畢

者幸也。○又按正白旗漢軍朱姓者。明之嫡裔也。世襲延恩侯。罔替。則睿親王虞賓之說誠非虛語。且修整明諸帝石陵寢。皆極堅固壯麗。歲歲致祭。我大清之待前明。誠爲至優極渥。波及殉節諸臣。皆賜以美諡。褒忠之典。又超越千古矣。

景華螢火絕不見腐草之光。

隋書煬帝本紀。十二年五月壬午。上於景華宮徵求螢火。得數斛。夜出遊山放之。光徧巖谷。○禮月令。季夏之月。腐草爲螢。衛湜禮記集說。馬氏曰。腐草爲螢。則木氣之餘。乘火而化也。○李商隱隋宮詩。而今腐草無螢火。

芳樂香塵。那復有金蓮之步。

南齊書東昏侯本紀三年夏。於闕武堂起芳樂苑。山石皆塗以五采。跨池水立紫閣諸樓觀。壁上畫男女私褻之像。種好樹美竹。王嘉拾遺記石季倫。又侍人美豔。又使數十人各含異香。行而語笑。則口氣從風而颺。又屑沉水之香如塵末布象牀上。使所愛者踐之。無迹者。賜以真珠百琲。有迹者。屏其飲食。令體輕弱。故閨中相戲曰。爾非細骨輕軀。那得百琲真珠。南史齊東昏侯本紀。又鑿金爲蓮花以貼地。令潘妃

桃花扇傳奇

後序詳註卷四

哭

行其上曰。此步步生蓮花也。

三百年豐功盛德。蟻夢槐柯。

張三異明紀彈詞。惟有明朝一。自洪武至崇禎。歷二百七

十八年。

按太祖三十一年。惠帝四年。太宗二十三年。仁宗

一年。宣宗十年。英宗十四年。代宗七年。英宗又八年。憲宗二十三年。孝宗十八年。武宗十六年。世宗四十五年。穆

宗六年。神宗四十八年。光宗一月。熹宗七年。莊烈帝十七年。

○班彪王命論。由是言之。帝王之祚。必有明聖顯懿之德。豐

功厚利積累之業。易繫辭日新之謂盛德。○李昌齡樂善

錄。淳于芬嘗晝寢。夢二紫衣吏引自宅南古槐下入。俄至一

城重樓傑閣。金題其榜曰大槐安國。旣入城。又見一吏迎揖曰。駙馬遠來。且少憩於此。此東華館也。居數日。王引見。一見大悅。卽以公主名瑤芳者妻之。未幾。出典南柯郡。政大舉。王甚禮焉。在任凡二十年。許生男子五人。女子一人。無何。主卒。方悲慟間。忽然驚覺。乃知是夢。立命發掘。其槐下果有二穴。中有一臺。色赤如丹。二大蟻處之。卽所謂大槐安國都邑也。又窮其穴。直上南枝。卽夢所典南柯也。夢大駭異。復命掩之。十五陵剩水殘山。蜃消海市。

桃花扇傳奇

後序詳註卷四

晃

按明史本紀。太祖塋孝陵。成祖長陵。仁宗獻陵。宣宗景陵。英宗裕陵。代宗壽陵。憲宗茂陵。孝宗泰陵。武宗康陵。世宗永陵。穆宗昭陵。神宗定陵。光宗慶陵。熹宗德陵。莊烈帝思陵。○杜甫陪鄭廣文遊何將軍園。

林詩。剩水滄江破。殘山碣石開。陸佃埤雅。蜃形似蛇而大。腰以下鱗盡逆。一曰狀似蟠龍。有耳有角。背翬作紅色。噓氣成樓臺。望之丹碧隱然。如在烟霧。飛鳥倦飛。就之以息。喜且至。氣輒吸之而下。今俗謂之蜃樓。將雨而見。○沈括夢溪筆談。登州海中。時有雲氣如宮室臺觀城堞。人物車馬冠蓋。歷歷可見。謂之海市。或曰蛟蜃之氣所爲。

乾坤板蕩。無一個社稷之臣。

易繫辭。天尊地卑。乾坤定矣。○申培詩說。蕩。厲王無道。召穆公諫之。板。厲王用事之臣。多懷不忠。以致禍敗。公卿賦此以責之。○新唐書蕭瑀列傳。帝嘗曰。武德季。太上皇有廢立議。顧朕挾不賞之功。於昆弟弗見容。瑀於爾時。不可以利怵死懼。社稷臣也。因賜詩曰。疾風知勁草。板蕩識誠臣。○劉向說苑。術篇。晏子侍於景公。朝寒。請進熱食。對曰。嬰非君之厨養臣也。敢辭。公曰。請進服裘。對曰。嬰非田澤之臣也。敢辭。公

桃花扇傳奇

後序詳註卷四

平

曰。然夫子於寡人奚爲者也。對曰。社稷之臣也。公曰。何謂社稷之臣。對曰。社稷之臣。能立社稷。辨上下之宜。使得其理。制百官之序。使得其宜。作爲辭令。可分布於四方。自是之後。君不以禮。不見晏子也。

風雨漂搖。餘幾許林泉之客。

詩。幽風。鴟鶚篇。風雨所漂搖。○北史韋實列傳。所居之宅。枕帶林泉。實對翫琴書。蕭然自逸。時人號爲居士焉。如斯而已。豈不哀哉。

史賴有白髮禮生失其姓字。

李白樂府將進酒篇君不見高堂明鏡悲白髮朝若青絲暮若雪。○梁書劉毅列傳自國子禮生射策高第。○陶潛五柳先生傳先生不知何許人也亦不詳其姓字。

黃冠道士曾現宰官。

新唐書方伎李淳風列傳李淳風岐州雍人父播仕隋高唐尉棄官爲道士號黃冠子。○太上太霄琅書經人行大道號曰道士士者何理也事也身心順理惟道是從從道爲事故桃花扇傳奇後序詳註卷四

至

稱道士。○法華經以宰官身得度者卽現宰官身而爲說法。見陌上之銅駝鼻酸舊圖。

晉書索靖列傳惠帝卽位賜爵關內侯靖有先識遠量知天下將亂指洛陽宮門銅駝歎曰會見汝在荆棘中耳。○晁冲之敦素有以書局處之者作詩迎之朝回金馬門前曉晏罷銅駝陌上春。○宋玉高唐賦孤子寡婦寒心酸鼻。○江淹獄中上建平王書履影弔心鼻酸骨痛。○前漢書魏豹田儼韓信列傳贊楚漢之際豪傑相王惟魏豹韓信田儼兄弟爲舊

國之後。

聞山中之謝豹。腸斷先王。

左傳桓公十二年。驅楚役徒於山中。○甯璩華陽國志蜀志。後有王曰杜宇。教民務農。一號杜王。時朱提有梁氏女。利遊江源。宇悅之。納以爲妃。移治郫邑。或治瞿上。七國稱王。杜宇稱帝。號曰望帝。更名蒲卑。自以功德高諸王。乃以褒斜爲前門。熊耳靈關爲後戶。玉壘拔眉爲城郭。江潛綿洛爲池澤。以汶山爲畜收。南中爲園苑。會有水災。其相開明。決玉壘山。以除水害。帝遂委以政事。法堯舜禪受之義。遂禪位於開明。帝升西山隱焉。時適二月。子鵲鳥鳴。故蜀人悲子鵲鳥鳴也。○羅泌路史餘論。杜宇末年。遜位鰲靈。鰲靈者。荆人也。○死尸隨水上。荆人求之不得。至蜀。起見望帝。望帝以爲相。後禪以國。去之。隱於西山。民俗思之。時適二月。田鵲方鳴。因號杜鵑。以志其隱去之期。一云。宇禪之而淫其妻。耻之。死爲子鵲。故蜀人聞之皆起曰。我望帝也。○陸游老學庵筆記。吳人謂杜宇爲謝豹。杜宇初啼時。漁人得鰕。曰。謝豹鰕。市中賣筍。曰。謝

桃花扇傳奇

後序詳註卷四

至

豹筍。唐顧況送張衛尉詩曰。綠樹村中謝豹啼。若非吳人。殆不知謝豹爲何物也。伊席夫鄉媛記。昔有人飲於錦城謝氏。其女窺而悅之。其人聞子規啼。心動而去。女恨甚。後聞子規聲。則怔忡若豹鳴也。使侍女以竹枝驅之。曰。豹。汝尙敢至此乎。故名謝豹。杜牧子規詩。蜀地曾聞子規鳥。宣城又見杜鵑花。一叫一回腸一斷。三春三月憶三巴。書盤庚上古我先王。

於以邨戶釀錢。追薦中元之節。

桃花扇傳奇

後序詳註卷四

三

禮記禮器。周禮其猶釀與。註合錢飲酒爲釀。歐陽修歸田錄。三班院所領使臣八十餘人。泚事於外。其罷而在院。常數百人。每歲乾元節。釀錢飯僧。進香合以祝聖壽。謂之香錢。道經七月十五中元日。地官校勾。搜選人間。分別善惡。諸天聖衆。普詣宮中。簡定劫數人鬼。傳錄餓鬼囚徒。一時皆集。以其日作元都大獻於玉京山。採諸花果珍奇異物。幡幢寶蓋。清膳飲食。獻諸聖衆。道士於其日夜。講誦是經。十方大聖。齊咏靈篇。囚徒餓鬼。俱得飽滿。免於衆苦。得還人中。

仙壇酌酒。仰招上界之魂。

元結登九疑第二峰詩。九疑第二峰。其上有仙壇。後漢書公孫瓚列傳。祭辭先人。酌酒祝曰。韓愈奉酬盧給事雲夫四兄曲江荷花行見寄并呈錢七兄閣老張十八助教上界真人足官府。

麥飯一盂。權抵作當年鼎鼐。

後漢書馮異列傳。及王郎起兵。光武自薊東南馳。晨夜草舍。至饒陽蕪婁亭。時天寒烈。衆皆飢疲。異上豆粥。明日光武謂桃花扇傳奇。後序詳註卷四。

盂

諸將曰。昨得公孫豆粥。飢寒俱解。及至南宮。遇大風雨。光武引車入道旁空舍。異抱薪。鄧禹爇火。光武對竈燎衣。異復進麥飯菟肩。因復渡盧沱河。至信都。使異別收河間兵。還拜偏將軍。從破王郎。封應侯。韓愈送石處士序。食朝夕飯一盂。蔬一盤。左思魏都賦。準當年以爲量。爾雅釋器。鼎。絕大謂之鼐。王令寄黃滿二子詩。滋味和鼐鼐。

菜羹半鉢。聊充爲今夕犧牲。

禮記玉藻。子卯稷食菜羹。陸游野興詩。蕭條生計君無笑。

一鉢藜羹敵百珍。○詩唐風綢繆篇今夕何夕。○周禮牧人
凡祭祀供其犧牲。

迨及殉難忠臣死綏厲鬼。

明史忠義列傳序湛身殉難者未易更僕數。○史記趙世家
且夫貞臣也難至而節見忠臣也累至而行明。○三國志魏
書武帝本紀下令曰司馬法將軍死綏。註魏書曰綏却也有
前一尺無却一寸。○左傳昭公七年鄭子產聘於晉晉侯有
疾韓宣子迎客私焉曰寡君寢疾於今三月矣並走羣望有
桃花扇傳奇後序詳註卷四

蓋

加而無瘳。今夢黃熊入於寢門其何厲鬼也。○新唐書張巡
列傳賊攻城士病不能戰巡西向拜曰孤城備竭弗能全臣
死不報陛下死爲鬼以痛賊。○恭引

御批歷代通鑑輯覽

崇禎七年

春正月。

又

賊自鄖陽渡漢遂入四川陷夔州。

又

署府事同知何承光死之。

又

犯大寧知縣高日臨被執罵

賊不屈賊碎其體而焚之訓導高錫及妻女巡檢陳國俊及
妻皆遇害又陷巫山通江巡檢郭贊化陣歿指揮王永午由
實守備郭震辰皆力戰死。○冬十一月。又賊自陝西出犯河

南。〔又〕殺固原道陸夢龍。〔又〕遊擊賀其勲都司石崇德。〔又〕俱戰

死。時隆德令費彥方以城陷被執不屈死。○〔又〕年春正月。賊

略江北。霍邱先陷。縣丞張有俊教諭倪可太。訓導何炳若皆

死。潁州繼之。知州尹夢鰲。通判趙士寬皆拒賊不敵。投水死。

夢鰲弟姪七人從死。士寬妻李攜三女登樓自焚死。僕王舟

亦罵賊死。致仕尚書張鶴鳴及其弟副使鶴騰子大同一門

皆死。衛指揮李從師。主廷俊。千戶孫升。田三震。羅元慶。田得

民。王之麟。及中書舍人田之穎。知縣劉道遠。光祿寺丞李生

桃花扇傳奇

後序詳註卷四

五

白。訓導王嘉遇。舉人白精忠。郭三杰。諸生劉廷傳。廷石。韓光

祖。及子定策。孫日曦皆死之。有檀之槐者。護母柩不去。與賊

格鬪。殺數人。被磔死。官紳士庶死者共一百三人。城中婦人

殉節者二十七人。烈女八人。一時忠烈稱獨盛。城破後亦無

一人向賊乞憐者。賊怒。遂屠之。賊陷鳳陽。留守朱國相等

戰死。〔又〕知府顏容暄。推官萬文英死之。〔又〕獻忠東陷廬江。屠

巢。無爲。潛山。太湖。宿松。〔又〕廬江里居參政盧謙。命服危坐中

門。賊至不動。遂殺之。舉人張受。畢尹周亦皆不屈死。〔又〕太湖

知縣金應元自經死訓導葛永寧亦死焉。○六月賊復走陝

西。〔反〕副將艾萬年、柳國鎮等戰歿。〔反〕總兵曹文詔戰死。〔按〕

詔文詔忠果。○九年春正月。〔反〕高迎祥圍廬州不能破。分道陷含山。

大清賜專諭忠果。

和州知州黎業訓導唐正諫在籍御史馬如蛟皆死之。

十二年張獻忠叛於穀城。〔反〕殺知縣阮之鉅。〔反〕進陷房縣。知

縣郝景春及其子鳴鸞皆死之。〔反〕守備楊道選巷戰死。〔反〕主

簿朱邦聞被執不屈死。遊擊羅岱追之至羅睺山遇伏。岱被

執不屈死。○十三年秋七月張獻忠與羅汝才合陷四川。〔反〕大

桃花扇傳奇。〔後序詳註卷四〕

桃花扇傳奇

後序詳註卷四

五

昌進屯聞縣永寧降將張令戰死。○九月李自成走鄖均遂

入河南。〔反〕遂自南陽出攻宜陽殺知縣唐啟泰移攻永寧殺

知縣武大烈。〔反〕主簿魏國輔教諭任維清守備王正已百戶

孫世英皆死之。戕萬安王采鏗攻偃師一日而陷知縣徐日

泰罵賊死。○十四年春正月官軍追張獻忠於開縣敗績。〔反〕叅

將劉士杰遊擊郭世開皆戰死。○李自成陷河南府殺福王

常洵。〔反〕尙書呂維祺方家居。〔反〕被執不屈死。同時以鄉官死

難者待詔郭顯星推官黨克念知縣劉芳泰皆洛陽人以舉

人死難者洛陽張民表嵩縣王翼明以布衣死難者孟津孫挺生新安馬明山李登英。○按呂維祺我

敬。○二月張獻忠陷襄陽殺襄王翊銘。○按議張克儉推官

鄭曰廣遊擊黎民安等死之。○按殘商城知縣盛以恒竭力守

禦城陷及其孫覺教諭曹惟禎典史呂維顯皆不屈死。邑紳

士殉難者則有創籍副都御史楊所修副使洪引徵行取知

縣馬剛中縣丞教官段增輝舉人余容善諸生盧詔德黃焯

陳廷對廷等。光祿劉澤長楊士琦皆罵賊死。所修黨魏忠

桃花扇傳奇

後序詳註卷四

壬

賢麗名逆黨至是死節。○獻忠自商城疾趨犯信陽知州尙

孝誌訓導李逢旭陳所聞邑進士張應宿皆死之。○九月陝

西總督傅宗龍軍潰於新蔡死之。○十二月李自成陷南陽

殺唐王聿鎮總兵猛如虎死之。○按叅政艾毓初知縣姚運熙

主簿門迎恩訓導楊氣開皆死。明年李自成再破南陽知府

邱懋素亦死之。○按十五年二月陝西總督汪喬年軍潰於襄城

死之。○按明史初襄城諸生張永祚迎喬年城破自成購永

祚張一貫黨威李萬慶及監紀西安同知孫兆祿材。○五月官李可從襄城知縣曹思正典史趙鳳身皆死之。

張獻忠陷舒城。據之。教諭楊廷璧與在籍編修胡守恒罵賊死。連陷廬州。通判趙興基經歷程元綬指揮趙之璞皆力戰死。○閏一月。李自成陷汝寧。前總督侍郎楊文岳死之。○總兵虎大威中礮死。○兵備僉事王世琮知府傅汝爲通判朱國寶副將賈梯叅將馮名聖汝陽知縣文師頤等俱不屈死。○_去年春正月。李自成陷承天。○_又殺湘陰王儼鉅。○_又巡撫宋一鶴總兵錢中選留守孫壽崇副使張鳳翥知府王璣鍾祥令蕭漢等皆死之。○五月。張獻忠陷武昌。沉楚王華奎於

桃花扇傳奇

後序詳註卷四

竟

江前文淵閣大學士賀逢聖死之。○_又逢聖妻危氏子觀明光明子婦曾氏陳氏孫三人皆從死。○_又長史徐學顏叅將崔文榮俱戰死。○_又時官紳士庶死節者通判李毓英武昌衛經歷汪文熙巡檢戴良瑄及黃岡諸生馮雲路汪延陞江夏諸生明睿熊震大冶尹如翁嘉魚知縣王良鑑蒲圻知縣曾枳等。○_按賀逢聖我。○冬十月。李自成寇潼關。總督孫傳庭死之。○_又賊遂陷華陰。渭南知縣楊暄死之。鄉官尙書南企仲年八十三罵賊不絕口。遂遇害。企仲族子尙書居益子主事居業。

皆被執不屈。加炮烙而死。連破華商。商雒道黃世清。一門遇害。其僕唐世鳳。罵賊不屈死。又自成入秦王宮。執秦王存樞。

授權將軍。妃劉氏死之。巡撫馮師孔。及按察使黃綱。俱投井死。秦府長史章尙綱。自經。長安知縣吳從義。指揮崔爾達。亦皆赴井死。鄉官都御史焦源溥。罵賊支解死。其兄都御史源清。不屈死。僉事王徵。絕食死。叅政祝萬齡。投繯死。時孫傳庭妻張氏。在西安。率三妾二女同赴井死。又鳳翔不下屠之。以偽檄誘降榆林。亦不下。自成大發兵攻之。兵備副使都任。脅

桃花扇傳奇

後序詳註卷四

卒

餉員外郎王家祿。里居總兵官汪世欽。尤世威。世祿等。集眾城守。血戰七晝夜。婦人孺子。皆發屋瓦擊賊。城陷。無一降者。忠烈爲天下最。賊遂乘勝降寧夏。屠慶陽。韓王稟增被執。副使段復興。一門死之。知府董琬。里居少卿麻禧。皆不屈死。移攻蘭州。巡撫林日瑞。副將郭天吉。總兵官馬燝。中軍哈維新。姚世儒。同知藍臺。鄉官羅俊傑。趙官等。皆死。○又遣副將渡河。陷平陽。殺宗室三百餘人。○按明史。孫傳庭與監軍副使喬遷高。躍馬大呼。同歿於陣。屍竟不可得。同死者。有副將孫枝秀。叅將黑尙仁。材官小將張映奎。李棲鳳。任光裕。戴友仁。以下七十八人。○按孫傳庭。我

大清賜諡忠武

○三月〔又〕自成至大同。巡撫衛景瑗自縊死。分巡副使朱

家仕盡驅妻妾子女入井而已。從之。一家死者十六人。督儲

郎中徐有聲山陰李倬亦死之。至宣府〔又〕巡撫朱之馮縊死。

督糧通判朱敏泰諸生魏時中投縊死。副將甯龍罵賊死。繫

獄總兵官董用文副將劉九卿及里居知縣申以孝並不屈

死。其他婦女死義者十餘人。保定城陷。知府何復尚知邵

宗元御史金毓峒及中官方正化鄉官張羅俊等皆不屈死。

○〔按明史李自成薄京師京營副將賀讚獨率部卒迎擊中矢死弟諸生誠偕妻子投井死。〕京師陷帝

桃花扇傳奇〔後序詳註卷四〕

全

崩於煤山〔又〕太監王承恩縊於側〔又〕時羣臣殉難者文臣則

大學士范景文赴雙塔寺旁古井死其妾聞之自經死〔按范景

文我〕○尙書倪元璐自縊死一門殉節者十三人〔按倪元璐我

大清賜諡文忠

正○左都御史李邦華走文丞相祠自經死〔按李邦華我

大清賜諡忠

肅○協理京營兵部左侍郎王家彥向闕叩頭投城下不死

縊於民舍而絕〔按王家彥我〕

大清賜諡忠

毅○刑部右侍郎孟兆祥奉命守正陽門賊至自縊門下子

進士章明亦縊死兆祥妻呂氏章明妻王氏亦同日並縊〔按〕

孟兆祥我
大清賜諡忠靖。孟章明我。

大清賜諡貞孝。○左都御史施邦曜聞城陷。自縊。僕解之。復蘇。邦曜叱曰。

若知大義。毋阻我死。遂仰藥而死。○按施邦曜我。

大清賜諡忠愍。○大理寺卿凌義渠聞難以首觸柱。流血被面。乃取生平

所閱書盡焚之。曰。無被賊手汙也。服緋正笏。向闕拜。復南向。

稽首。作書辭父。闔戶自經。○按凌義渠我。

大清賜諡忠介。○太常少卿吳麟徵城陷。入道旁祠。作書訣家人。自經死。

大清賜諡忠肅。○按吳麟徵我。○右庶子周鳳翔作書辭二親。題詩壁間。自

桃花扇傳奇
後序詳註卷四

奎

縊死。○按周鳳翔我。

大清賜諡文忠。○左諭德馬世奇作書別母。肅衣冠。捧所署司經局印。望

闕再拜。自經。妾朱氏李氏並先自縊而死。○按馬世奇我。

大清賜諡文肅。○左中允劉理順與妻萬氏妾李氏子孝廉並婢僕十八

人。闔門縊死。○按劉理順我。

大清賜諡文烈。○檢討汪偉語繼妻耿氏善撫幼子。耿泣曰。我獨不能從

公死乎。因以幼子屬其弟。衣新衣。引刀自剄。不殊。復投繯而絕。偉欣然曰。是成吾志。移其屍於堂。援筆書於壁曰。日講官

大清賜諡文

翰林院檢討汪偉同繼妻耿氏死節處乃自經。○按汪偉我

毅。○太僕寺丞申佳胤城陷冠帶辭母策馬至王恭廠將投

井從者持之下馬旁見灌畦巨井急躍入僕號呼欲出之佳

胤亦呼曰告太安人有子作忠臣勿過傷也遂死。○按申佳胤我

大清賜諡端

愍。○給事中吳甘來聞變疾走皇城不得入返作絕命詞盡

取疏草焚之曰賊寇縱橫徒持議論無益毫末留之罪彌大

正衣冠北向拜投繯死。○按吳甘來我

大清賜諡莊

介。○御史王章與給事中光時亨守阜成門賊入城時亨要

批花扇傳奇後序詳註卷四

畜

章走俄賊至疾呼下馬時亨倉皇下跪乞降章罵賊不顧賊

攢槊刺死。○按王章我

大清賜諡節

愍。○陳良謨母老己未有子而妾時氏方娠乃謂之曰吾且

死汝幸妊身急歸父母家時泣曰公殉國妾不當殉公耶倘

不幸有他不如無子良謨曰能如是乎時乃先就縊既死良

謨整衣冠望闕拜亦自縊。○按陳良謨我

潔。○陳純德督學畿輔因賊警還都城陷慟哭作書別父母

遂自經。福王時諡恭節。○按明史范景文等列傳云

皇清順治九年。

世祖章皇帝表章前代忠臣。所以范景文。倪元璐。李邦華。主家彥。孟兆祥。子章。明施邦曜。凌義渠。吳麟徵。周鳳翔。烏世奇。劉理順。汪偉。吳甘來。主章。陳良謨。申佳允。許直。成德。金鉉。二十人名上。

命所在。有司各給地七十畝。建祠致祭。且予美諡焉。○趙選。巡視中城。彼時陳純德之名未列上聞。故不得諡。○趙選。巡視中城。城陷。罵賊被殺。○按趙選之名。亦未上聞。不得諡。○兵部郎中成德。聞帝崩。

慟哭。持雞酒。奔奠梓宮前。觸地流血。賊露刃脅之。不爲動。奠

畢歸家。有妹年二十餘。因家難未嫁。德顧之曰。我死。汝何依。

妹請先死。德稱善。哭而視其綏。繼室霍氏請繼之。德痛不及

視。入別其母。哭盡哀。出則自縊。母見子女及子婦皆死。亦投

桃花扇傳奇

後序詳註卷四

奎

縊死。闔門死難。○按成德。戎

大清賜諡介

愍。○郎中周之茂。需次都下。賊搜得之。不屈被害。○按周之茂之名。亦

未上聞。○吏部員外郎許直。聞帝崩。一慟幾絕。客以七十老父

不得諡。○爲解直曰。不死辱及所生。乃作書寄父。賦絕命詩六章。闔戶

自經死。○按許直我

大清賜諡忠

愍。○兵部員外郎金鉉。巡視皇城。京師陷。慟哭。急趨入朝。見

宮人狂奔出。知帝已崩。解牙牌。北向四拜。投金水河。從者力

挽之。鉉怒奮臂躍入死。母章妻王弟綜並同日死。○按金鉉我

鄭。員外郎寧丞烈管太倉銀庫。城陷。自經於官廨。中書

宋天顯被執自經。光祿寺署丞于騰雲賊至。語其妻曰。我
爲朝臣。汝亦命婦。不可汙賊。夫婦並衣命服自經。兵馬司
指揮姚成城陷自經。知州馬象乾居京師。賊入。率妻及子
女五人並縊。又布衣湯文瓊者。慟哭自殺。書其衣曰。位非
文丞相之位。心則文丞相之心。賊徒見者皆嘆其忠。凡數
十人。勲戚則宣城伯衛時春懷鐵券。闔門十七人皆赴井
死。惠安伯張慶臻召親黨盡散貲財。闔家自焚死。福王時

桃花扇傳奇

後序詳註卷四

矣

諡忠武。新城侯王國興自焚死。國興熹宗母孝和太后之
姪。新樂侯劉文炳。帝生母孝純皇太后之姪。文炳素與太
學生申湛然布衣黃尼麓講明忠義。賊攻西直門勢益急。尼
麓踉蹌告文炳宜自爲計。時太后母瀛國太夫人尙在。文炳
與其母杜氏計。太夫人篤老不可俱燼。請匿之湛然家。杜氏
曰。太夫人得所。我與若妻妹俱死耳。外城陷。文炳馳至崇文
門。殺賊數十人。馳歸第。母妻及其妹已俱縊死。家人共焚樓
火烈不得入。至後園與叔繼祖俱投井死。弟文耀守外城。城

破奔還。覓文炳死所。大書版井旁曰。左都督劉文耀。同兄文炳。畢命報國處。亦投井死。闔門死者四十二人。而湛然以匿瀛國太夫人。爲賊拷掠。終不言。體糜爛以死。駙馬都尉輩永固。鄱城陷。時公主已薨。未葬。永固以黃繩縛子女五人。繫樞旁曰。此帝甥。不可污賊手。舉劍自刎。闔室焚死。福王時。諡貞愍。錦衣衛指揮李若珪。城陷。作絕命詞。自縊死。千戶高文案。一家十七人皆自殺。宮人魏氏。臨御河大呼曰。有志者當自爲計。遂投河死。頃刻間。從死者一二百人。又有宮

桃花扇傳奇

後序詳註卷四

七

人費氏者。自投智井中。賊鉤出。見其姿容。爭奪之。費給曰。我長公主也。羣賊不放。迺擁見自成。自成命中官審視。非是以賞部將羅某。費復給羅曰。我實天潢。義難苟合。將軍宜擇吉成禮。羅喜。置酒極歡。費懷利刃。俟羅醉。斷其喉。立死。因自詫曰。我一弱女子。殺一賊帥。足矣。遂自刎。自成聞之。大驚。令收葬之。○五月。又明福王稱帝於南京。○八月。又張獻忠陷成都。蜀王至澍。率妃妾自沉於井。巡撫都御史龍文光。客巡撫按察御史劉之勃。皆被執。賊以之勃同鄉。欲用之。之勃大罵。

賊攢箭射殺之。復盡出文武將吏及軍民男婦於東門之外。將戮之。忽有龍尾下垂。賊以爲瑞。遂停刑。龍文光卒不屈。賊殺之於濯錦橋。總兵劉佳引自投於浣花溪死之。又僉事劉士斗被執。見劉之勃與張獻忠語。大呼曰。此賊也。公不可少屈。獻忠怒。命摔以上。士斗返顧。語如前。遂闔門被殺。副使陳其赤投百花潭死。成都同知方堯相死於萬里橋下。賊幽華陽知縣沈雲祚於大慈寺。遣其黨饋食。以刃脅降。不從。遇害。後獻忠復欲用諸人備百官。副使張繼孟僉事張孔教蜀府

桃花扇傳奇

後序詳註卷四

矣

左長史鄭安民皆不爲屈死之。明賜北京死節諸臣贈諡。並予世廕。立廟於雞鳴山陽。額曰旌忠。其列於正祀者。文臣二十四人。范景文。倪元璐。李邦華。王家彥。孟兆祥。施邦曜。凌義渠。吳麟徵。周鳳翔。馬世奇。劉理順。汪偉。申佳允。吳甘來。王章。陳純德。陳良謨。成德。許直。金鉉。及大同巡撫衛景瑗。宣府巡撫朱之馮。布衣湯文瓊。諸生許儵。武臣七人。新樂侯劉文炳。惠安伯張慶臻。襄城伯李國楨。駙馬都尉鞏永固。左都督劉文耀。山西總兵官周遇吉。遼東總兵官吳襄。內臣一人。王

承恩婦女九人。成德母張氏。金鉉母章氏。汪偉妻耿氏。劉理
順妻萬氏。妾李氏。馬世奇妾朱氏。李氏。陳良謨妾時氏。吳襄
妻祖氏。附祀文臣七人。進士孟章明及郎中徐有聲。給事中
顧鏐。彭瑄。御史俞志虞。總督徐標。副使朱廷煥。武臣十人。成
國公朱純臣。鎮遠侯顧肇。述定遠侯鄧文明。武定侯郭培昆。
陽武侯薛漣。永康侯徐錫登。西寧侯宋裕德。懷寧侯孫維藩。
彰武伯楊崇猷。宣城伯衛時春。清平伯吳遵周。新建伯王先
通。安鄉伯張光燦。右都督方履泰。錦衣衛千戶李國祿。內臣
六人。李鳳翔主之心。高時明。褚憲章。方正化。張國元。命有司
春秋致祭。然顧鏐。彭瑄。俞志虞主之心輩。特爲賊拷死。皆濫
與其列。而郎中周之茂等。並以不屈死。顧未邀贈卹。他如御
史馮恒登。員外郎鄭逢蘭。行人謝于宣。郎中李逢申。知縣鄒
逢吉等。皆拷死。亦並獲贈諡。時南北阻絕。多未能核實也。又
予前大學士孫承宗。太常少卿鹿善繼。祠諡。又湖廣殉難巡
按御史劉熙祚。叅政許文岐。被執。賊繫之後營。文岐陰與同
繫。舉人奚鼎鉉等數十人。相結圖賊。謀洩。被害。長沙推官蔡

道憲被執賊啗以官嚼齒大罵賊磔之健卒林國俊等九人

殉焉並予贈諡。○按明史宦者傳王承恩

清賜地

六十畝建祠立碑旌。○恩福王時諡忠愍我

政使尹伸給事中吳宇英皆不屈死遣諸僞將○又張獻忠僧號於成都前布縣詭開科取士集於青羊宮盡殺之筆墨成邱塚坑成都民於中國殺各衛諸軍九十八萬

光昭四表趨跲黼座於青冥

左傳隱公三年光昭先君之令德。書堯典光被四表。詩

桃花扇傳奇後序詳註卷四

年

齊風猗嗟篇巧趨跲兮。元稹王悅等爲昭武校尉制佩觿

有趨跲之美釋褐叅侍從之榮。周禮司几筵王位設黼依

○王建宮詞內人對面疊花牋黼座移來玉案邊。楚辭悲

回風篇據青冥而憑雲兮

錄陟三清扈從變輿於碧落

隋書經籍志其受道之法初受五千文錄次受三洞錄次受

上清錄皆素書紀諸天曹官屬佐吏之名。靈寶本元經四

人天外曰三清境玉清太清上清亦稱三天。司馬相如上

林賦扈從橫行。出乎四校之外。○班固西都賦於是乘鑾輿。備法駕。○度人經書於始青天中。碧落空歌大浮黎土。受元始度人無量上品。○李白陵陽山登天柱石酬韓侍御見招隱黃山詩蕭士贇註道書老君於東極碧落之天。浮黎之國。書冥文於青空之林。成紫字之文。復授青童大君靈書紫文。脩行二十四事。○翟楚賢碧落賦其動也。風雨如晦。雷電共作。其靜也。體象皎鏡。是開碧落。○按道經碧落乃諸天之一。爲碧落後來多從翟賦之說。

桃花扇傳奇

後序詳註卷四

主

是日也。雲迷谷暗。鐘鼓伐而聲淒。

○萬千東山瀑布詩遙夜看來宜月照。平明失去被雲迷。○黃庚題吳實齋北山別業詩樵斧伐雲春谷暗。○漢栢梁臺聯句撞鐘伐鼓聲中詩。○關尹子有悲心則聲淒淒然。

沙走江喧。鐃磬敲而音慘。

○杜甫復陰詩江濤簸岸黃沙走。○杜甫立秋雨院中有作江喧水氣浮。○新唐書禮樂志初隋有法曲。其音清而近雅。其器有鐃。鉦。鐘。磬。幢。簫。琵琶。○權德輿傷駟鳥賦忽耿慘以顛。

頓響哀音於簾箔。

神威赫奕。顯劍佩於雲衢。

〔張君房雲笈七籤靈妃歌〕六天懾神威。○〔何晏景福殿賦〕赫奕麗鑠。○〔賈至早朝大明宮詩〕劍佩聲隨玉墀步。○〔晉書〕郗詵阮种華譚袁甫列傳史論武皇之世。天下久安。朝廷屬意於求賢。過軸有懷於干祿。郗詵等並輶價州里。裒然應召。對揚天問。高步雲衢。求之前哲。亦足稱矣。

奸魄駭奔。倖頭顱於瘴嶺。

〔梅花扇傳奇〕

後序詳註卷四

主

〔梅堯臣寄滁州歐陽永叔詩〕直辭鬼胆懼。微文奸魄悲。○〔劉基石鼎詩〕迷離缺兔駭且奔。○〔史記春申君列傳〕頭顱僵仆相望。○〔馬戴送從叔赴南海幕詩〕瘴嶺控蠻軍。○〔明史馬士英列傳〕阮大鍼附士英擁殘兵欲入閩。唐王以罪大不許。明年

大兵勦湖賊。士英與長興伯吳日生俱擒獲。

詔俱斬之。事具

國史。大鍼偕謝三賓宋之晉蘇壯等赴江干乞降。從

大兵至仙霞關。僱仆石上死。而野乘載士英遁至台州山寺爲僧。爲我兵搜獲。大鍼國安先後降。尋唐王走順昌。我

大兵至搜龍扛。得士英。大鍼國安父子請王出關爲內應。疏遂駢斬士英。國安於延平城下。大鍼方遊山。自觸石死。仍戮屍云。陸圻冥報錄。阮大鍼以私隙殺雷縯祚於獄。

王師渡江。大鍼迎降。以圖富貴。從征入閩。過青草嶺。忽頰首曰。介公饒我。遂跌下馬死。介公雷縯祚字也。

觀者如堵。伊誰無警戒之心。

桃花扇傳奇

後序詳註卷四

三

禮記射義。孔子射於矍相之圃。蓋觀者如堵牆。○書大禹謨。傲戒無虞。

拜者若癡。彼皆有皈依之志。

李商隱中元作。中元朝拜上清迴。○元稹連昌宮詞。歸來如夢復如癡。○魏書釋老志。故其始脩心。則依佛法僧。謂之三皈。若君子之三畏也。○羯磨經。歸依佛者。歸於法身。謂一切智。無學功德五分所成。歸依法者。歸於自他盡處。謂斷欲無欲。滅諦涅槃。歸依僧者。歸於第一義僧。謂良祐福田。聲聞學。

無學功德也。○李頎僧房聞梵詩始覺浮生無住著。頓令心地欲皈依。

豈料羣雞立鶴來。逃獄之青衿。

〔晉書嵇紹列傳〕嵇紹字延祖。魏中散大夫康之子也。〔紹〕紹始入洛。或謂王戎曰。昨於稠人中。始見嵇紹。昂昂然如野鶴之在雞羣。戎曰。君復未見其父耳。○〔詩〕鄭風于衿。芻青青于衿。○〔朱子〕白鹿洞賦。頒黃卷以置郵。廣青衿之疑問。

飛鳥依人。識出宮之紅袖。

桃花扇傳奇

後序詳註卷四

古

〔新唐書〕長孫无忌列傳。帝曰。〔反〕褚遂良。鯁亮有學術。竭誠親於朕。若飛鳥依人。自加憐愛。○〔梁簡文帝採蓮賦〕素腕舉紅袖長。迴巧笑。墮明璫。

士曰。獄槐抱痛。命在如絲。

〔周禮〕朝士面三槐。三公位焉。州長衆庶在其後。左嘉石。平罷民焉。右肺石。達窮民焉。○〔江淹獄中上書〕抱痛圓門。含情獄戶。一物之微。有足悲者。○〔杜甫得舍弟消息詩〕雖在命如絲。女曰宮柳牽心。骨幾化石。

杜甫題鄭縣亭子詩。天清宮柳暗長春。○張君房雲笈七籤。人神好清。而心擾之。人心好靜。而欲牽之。○劉義慶幽明錄。武昌北山上有望夫石。狀若人立。古傳云。昔有貞婦。其夫從役。遠赴國難。餞送此山。立望夫。而化爲立石。因名焉。喁喁私語。訴別後之參商。

司馬相如論巴蜀檄。延頸舉踵。喁喁然皆爭歸義。○更記正義。喁。五恭反。口向上也。○白居易長恨歌。夜半無人私語時。

○左傳。昭公元年。晉高辛氏有二子。伯曰閼伯。季曰實沈。居

桃花扇傳奇

後序詳註卷四

七

於曠林。不相能也。日尋干戈。以相征討。后帝不臧。遷閼伯於商邱。主辰。商人是因。故辰爲商星。遷實沈於大夏。主參。唐人是因。其季世曰唐叔虞。當武王邑姜。方震太叔。夢帝謂己。余命而于曰虞。將與之唐。屬諸參。而蕃育其子孫。及生。有文在其手曰虞。遂以命之。及成。王滅唐。而封太叔焉。故參爲晉星。○語。林牛郎織女。以參商爲媒。亢氏爲妁。宜其終歲各天也。○杜甫贈衛八處士詩。人生不相見。動如參與商。刺刺長言。遇當前之牛女。

韓愈送殷員外使回鵲序顧婢子語刺刺不能休。禮記樂記言之不足故長言之。宗懔荆楚歲時記七月七日爲牽牛織女聚會之夜。按戴德夏小正云是月織女東向。蓋言星也。春秋斗運樞云牽牛神名畧石氏星經云牽牛名天關佐助期云織女神名收陰史記天官書云是天帝外孫傳元擬天問云七月七日牽牛織女會天河此則其事也。河鼓黃姑牽牛也。皆語之轉。焦林大斗記天河之西有星煌煌與參俱出謂之牽牛。天河之東有星微微在氏之下謂之織女。世桃花扇傳奇後序許註卷四

美

謂之雙星。吳均續齊諧記桂陽成武丁有仙道常在人間忽謂其弟曰七月七日織女當渡河諸仙悉還宮吾向已被召不得停與爾別矣弟問曰織女何事渡河去當何時還答曰織女暫詣牽牛吾後三年當還明日失武丁至今云織女嫁牽牛。

張道士則厲聲叱咤正色申明。

許慎說文厲嚴也。論語聽其言也厲。史記淮陰侯列傳項王喑啞叱咤千人皆廢。公羊傳桓公二年孔父正色而

立於朝。

○按申明。見中庸。

國破家亡。試問君親安在。

劉義慶世說新語名媛篇。桓宣武平蜀。以李勢妹爲妾。甚有寵。常著齋後。主始不知。旣聞。與數十婢拔白刃襲之。正值李梳頭。髮委藉地。膚色玉耀。不爲動容。徐曰。國破家亡。無心至此。今日若能見殺。乃是本懷。主慙而退。又天祥出獄臨刑詩。國破家亡事業休。○白居易陳村詩。上有君親恩。才貪色戀。仍諧夫婦何爲。

桃花扇傳奇

後序詳註卷四

七

秦觀自警詩。貪聲戀色。鎮如癡。終被聲色迷。阡陌。○易說卦。有男女。然後有夫婦。

苦海茫茫。放下屠刀而證佛。

楞嚴經引諸沉冥。出於苦海。○木華海賦。茫茫積流。含形內虛。○統要盤山實積禪師。因行市肆。見一客人買猪肉。語屠家曰。精底割一觔來。屠家放下刀。叉手云。長史。那個是不精底。師於言下有省。○傳燈錄。廣額屠兒。在湟會。放下屠刀。立地成佛。

愛河滾滾。拋開蟬殼而登仙。

梁簡文帝宋姬寺慧念法師墓銘。善渡愛河。能褰慾網。○杜
甫秋興詩。不盡長江滾滾來。○淮南鴻烈解精神訓。若此人
者。抱素守真。蟬蛻蛇解。遊於太清。○格物志。蟬者。蛻蛻所轉
九久而化成。其殼脫。○楚辭遠遊篇。貴真人之休德兮。美往
世之登仙。

奇君則喪短命之花。碎宮紈於落地。

六朝叢話。載閨秀句。驟雨條催花命短。狂飈慣斷柳魂輕。○

桃花扇傳奇

後序評註卷四

天

戰國策齊策。後宮櫟羅紈。曳綺縠。○劉長卿別嚴士元詩。閒
花落地聽無聲。

侯生則登回頭之岸。悟世網於俄時。

涅槃經。菩薩及佛。具足成就六波羅蜜多。到彼岸。○僧觀肇
維摩詰經註。彼岸。涅槃岸也。彼涅槃岸。岸之有。以我異於
彼者。借謂之耳。○錦繡萬花谷。楚經云。波羅蜜多。此云到彼
岸。彼岸者。西土俗以設喻諸佛地。謂之彼岸。衆生輪回作業
之地。如在海中。謂之此岸。則佛地所以謂之彼岸。○嵇康養

生論奉法循理不掛世網

從茲石榻翻經花香繞馨

劉向列仙傳修羊公者魏人也止華陰山石室中有懸石榻卧其上有畫穿陷○戴叔倫贈翠巖奉上人詩挂衲雲林淨翻經石榻涼○宋无咎無住和太初韻見寄詩片雲依石潤孤磬出花清

筠籠採藥嵐氣侵衣

范成大晚春田園雜興詩杖頭高挂小筠籠○賈島尋隱者

桃花扇傳奇

後序評詩卷四

无

不遇詩松下問童子言師採藥去○杜甫暝詩日下四山陰山庭嵐氣侵○許棠旅中送人歸九華詩根嵐曉潤衣洵足奇焉故可傳也

悲夫卦爻當剥萬物乖張

易繫辭八卦成列象在其中矣因而重之爻在其中矣○新唐書歷志京氏又以卦爻配期之日○程子周易著傳剥者羣陰長盛消剥於陽之時衆小人剥喪於君子不利有攸往○梁武帝孝思賦何在我而不爾與二氣相乖張

刳火成灰。羣倫緯繡。

釋道宣高僧傳。昔漢武穿昆明池底。得黑灰。問東方朔。朔曰。可問西城楚人。後竺法蘭至。衆人追問之。蘭云。世界終盡。刳火洞燒。此刳灰也。○楚辭離騷經。忽緯繡其難遷。註。緯繡。乖戾也。

綱常正氣。泯滅於臺閣簪纓。

班固白虎通德論三綱者。何謂也。謂君臣父子夫婦也。○五

常者。何謂仁義禮智信也。○元史許衡列傳。衡嘗語人曰。綱

桃花扇傳奇

後序詳註卷四

二

常不可一日而忘於天下。○楚辭遠遊篇。內惟省以端操。求

正氣之所由。○文天祥正氣歌。天地有正氣。雜然賦流形。○

鍾會檄蜀文。往者漢祚衰微。率土分崩。生民之命。幾於泯滅。

○後漢書仲長統列傳。雖置三公。事歸臺閣。○張說滄湖山

寺詩。若使巢由同此意。不將蘿薜易簪纓。

俠義高風。培養於漁樵脂粉。

宋史曹偕列傳。少讀書知義。以節俠自喜。○史記日者列傳。

褚少孫補能以技立名者甚多。皆有高世絕人之風。○劉因

示孫諸詩勾萌盛培養。雲霄看巖巖。王維桃源行薄暮漁樵乘水入。淮南鴻烈解脩務訓。曼頰皓齒形夸骨佳。不待脂粉芳澤而性可悅者。西施陽文也。

不分褒貶。誰復知筆墨森嚴。

杜預春秋左氏傳序。春秋雖以一字爲褒貶。然皆須數句以成言。晉書溫嶠列傳。陶侃上表曰。故大將軍嶠。忠誠著於聖世。勲義感於人神。非臣筆墨所能稱陳。歐陽修答蘇子美離京見寄詩。語言既可駭。筆墨尤其精。新唐書文藝列傳。大歷正元間。美才輩出。擣磨道真。涵泳聖涯。於韓愈倡之。柳宗元李翱。皇甫湜等和之。排逐百家。法度森嚴。

畧別旌懲。世還有心肝戒慎。

南史劉穆之列傳。臣聞崇賢旌善。王教所先。前漢書儒林列傳序。其勸善也。顯之朝廷。其懲惡也。加之刑罰。南史陳後主本紀。既見宥。隋文帝給賜甚厚。數得引見。班同三品。每預宴。恐致傷心。爲不奏吳音。後監守者奏言。叔寶云。既無秩位。每預朝集。願得一官號。文帝曰。叔寶全無心肝。元固爲

鄭相請朝覲表。蠲途戒慎。終日憂勤。

亂曰。君原聖裔。藉此寓德。言文政之科。

真德秀題孔從龍洙泗言學。君以先聖之裔。而研精先聖之書。其所發明。有補學者。○按德行言語政事文。學見論語先進第十一。○前漢書鄭

康成列傳。仲尼之門。考以四科。

僕本侯家。能不動隆替升沉之感。

晉書食貨志。戚里侯家。自相馳騁。○晉書王羲之列傳。悠悠者。以足下出處足觀政之隆替。○李白送友人入蜀詩。升沉

桃花扇傳奇

後序詳註卷四

全

應已定。不必問君平。

○按鏡菴稱侯家。遍考明史。江陰侯吳良靖。海侯吳禎。皆定遠人。恭順侯吳允

誠。蒙古人。清平侯吳成。遼陽人。均非北平籍。他若安陸侯吳復。西和伯吳守義。莊平伯吳中。安平伯吳安。皆無傳可考。其未膺封爵者。又皆南省人。未知語何所指。侯考。

桃花扇傳奇後序詳註卷四終



